

乘縣文徵志

卷十二
吟坡署

280.315
42
312



乘縣平民教育工廠廠長陳銘海訂

經理人 傅生
庶務 馬時育
校正

文徵

渠縣志第十二



昔孔父謂祀宋之文不足徵說論語者以文爲典策是則凡箸於竹帛者皆得謂之文固無貴乎彰彩斐然也漢世王充論文以著作奏記爲主其經專解故諸子則以爲鴻儒之文非若後人嬾此於文學外而博惟華辭是尙者故其執衡雖未畢允自不失爲通方之論也魏晉以降文之封域寢以局陬其以韵之有無科分文筆則潘沈諸人之失也畸重彬雅獨襄質實經傳子史亦在遮列之科則蕭嗣之失也專主耦儷無取檄錄以爲文之與辭畫然殊體則芸臺阮元之失也至或以啓人思者爲學說增人感者爲文辭雖於持論得其大齊不寤表誼之書節錄之語算術之演草地圖之名字旣無以啓人思又無以增人感即不得言文辭審亦不得謂之文乎善哉餘杭章先生之言曰凡文理文字

渠縣志

卷十二 文徵志一

渠縣平民教養工廠鉛印部承印

文辭皆得俚文是故權論文學以文字爲準不以衫章爲準斯其所見旁薄標誼閎通又超絕仲任萬萬矣今蒞次渠縣前文依隱舊訓師說準之姚書凡屬先正筆語若于掌故舊聞足資徵驗者類次相從悉以入錄蓋以祖宗手澤雖則倥緦後昆義當寶貴之若曰盡善則未也

文徵第十二

論辨錄

清

賈蓀谷重修城垣碑歲月辨一首

右李珪鶴汀先生重修城垣碑記也前志均註康熙二十四年乙丑通志因之咸豐辛亥余因校訂李忠烈公舍乙四世劫灰集疑其有誤廣諮博訪知此碑尚有因借友人及兒子恩節往觀見北門城闔中屹然聳峙高可八九尺闊六尺許點畫分明考其紀年乃四年乙巳也予爲紬繹文義證以諸書始恍然曰此城蓋經始於二年癸卯落成於三年甲辰而立石於四年乙巳其云二十四年乙丑者皆往昔相沿之誤也何以明之夫記言今皇上嗣位之明年乃命中丞佟公來撫蜀郡符下

渠縣志

卷十二 文徵志一

二

渠縣平民教養工廠鉛印部承印

浹旬其爲二年可知又言王眷南下工少止明年二月尋前工城乃就考吳逆之叛在十三年甲寅是時尚未萌蘖故吳應熊夫婦以是歲歸省雲南供張幾半天下城工亦爲少止四川反正在辛酉三桂之死在壬戌世璠之滅以癸亥至二十三年飲太平宴賦柏梁體詩聖祖首唱麗日和風被萬方之句所謂上元甲子也若乙丑則吳逆已殄無所謂王眷南下矣又考職官志縣令雷鳴魯河南郟城貢生順治十八年任政績志獻逆殘暴後官民若居雷身先士民修復城邑四民始得安業夫雷旣以順治十八年任豈有曠二十四年始修城垣之理且康熙五年已書劉夢饒任至二十二年爲北平董鉅中更五令矣尙何雷公之有哉又按志載傅惟清重修聖殿碑亦屬四年雷公時事城垣固而後謀及巽序理固宜然至五年李珪重修文廟碑已作劉公即夢饒其人

也以彼之矛攻彼之盾其何說之辭然則舊志皆作二拾四年乙丑何以故曰是亦有說志載李瑁平賊碑謂北平董公以癸亥來宰是邦職官政績俱同又言劇賊王奇祿爲彭時亨餘黨以丙寅六月十三日擁衆薄城夫丙寅爲康熙二十五年作志者既未細繹文理又不肯親訪遺碑遂以平賊碑之二十參以城垣碑之四年而註爲二十四年乙丑故於平賊碑下竟不能復註歲月合而觀之其謬誤顯然志以信今而傳後參互考訂儒者之責也故不得不辨

楊虞裳渠嘉禾攷一首

光緒四年秋渠大有年流溪人獲雙穗稻盈阡陌蓋歲首荐饑縣尹杜公賑之其效應然也議者顧疑之取附城禾爲證或相類者益爭如聚訟以問於治治曰此不常之瑞目所未經固不敢臆是然又烏知其非

渠縣志

卷十二 文徵志一

三

渠縣平民教養工廠鉛印部承印

哉考宋史仁宗慶厯六年昭化縣禾一莖兩歧眞宗咸平四年華州禾一莖兩穗六年京兆府獻長安縣嘉禾圖一枝雙穗哲宗元祐四年流江縣禾一本二穗元吏順帝至元四年流江縣禾亦一本二穗明史載成化九年秀水縣嘉禾生每莖兩節二節節間傍生一莖秀二穗厯代以來所稱雙穗雙歧者並非一種而皆謂之曰嘉禾今所獻者實皆兩根一二節間歧出雙莖兩穗並長實倍於他谷不易成化嘉禾亦即前史所稱流江縣之一本二穗也據厯代沿革圖宋元之流江即今渠縣又考邑志元祐間渠科第最盛其時名宿黎殿撰鎔總在朝列豈無所據而云爾哉至我聖朝之龍興也康熙元年雲南甯州禾遍產雙穗雍正五年李衛進西安常山二縣嘉谷奏稱一本之中兩穗三穗四穗者遍於各鄉世廟親賜大學士九卿觀看洪維國家隆盛誕降嘉祥誠以

食爲民天非他符瑞可比皇歡之洽良非偶然不然聖人明察庶物豈有不斥爲非而開貢諛之漸乎同治十年直督李奏進瑞麥御史某邊寶泉劾之亦獬豸之未嘗識字者矣

楊虞裳種樹說示同社生一首

在昔洙泗之間夫子親植檜子貢親植楷閱數千百年而菁英之氣與日月俱新以其榮落占文運之盛衰焉懿乎聖賢之澤矣渠金榜山邑文風之所繫也嘉慶丙子吳侯鼎移講舍於前中經兵燹同治丙寅仍復舊規而武城之薪木童童如也今杜侯延余來主講兼勸種樹曰培植先生請親之余爲日淺蓄訓之餘未獲帶經而鋤良有愧焉且余東西南北之人也朝種而夕去烏見其勿翦乎諸生生於斯業於斯卽異日之出齋室而升堂座者皆在於斯也其以芳春率藝人潦舍垣種柏

渠縣志

卷十一 文徵志

四

渠縣平民教養工廠鉛印部承印

若干樹雜木花果間之陳生熊生郭生舒生單生閻生廖生皆董其事餘亦手封一株爲識五年以爲期視其拱把量占熟地若干區齋長請於有司增看司殘粟誠以周舍汙菜礮柄之士皆其父子所開墾不欲奪小人利且使樂於灌溉也管子曰十年樹木百年樹人勗之哉

序跋類

宋

趙明誠漢車騎將軍馮公碑跋一首

右漢車騎將軍馮緄以范蔚宗後漢書考之史云字鴻卿而碑云皇卿史云初舉孝廉已遷至廣漢屬國都尉拜御史中丞順帝末持節揚州諸軍事與中郎將滕撫擊破羣賊今據碑自舉孝廉至爲廣漢屬國凡十一遷而爲中丞與都使徐揚二州討賊皆在爲都尉前碑云討賊時

坐迫州郡進兵正法而史不載又云爲隴西太守坐問吏辜旬不分去官以羌駭動爲四府所表復家拜隴西太守而史但言遷隴西太守爾史云爲遼東太守徵拜京兆尹轉司隸校尉遷廷尉太常拜車騎將軍以碑考之緄爲遼東太守以前嘗爲治書侍御史遷尙書遂爲廷尉未嘗拜京兆尹及司隸也史云振旅還京師監軍使者張敞承宦者旨奏緄會長沙賊復起攻桂陽武陵緄以軍還盜賊復發策免而碑云臨當受封以謠言奏河內太守中常侍左帽弟坐遜位史云復拜廷尉時山陽太守單遷以罪繫獄緄考致其死遷故車騎將軍超之弟中官相黨遂共誹章誣緄坐輸左校而碑云表荊州刺史李隗南陽太守成晉太原太守劉頊不宜以重論坐正法作左校亦皆不合史又云爲河南尹時上言舊典中官子弟不得爲牧人職帝不納拜屯騎將軍復爲廷尉

渠縣志

卷十一 文徵志

五

渠縣平民教養工廠鉛印部承印

卒於官而碑云復廷尉奏中官子弟不宜典牧州郡獲過左右遜位永康元年薨亦當以碑爲正碑又云緄謚曰桓而史亦不載余嘗謂石刻當時所書其名字官爵不應差誤可信無疑於善惡大節則當以史爲據今傳首尾顛倒差謬如此然則史之所載是非褒貶失其實者多矣果可盡信耶

同本前志按漢車騎將軍馮公碑乃宋崇寧中知渠州歷下張稟得舊碑於史君鄉南陽村進士張鈞丁權鄉貢進士杜常同摹上石非漢隸也碑後尙有張稟後序及立石官紳姓名字作眞楷端莊流麗非近今物詳見祠廟濟遠廟下再按金石錄緄謚曰桓而史亦不載云云玩碑語氣以命將軍因謚爲桓等詞似指孝桓之桓而言非謚將軍也

渠州牧熊彥璋耜田詔跋一首

臣竊觀漢文帝五下詔書率以親耕勸農爲先務至謂野不加辟是使奉詔不勤而勸民不明噫若文帝者可謂知所急矣上有好者下必有甚焉治行於上民化於下推君之治而致之民者吏也苟奉承不虔則不惟不能致之民抑無以宣上意將焉用彼吏矣主上臨御丁時艱虞宵旰軫懷靡遑暇逸概念天下之本農事所先申講縟儀親載黛耜爰灑宸翰肆頒詔書誕布多方扶杖往觀者豈特感泣以觀德化也莫不咸曰將復見太平矣迺者睿旨丁甯俾有司每歲春秋舉行委守令出郊燕勞父老諭以親耕勸率之意繼又待臣敷奏乞勅郡邑以御筆手詔摹刻於聽事所如戒石之銘俾朝夕省覽罔敢墜失庶有以廣聖志焉嗚乎休哉天語所以播告者如此而侍臣所以對揚者又如此然則

渠縣志

卷十二 文徵志一

六

渠縣平民教養工廠鉛印部承印

司牧民之任處分憂之寄者宜如何耶臣材譎能微假守偏壘實愧無以仰副訓辭之萬一惟所以奉承者必謹必恪庶幾涓埃或有補也謹拜手颺言而書於下方云紹興十七年二月旦日右朝奉郎權發遣渠州軍州主管學士兼管內勸農事借緋臣熊彥璋立石

同本前志右高宗耜田手詔暨熊彥璋跋共一碑額篆御筆田耜手詔六字四圍上鐫龍紋下花卉長八尺廣四尺上方九行行十三字下方二十八行行十九字或數字不等以拾寫故現豎縣署司閣室按紹興十六年知虔州薛弼言州民朽柱中有文曰天下太平年執政大喜乞召付史館於是修文飾治如鄉飲耕耜之類節節備舉當是時和議成章后歸自金高宗志意已盈無復中原之望秦檜探知其隱特爲粉飾之說以消其恢復壯志所謂金人

奸細者蓋如此詔曰不憚卑躬其本志也與民休息疆場罷警則謂作太學御大慶殿受朝及諸將罷兵等事至熊跋守令出郊燕勞父老當指鄉飲而言而侍臣敷奏勅賜郡邑手詔是即一德格天之乞詔付史館也夫耕藉大典也勸農盛事也觀其文詞與漢之文帝亦何多讓迄今讀碑暨跋忘仇釋怨苟且偷安隱然如見然而文則佳矣故年歷七百完好如舊字亦楚楚可愛禮行於十六年丙辰春正月跋紀丁巳二月蓋刊碑歲月也

明

李青藜救荒書小引一首

前志注時
牧高郵

考古荒政及近代循吏所已行厥事匪一約略其意蠲與賑其大較也顧荒有水有旱水多旁入利鮮食可奏芟葦可然芙蕖菱芡之屬可市

渠縣志

卷十一 文徵志一

七

渠縣平民教養工廠鉛印部承印
渠縣平民教養工廠鉛印部承印

旱太甚即蝗螟助之無高下如焚矣余守郵六閱歲若與馮夷旱魃相追隨而今歲之旱與蝗詢之父老睹未曾有野草無青炊煙且斷弱者皇皇悍者蠢蠢矣夫欲使惠覃而有濟法行而知恩豈焦頭爛額以後事耶請蠲矣蠲不可以必得即得仍屬西江亦嘗爲糜食餓者而流移蟻至與土著爭集紳衿父老謀之僉曰計口授餐便也門到戶察在城市之不克舉火者已六千餘人人日五合自秋中望來年之麥非八千餘石豈可給哉無米之炊不得不歸持鉢乃與紳衿父老矢諸神焉一日公一曰潔一曰斷否者有殛如此可以勸矣會諸上臺皆有捐余竭力措三百金倡之助者雀躍雲來大逾所擬數爲之十減四存餘力也米麥各半便輸也其在郊野準此意行之皆以鄉三老董其出納無漏無冒無鼠雀耗蓋費紳與衿四旬之心力余乃觀厥成焉貧獲果然富

帖席矣此不兩利俱存耶編次付剞劂名曰救荒書危詞也嗟乎水旱之災所時有素封者亦漸化爲窶人矣他年饑口將什伯倍於今日而八千餘石之米決不可以復得司牧其窮矣咽喉重地爲憂方大謀國者念之

清

邑侯朱菽原劉氏家譜序一首

古者小史掌世系昭穆漢志世本十五篇紀黃帝以來訖春秋時諸侯卿大夫名號繼統太史公世表旁行斜上悉仿周譜此其掌之在官者也官譜旣廢家譜迺興自西漢始魏晉六朝代重門閥劉孝標世說注引諸家譜至四五十部新唐書藝文志列譜牒爲史部之一門蓋譜學於斯爲盛矣然前則劉歆七略稱揚子雲家牒以甘露二年生見李善

渠縣志

卷十二 文徵志一

八

渠縣平民教養工廠鉛印部承印

注文選王儉集序所引後則眉山蘇氏所作族譜載入集中流傳誦習爲世取法是能爲譜者莫蜀人若也余遊蜀十載求諸人士能通譜學者恆不多得而所見諸家宗譜往往繁稱遠引上溯受氏之始茫無斷限甚或牽連別派聯爲一宗攀援貴顯誇耀門第遙遙華胄莫可究詰而農工齊民之家不能執簡而書沿及數代忘其世系至不能舉高曾之名號二者交病焉渠邑茂才劉君炳勳讀書授徒質行淳實人也以自輯家譜一帙請序於余余受而觀之其例用縱體直書變蘇氏之法而溯源於明永樂時孝廉名志者奉爲始祖中歷正德時孝廉名橋明經名榜者不知其幾世自明經而下乃有世次可紀至君蓋十世矣君之言曰與其摭拾華胄遠溯分姓之初不如近稽先人確載本源之實斯言也信而有徵以視白樂天叙述姓源至以楚之白公勝秦之白乙

丙顛倒世次奉爲遠祖者不大過之耶君之譜雖簡而自紀本支無泛濫之失又詳其可知而不強求其不可知亦得闕疑之義使由是而推之繼繼繩繩罔有失墜以至於數十世之遠將必哀成鉅帙蔚然可觀其以是譜爲權輿乎君於譜後載族規數則又錄范文正公義田記以示子孫意固甚善其益語諸宗人講詩書敦孝悌明禮讓循循然於鄉爲修士於家爲令子則劉氏之興其未有艾已若夫尊祖敬宗收族之說君序中已自言之故不復云

邑侯黃之瀾劉氏家譜序一首

余來守是邦下車之初所接人士不一適於課士時見劉生炳勳其人沈毅端方頗超流俗甲申歲延至署中課讀稔知經術傳家文章訓世淵源固有自矣會以簡命擢陞束裝北上劉生挾一策以請曰先代舊

渠縣志

卷十二 文徵志二

九

渠縣平民教養工廠鉛印部承印

譜失傳生手纂支譜祈一言以爲弁余曰劉氏譜乃始作於生乎哉可謂有志於本源者也顯榮聯捷啓後光前在此舉矣生也勉乎哉讚曰劉氏世譜志橋居先明德馨香俎豆萬年達人繼起奕禩家賢詒爾多福科甲蟬聯

邑侯何愷棠書前尹鄧公湧月臺碑陰一首

渠城東南隅有門曰通濟蓋昔人版築初闢之以通汲道者也門外二十許步有岩下臨江澗高可數尋東值起文塔每當三五之夕水月交輝波光蕩漾如圓鏡如玉盤如萬道金蛇頃刻萬狀乾隆初縣尹鄧君獻璋因爲臺以攬勝豎石焉取杜陵月湧大江流之意名之曰湧月登臨之頃如置身水晶域中大觀哉顧其制如矩歲久亦多剝落予懼勝跡之湮也乃規而圓之以象月明重勒石以紀歲月並樹漢宋諸名人

故里之碣於臺上而桓侯紀功題名亦附焉蘇長公不云乎江上清風山間明月取之不禁用之不竭蓋造物者之無盡藏也斯亦可以見水月之大凡而臺其寓焉者也時同治甲子重午後十日桂林何慶恩記並書

邑侯何愷棠書紳庶水城碑記後一首

宇宙皆分內事爲民父母苟有所裨益責奚旁貸耶而或者謂非常之源黎民滋懼輓近官民間亦多故矣匪惟懼且滋疑事易擊心難喻昔人稱人之好義誰不如我殆非確論抑知我有可共喻人自無不喻喻之深斯不求應而應之速爲民求益不啻民之自求益凡有益于民之事遂無不可歲之事予於水城之役有微會焉而紳若庶迺盡以歸善于予予予何可述予實難忘紳若庶之樂于趨事赴公耳城旣成誠益于

渠縣志

卷十二 文徵志一

十

渠縣平民教養工廠鉛印部承印

地方何加于分內斯碑也斯文也實耶誇耶能不對之滋愧耶爰綴數言爾紳若庶其尙知予之滋愧也可

燕宅安補修文廟序一首

聖主右文典莫隆於學校皇王重道化必基於黌宮故朔望伸展拜之誠殿楹實威嚴之地歲修有例繕葺因時况十室文風於斯爲盛四里譽髦自昔稱豪列宿郎官疊膺民社玉堂金馬現埒詞垣宴進士於瓊林一科雙甲自採芹而釋褐十載兩元瞬介寶興欣逢大比龍門之鯉方躍躍以揚鬣泮池之蛟更洋洋而掉尾均沾木鐸之化猥托至聖之靈但棟宇蝕於風雨榱題未免剝落緣廣文張公

名仲

之諄諭稱我都

人士有同心共願攘臂而爭先苦難枵腹以從事予年踰八一有志未遑敢竭丹忱恭疏短引體張公之雅意托鉢沿門俾殿閣之輝煌欽崇

聖道苟能積少以成多自見美輪而美奐從此桂袖夜分香秋鹿一鳴
喜氣入銀蟾之影柳衣春拂采天雲五色休徵添玉筍之班矣

李泳修明倫堂引一首

今上御極百度維新將闡明道教廣勵學人進天下於三代之隆也於
是釋奠大學東巡鄒魯升闕里之堂歎先師之聖奎章宸藻揮灑昭回
爰作摩窠大書顏曰萬世師表頒示天下郡國州邑二十五年春府檄
下渠嗟乎此誠曠代之盛典而生徒之希遇也哉顧渠自兵燹之後學
宮茂草青衿佻達雖復聖廟草創而明倫堂尙在汙萊之中國子先生
且儲舍而居有司當災荒之餘迫束溼之下不遺餘力矣每春秋朔望
一拜而退曾未及與薦紳生徒考究六經申孝弟之義豈非爲政之闕
乎况御書既下而明倫無所雖欲委之他日而不能此官斯土者所謂

渠縣志

卷十一 文徵志一

十一

渠縣平民教養工廠鉛印部承印
渠縣平民教養工廠鉛印部承印

朝夕惓惓者也往者大工大役事出里民今則撫憲新政之初未經詳
明勢難久淹擬於日下興作計夫鳩工庀材所費無算將伯之呼且同
托鉢矣夫學宮重地宸翰威嚴凡我氣味分宜踴躍若夫議捐議罰之
役在有司力能任之至於採千腋而綴全裘集一簣而爲九仞惟望尙
克相予共襄義舉使頽壁鼎新人文蔚起以副朝廷崇儒重道之意實
庠序之光也抑官斯土者亦與有榮施矣

雷搗謙重摹南陽寺李白詩碑跋一首

大青山疊翠東來山迴水折地名南陽昔人建樹樓閣其來久矣予甫
成誦時因唐李白經過有詩歷宋暨明代多題和厥後老成云謝碑碣
剝落幾忘其半歲甲午春晴眺覽忽於瓦石叢中得殘碑一通細閱之
李詩俱載後明萬曆時邑侯高則騰重刊夙思續鐫適族人雷靜不避

勤勞捐貲勒石既竣紀之豈直以壯村居之觀蓋繼前人表彰之志而李白逸韻共南陽之景千秋不泯矣大清康熙五十五年歲丙申季冬月吉日雷搗謙識

同本前志按碑額題千秋大雅四字後刻雷靜刊復刻金陵道人劉松樓七字不知所謂或即住持歟考太白本集作遊南陽清冷泉無寺字別選本同王琢崖以爲鄧州之豐山下泉渠志加一寺字以爲即今之南陽寺未知孰是第太白足跡半天下渠爲鄉國尤所必至古人詠山水詩分見兩地者不一而足矧此自唐元微之後題和甚多雷公跋語亦風華掩映固可貴也

程雲衢江家坪創祠引一首

國家治平由於明良之變調亦藉於英靈之默相此先王神道之設所

渠縣志

卷十二 文徵志二

十二

渠縣平民教養工廠鉛印部承印

以福國庇民非徒崇尚虛渺也邑之北鄙江家坪者羣峯聳秀自巴營縣互而來岡巒隱見不啻羅浮雲連岩壑清幽如遊山陰道上雖探奇未經謝公之遊而怪石足當米老之拜誠山之靈者哉雖然山不在高有神則靈自教匪逆亂邑之民倚山保聚連絡數寨四年冬賊大至各寨民助官兵聲勢擒斬無算而一方獲安當戰時寨之民隱隱見四山旗幟布列若有神助於是剏祠之議起焉以爲忠國莫若關帝佑民無過邑之士主馮公欲並肖像以祀於山阿顧山鍾其秀神馭其靈而珠宮鼎建則必人襄其力因是謁序於余余按祭法能禦大災則祀之能捍大患則祀之此正有功德於國與民而不爲梁公所焚者竊爲思之理幽贊明本正直以翊運者神道也飲和食德假涓滴以報功者人道也敬鬼神而遠之陸橐是解不妨集少成多尙冀倡子和汝落成之日

勒名豐碑如云因心種果以福爲田借此惑衆誣民則不可諸君子其慎戒之

楊蔚起劉氏家譜序一首

家之有譜所以尊祖敬宗收族也竊見今之世重門望者引往牒爲遠祖附權勢者聯異派爲同宗此譜系之傳未足盡信也渠邑劉氏族大繁衍與張王李趙並盛取科名登仕版門第之光雅擅巨族是以建祠修譜前已有行之者但源遠則易勞族繁則難合據周禮族師書其孝弟睦婣有學共相勸勉進而登德行道藝之選行之或慮其難矣南軒夫子祖籍支分三滙劉官坪自小陞溝始遷廣祿寺李家溝至今門戶數十家垂白之叟未嘗至訟廷少年輩不諧博戲孝弟力田留上古淳樸之俗蔚少受業門下講習之餘以敦本力行爲務孝友其天性也居

渠縣志

卷十一 文徵志一

十三

渠縣平民教養工廠鉛印部承印
渠縣平民教養工廠鉛印部承印

平慷慨有大志欲仿范文正公義田舉衣食嫁娶數條以濟族人惜志焉而未逮所撰譜系一書別親疎辨長幼於墓塚之阡原宗庶之繼嗣妻婦之外氏適女之出處歷歷詳書有條不紊斯誠本支近則宗族易敦家誠約則子孫可守者也後世奉而行之更擴而充之安在不積久而大發其光以遂夫子之志乎已丑秋出譜命序蔚受而讀之噫吾師之爲此譜豈惟傳之於家正吾黨所取法也

任學灝邑侯何愷棠先生武功序一首

說者謂循良樹績文德足矣奚事武功耶而吾謂不然絳灌無文隨陸不武昔人所譏夫武豈必距躍拍張翹關超乘與銀槍效節輩爭斬將搴旗之功歟廉叔度之人持兩炬虞朝歌之增竈之官皆是也况天下安注意相天下危注意將文與武奚軒輊焉邑侯愷棠何公以粵西名

孝廉奉檄築渠下車之始即以教養爲先務其於文德固彬彬矣乃同治壬戌之夏大熟未穫值曹逆自梁山回竄已及竹陽矣渠之人咸震懼失措謂室家婦子即有寨可守而餘糧棲畝室無蓋藏得不爲溝中瘠乎侯曰勿恐大憲以渠爲川東北門戶諭防河以兼顧大局策誠善矣第沿河數百里處處可渡烏得而防之且縱賊入境而後與之角則吾民已不勝其擾曷若及其未至也守險以扼之先人有奪人之心軍之善謀也逐寇如追逃軍之善政也於是親督團勇出境禦之於蒲苞山之阻跋涉山川蒙犯霜露親冒矢石相持幾兩閱月屢有斬馘賊懼而宵遁侯振旅凱以還渠人始獲其穫而川東北大局皆賴以無恙方賊之未遁也環渠各州縣日令諜者至渠探賊踪莫不惴惴然至是而農者歌於田商賈舞於市官師相與賀於庭皆曰微侯之力不至此乃

渠縣志

卷十一 文徵志一

十四

渠縣平民教養工廠鉛印部承印
渠縣平民教養工廠鉛印部承印

或者曰是役也侯亦倖勝焉耳曹逆長驅州縣莫敢誰何矧蒲苞非渠壤侯輕離職守而出境禦之無乃爲人作嫁乎曰此侯之所以爲難也自軍興以來守土者例以分地爲詞莫適任患視其蹂躪鄉閭如秦越人之肥瘠曾不肯一置念使曹逆果得逞匪特渠之事未可知即川東北尙堪設想耶侯一孱弱書生耳捐軀域之見奮袍澤之威率未練之民遏方張之寇以二千之師當數萬之衆卒能阻其凶燄不使過竹陽一步此豈胸無甲兵者而能然耶古所云運籌帷幄折衝樽俎者侯其有焉夫有大功者必有大賞在師之蒙曰大君有命開國承家晉之象曰用錫馬蕃庶晝日三接侯蒞任未久即建茲偉烈由此而充之行將紀功竹帛銘勛鼎鐘爲天下所倚重亦宜也非倖也今者四民安堵汜可小休而侯安不忘危若曰震不於其躬於其鄰敢少暇乎增城垣通

汲道爲渠人計至深遠也近又奉文纂修邑乘微顯闡幽懲惡而勸善
又以見有武備者必有文事經濟宏才左宜右有之妙誠非齷齪小儒
之所能與昔裴中立親平淮蔡而錄野堂中日與退之樂天諸人吟咏
適情爭一字之勝范希文經略西夏軍中有西賊聞之驚破膽之謠而
岳陽樓記謂必先天下之憂而憂後天下之樂而樂噫如侯者庶幾其
近之矣

趙炳南跋贈野庵和尚行狀一首

釋家有三乘法門而獨了生死爲小乘禪可知佛雖清修爲主而亦未
嘗不期有濟於世也野庵上人跡其初服棄妻孥入山若爲一已獨了
生死者迺繼因撐持常住起見苦行修積卒能使佛業重修殆亦佛門
之功臣而不囿於小乘者歟予昔設館於寺有年矣與野庵交最善見

渠縣志

卷十一 文徵志一

十五

渠縣平民教養工廠鉛印部承印
渠縣平民教養工廠鉛印部承印

其修積清苦心殊憫焉然思八萬四千佛子何一非從煩惱場過來人
也雖邇年以來聞野庵屢際坎壈跋使其志未竟而亦不害其爲野庵
也茲讀其叙行狀故爲之記其後以示不忘舊好之意云

三匯塔序一首失名

塔曰文峯彰教化也攷經史所載凡奇山異水樓閣臺池無不悉備而
獨不言塔者以上古無塔故也自唐貞觀三年建慈恩寺造浮屠七級
高百尺許而塔於是乎始其後因旌雁德立塔瘞之遂名雁塔至韋肇
及第偶書名於上遂以爲雁塔題名而要之唐太宗建塔爲私立焚所
取西域佛經而設禮無所謂塔文風也然予嘗東下江漢至沙市南涉
蘇杭遊西湖北上京師莫不有塔即如緩城果郡蓬溪繡山所經之地
亦皆有塔而俱不之藏經者何也父老曰在唐私爲藏釋經而設在後

此則爲培文風而設不然何立塔之多也 我渠漚鎮限擁巴江形同
灩澦波翻宣漢勢若瞿塘前擁牛山之秀後接龍岡之奇相陰陽於山
巔度方位於河畔爰修寶塔號以文峰上出丹霄作兩河中流之砥柱
下臨翠浪注千載層出之文瀾山環水聚人傑地靈誠盛舉也今試登
塔而望四面雲山萬家烟火冠蓋絡繹漁樵糾紛文采耀錦城之華風
流增古渝之色家咸握槩戶盡懷鉛皞皞雍雍藹藹吾想斯塔也
比虹岩之奇觀添銅魚之佳兆一峰插天直開雲衢之路千尋矗地借
作龍門之梯佇見三蘇文章 喬梓二程學門雅奏堦篔白玉讀書
於古刹青蓮題句於南陽墨洗子雲之池精洩宕水橋題相如之馬綵
映流江遠逾楊升庵之佳製近接黎狀元之先聲不獨李緝事冠獬豸
而破胆竇山寇太史 而領袖羣英也詎不懿歟因並書建塔諸

渠縣志

卷十二 文徵志二

十六

渠縣平民教養工廠鉛印部承印
渠縣平民教養工廠鉛印部承印

公芳名於左

廖春煜補修白水洞觀音岩神像小引一首附詩

龍湫瀑布渠中八景之一也沿岩西行數百步怪石淨猶洞穴幽邃彷彿靈鷲一峰峻壁之下初無殿宇竊聞父老相傳乾隆年間岩畔荆棘叢中金光四射居人集視實現觀音佛像一尊厥有戒僧昌茂毀膚斷骨不辭辛苦遍行哀募構修佛殿數層以庇其像遂巋然一梵宇琳宮矣第歷年孔多廟宇漸圯隣鄉士民等目擊傾頽意欲重加整飭大爲補修而請叙於余愚謂此岩形勝都人士登諸詞賦作爲詩歌已盡之矣惟昌茂募修一節幾乎就湮夫以一僧而出此精誠襄厥善舉功竣脫然坐化從可見倡首若斯之難而爲善獲福之易也諸公補修之力不減於此其善量詎有窮乎既爲述其弁言不揣無文並賦俚詩一

篇以誌之

峰盤踞屹相向 古柏蒼松皆環列龍湫一水增萬象水遠山長路往
環恰如蓬島非人間偶從父老請勝蹟此地自古無禪關憶昔兵燹不
計年草莽荆棘雜山烟石上依稀 佛像蝸居維構屋數椽崖畔水石
自嶙峋何 瑞 擁佛燈厥有住持名昌茂子然梵宇一孤僧乃僧操
心獨自苦鐵繩穿骨忘痛楚持簿哀募經數年名註善緣方盈楮楮間
衆善俱樂輸合計錙銖已萬餘梯山破石緣結構行同天造一精廬何
計閱歷遍春秋林園有時作荒坵諸公因欲謀善 相期頽垣爲補修
君不聞大廈難教一木支土物興廢會有時又不聞破笠遮佛勝鑄金
百年遺迹共追尋須知膾炙在人口勝蹟未許歸鳥有聊爲據事闡幽
光應與金石長不朽

渠縣志

卷十一 文徵志一

十七

渠縣平民教養工廠鉛印部承印
渠縣平民教養工廠鉛印部承印

楊虞裳鄧仲岷遺藁叙一首

士有居京師數十寒暑不裘葛日不再食夜不燭吟詠撰述斗室之中
艱卓清崎至死而無二者吾亡友鄧仲岷是也仲岷弱歲舉優行入都
又游齊豫淮晉登涉酬酢皆有詩歌其才恣肆汪瀚莫知所際道咸間
以文字見知銀臺羅公惇衍時海疆多事仲岷慷慨論禦侮八策環瀛
情勢若指諸掌又稱前滇督某公降署正某公在籍給諫某公皆禦侮
才也公韙其言採爲密疏文宗嘉納之羅公既重仲岷或勸仲岷就吏
職歲乙卯仲岷舉京兆自視將掇高第步臺省展其所學奚以吏爲仲
岷持論既過高又好訾詈人人寢疏之又與人無往來稱貸於是益貧
其族嫻在家者爲葬其妻嫁其女以書促之歸亦不答同治中獨與趙
寅丞水部王掄三銓部及余論辯相得而仲岷成進士歸銓班髮皤皤

然目視睽翳無何類瞽然少壯所讀書歷歷不忘爲詩文益瞻富有古法每成篇輒倩人錄稿扶童子過余其豪興如此戊子二月竟病不起疇昔之夜余猶見其執蠅拂危坐所語元渺多不可解其易簀之室即四川營省館廡云蓋三十年未移席也仲岷平時好言夢嘗記夢中所見古人或授以先儒絕學或導以山川幽異之境列於文藁語或俶詭不經子蚤天晚歲與人言夢神授以子逾年果生子又言神賜其目將復明未及明而歿嗚呼幻邪誕邪蕉葉之覆邪秋柏之實邪抑墨者夢墨儒者夢儒理固然邪余悲仲岷之遇既蒐輯遺稿編次其詩付其鄉人大竹毛蓮士孝廉又略述仲岷生平而爲之序竹多文學士當能梓以行於世歟

楊虞裳杜義甫司馬有閒齊詩序一首

渠縣志

卷十二 文徵志二

十八

渠縣平民教養工廠鉛印部承印
渠縣平民教養工廠鉛印部承印

古樂亡而詩在詩者太始之樂也故天地之音即寄於古今人之詩樂心感者單以緩喜心感者發以散音之起動以聲也逃於曠者中必鬱鳴其逸者形必勞窮其本即知其變也義甫有閒齊詩必居一於此矣嗟夫趨饑寒逐冠蓋勢位者閒耶履鋒鏑席險深功名者閒耶策流景忘襄耄少壯至老者閒耶而君顧曰有閒乎哉君少孤嘗抱一編走萬里及宦蜀多購詩書公餘攤卷吟哦以求強識而取法之卜子曰仕優則學其求閒之旨乎夫行百里者五十里而憩行千里者五百里則勞至於千里之外經年之久必有念故國之優游羨彼都之安處時序獲遷升高以望羈旅之感蒼然而生者况夫周歷於秦楚燕趙之臣服官於垂暮星星之日則閒之念有不因勞以生詩之境有不與年俱進哉且夫誓墓遠遊仰天泣下而歌嗚咽此孝子仁人不得遂其養之思也

飲滇山之雪眠巴峽之雲泣洞庭之波哨金堂之月而於其時嗟行役
咏皇華賦高岡傷契闊此古風人纏綿忠愛之所由結也而君竊抑抑
以未破萬卷少典麗爲恨噫必砌經史富琳瑯而後謂之典乎必侈繁
縟肆塗澤而後謂之麗乎吾觀今之作者撫成語以爲經集人名以爲
史聲欲其諧也色欲其妍也篇欲其富也本叫號也謂之沈雄曰商爲
我變本靡約也謂之和雅曰宮爲我叶匪惟摹之又剽竊之匪惟炫之
又標榜之曰若者漢若者唐若者高王若者韋孟若者蘇陸嗟乎沿襲
既久性之道不幾失乎君詩每工發端如黃土寨云暮投黃土寨紅日
下高松寄內云鄉書催不斷客子事繁難次甕安云侵晨登古道天地
澹清暉可知其作詩之苦矣以漸求入細之業而曰此間中之逸事又
君之詭於立言也夫

渠縣志

卷十二 文徵志二

十九

渠縣平民教養工廠鉛印部承印

楊虞裳女甥冷箴姑守貞叙一首

曩余于役日南龍州欽州之交適同事清泉王公之春選壻鄧訃至哭
未竟其家信又至述女公子裂服毀容守節未嫁余哀之作詩以紀其
一解曰匪丹匪黠匪瑱匪璧有女子心龔鑿不虧其完而冰霜不渝其
色二解曰五色不粲孰爲文章白玉不毀孰爲主璋繫抱璞以守素何
慕乎昭昭與晶瑩湘人在官者聞其事於朝得旨旌表王公猶以鄧氏
宗人少無可擇爲壻後恆悒之龍州欽州去京蜀皆萬里余往來炎風
瘴雨中輾轉三年歲不得一書宗族親友死生婚嫁罔有所聞去年丁
亥始還京師今年四月冷孟千大令從蜀來持冷箴姑守貞節略屬余
纂叙其事曰此吾之姪而君之甥也當毋許俾得乞文海內以彰余讀
竟日噫嘻甥固已長而許字且待壻而壻又死復能確然驚然屬此堅

白以爲吾宅相光邪始余丁卯去里閨甥生甫彌月也壬申還家甥父沒期年甥母守義撫諸孤甥時甫六歲也嗚呼其母以孤在而不敢殉其夫之死其女復以母在忍死而不及見其所天之神同心貞義作未亡人何楊氏女與甥之不幸而冷氏胡氏之不幸猶幸也胡氏浙之仁和人甥壻希樵胡仲子甥母爲余族人姊甥父成都庠生字夢九爲孟千同母兄與余少逐文場余常至其城西宅隨余姊識其姑嫜今二十五年矣事歷歷如昨日幼時卽靜肅鮮笑言殆少成若天性矣孟千又言甥壻以丁亥夏歿於嘉州壻兄詩船進士主嘉州講舍寄計成都甥大慟方乞孟千致書詩船訂大歸期胡氏寡孀夜夢希樵告新婦素妝將至寤以告詩船詩船姬方娠書至詩船祝天生男爲弟嗣秋九月甥入胡家奠輟之夕姬適婉火而祝之果男噫嘻天人之感其奇且捷如

渠縣志

卷十一 文徵志一

二十

渠縣平民教養工廠鉛印部承印
渠縣平民教養工廠鉛印部承印

此是可藉海內之文章相與不朽矣余始聞悒悒累日念及此蓋稍釋云

賈蕤浦馮煥殘碑跋尾一首

錄同本
前志

永甯二年立碑目云在大竹縣古賓城下碑式云馮煥斷碑六行可見者或行有七字隸釋云建光之元卽永甯二年是歲七月改元煥以四月終故碑尙用舊年也隸釋漢馮煥殘碑三十九字其云北鮮卑叛逆則元初六年詔除幽州時事也其云策書嘉歎賜錢者馮緄傳載煥死於獄中帝愍之賜錢十萬貫是此事也未有永甯二年四字蓋其卒之年月也帝紀書建光元年正月幽州刺史馮煥率二郡太守討高句驪濊貊不克四月遼東都尉龐奮承僞璽書殺元菟太守姚光緄傳云幽州刺史疾忌姦惡元菟太守姚光亦失人和建光元年怨者詐作璽書

賜煥光以歐刀下遼東龐奮行刑奮即斬光收煥煥疑詔有異上自訟病死獄中建光之元即永甯二年是歲七月改元煥以四月終故碑上用舊年也碑字無幾而皆與史合

賈蒞浦漢車騎崖石刻跋尾一首

錄同本
前志

蜀碑記補賜豫州刺史馮煥詔安帝元初六年立字原云在渠州今渠縣隸釋碑文首云告豫州刺史馮煥者漢詔之式如此按煥爲車騎將軍緄之父緄傳云煥爲幽州刺史又有墓闕題云豫州幽州刺史馮使君神道季年豫州境內無盜賊事上谷代郡皆幽州部詔有頃屬樂浪北顧傷心之文亦幽州也詔中諭其竭心盡慮而使之便宜數上必自豫徙幽州而賜此詔其石下斷惟存上八行意不能詳考煥猶在豫故其前尙稱故官也據字原云王氏列於南充縣誤

渠縣志

卷十二 文徵志一

二十一

渠縣平民教養工廠鉛印部承印
渠縣平民教養工廠鉛印部承印

賈蒞浦馮煥神道跋尾一首

錄同本
前志

蜀碑記補永寧二年立字原云在渠州今爲渠縣其文曰故尙書侍郎河南京令豫州幽州刺史馮君神道共十九字金石錄云按後漢書馮緄傳緄父煥安帝時爲幽州刺史緄碑亦云幽州君之元子此字在宕渠緄墓前雙石闕上知其爲煥闕也隸釋漢幽州刺史馮煥神道今在渠州馮緄傳云父煥安帝時爲幽州刺史建光元年卒隸釋有元初六年賜豫州刺史馮煥詔煥之殘碑有郎中尙書侍五字惟京令無所見也

賈蒞浦後漢車騎將軍馮緄墓誌銘跋尾一首

錄同本
前志

碑目考墓在大竹古賓城雙石闕西南一丈三尺按後漢書馮緄宕渠人也墓誌碑尙在碑額篆云車騎將軍馮公之銘碑文作隸書字猶可

辨縣志寶刻叢編漢故車騎將軍馮公之碑篆額馮公緄巴郡宕渠人碑云字皇卿而本傳作鴻卿碑云一腰金紫十二銀艾緄終於廷尉以將軍題碑首者以金紫之貴也緄以永康元年十二月卒碑係是年立釋隸云在渠州字原云墨寶作達州此碑與馮緄神道馮煥殘碑告馮煥詔皆在渠州流江縣達縣永陸縣之間鄭靄先在夔路得之故墨寶作達州實渠州境按渠州今爲縣前屬順慶府達州屬夔州府嘉慶中置綏定府達改縣及渠俱隸焉流江永陸二縣今廢其地一併入渠縣屬綏定額題云漢故車騎將軍馮公之碑十篆字爲二行碑式云有穿在第五字之中文十四行行三十四字將軍體清守約句將軍字平闕後空三行書威宗得諡之由此出李雨村蜀碑記補今按通志援碑目考云墓在大竹古賓城誤考古渠大達廣南梁等處通號賓城猶之

渠縣志

卷十一 文徵志一

二十二

渠縣平民教養工廠鉛印部承印
渠縣平民教養工廠鉛印部承印

通號宕渠也墓銘碑係嘉慶十七年二月初旬寺僧於渠北里許龍驤山馮公廟前左側地中掘出通志云碑陰有宋張稟記查碑前載墓銘稟實後跋非碑陰也渠北六拾里三板場側之大青山舊名馮公梓里土人建廟於上有明迄今禦災捍患歷著靈跡墓銘神道實跡可考聞墓即在大青山附近歲久湮沒今亦不能實指其處廣大梁南等處多載馮公事實蓋因古通號賓城宕渠故也按宋摹漢隸碑詳後

賈蒨浦交阯都尉沈君神道跋尾一首

錄同本前志

蜀碑記補碑目云在大竹縣北一里隸釋云在梁山
大竹縣輿地碑目云雙石闕其一鐫云漢謁者北屯司馬左都侯沈府君神道其一鐫云漢新豐令交阯都尉沈君神道字原云沈字左字道字豐字發筆皆長過三四寸許令字交字兩筆皆長君字中筆亦長碑圖云其上皆刻朱

鳥其下則右刻元武左刻一獸首若虎而角環在口已缺其瓜據之隸釋云二神道蓋是一人猶王稚子闕盡書其所歷之官也按蜀碑記補碑目隸釋俱云在大竹梁山通志援之附載大竹誤今考其地碑在縣北八拾里之岩峯場側舊名燕家場雙石闕廢田中式與目碑字原碑圖等籍云云刊置形勢毫髮不爽其地距大竹二百餘里距梁山三百餘里道光己酉冬邑侯王椿源建亭於上以蔽風雨並勒碑以記之今揚印紛紛傳之遠邇矣

賈蒞浦宋徽宗勅渠州漢車騎將軍馮緄告牒碑跋尾一首

錄同本前志

右宋徽宗加封馮公惠應王告牒碑現豎濟遠廟正室以雨淋日炙所不及故歷七百餘年完好如故碑廣不過三尺高僅二尺有奇石小則移置便護持易爲力也查馮車騎以唐僖宗時封靈應侯宋神宗加封

渠縣志

卷十二 文徵志二

二十三

渠縣平民教養工廠鉛印部承印

應民公至是進王爵歷下張稟記有云崇寧改元來守宕渠徽宗以神宗十一子即位辛巳號建中靖國次年改崇寧之來當在壬午或癸未又云朝廷將加王爵先賜額曰濟遠稟因祈禱之靈又得舊誌銘於土中乃爲申請蒙朝廷允許先葺廟宇故記作於崇寧三年三月初五而告牒實行於九月二十七日也按是年八月以趙挺之吳居厚爲中書門下侍郎若蔡京則於二年已爲左僕射門下侍郎兼司空矣碑與史傳無不脗合惟碑載中書令侍中下各刊闡字字畫端妍非磨滅者考中書令侍中自唐以來非勳高望重不輕授如趙普兼侍中錢俶兼中書令是也所謂官不必備想爾時猶然字體則類元長時所尙也是碑及前明正德勅紀碑皆完善無少剝蝕非神之阿護不及此渠人所當珍重而愛惜者矣

賈蒨浦練使胡將軍碑跋尾一首

碑高約丈餘廣八尺有奇額題知郡都統練使將軍胡公全城卻敵之記十六字碑字體約五分共五拾餘行行五六十字合計不下數千言惜字跡磨滅間有數字隱約可辨不可句讀碑陰刊刻禮義城圖圖與碑高廣相埒左刊東字右刊西字上刊北字下刊南字字各廣三寸餘端楷無少刑缺中繪城郭民居塵市田里道塗井然不紊豎縣東北七拾里三教寺後即古禮義城按志宋寶祐中制置使蒲澤之宣撫李會將軍張需徙州治於此元軍至練使胡載榮率州人以死拒守城得無恙事後勒石紀功記出誰氏之手則不可考矣再按宋史淳祐初元軍復犯蜀時余玠爲四川制置使於利閬城大獲山蓬州城營山渠州城大良平嘉定城舊治瀘州城神臂山因山爲壘棋布星羅繼又城釣魚

渠縣志

卷十二 徵文志一

二十四

渠縣平民教養工廠鉛印部承印
渠縣平民教養工廠鉛印部承印

山徙合州治之而蜀始可守玠去蒲澤之代爲制置使開府重慶實寶祐四年也逾年元軍入劍門陷鵝頂堡再圍合州蜀事孔棘則所云徙州治者當必此時蓋效余玠成法未可知也甚得設險守國之道其英謀碩畫壽之貞珉必大可觀惟是土人不知愛惜而爲風雨剝蝕良可惜已

王遴選貞女涂九姑傳後序一首

貞女涂九姑余妹壻涂憲璜女先叔衣錦之外孫女也世居滙鎮道光辛卯九月十三日女生甫八月而母乏乳先叔接入吾家覓乳媪代哺以故居吾家日多得從余受女四書粗識字句稍長即恬靜寡言笑不事鉛華或聽節孝故事則色然喜亦不知其何故歲半時受同市周家聘丙午歲憲璜歿哀毀盡禮服未闋仍來余家蓋以先叔甫逝媼母抱

伯道之悲女能曲體志意而慰其寂寥也丁未冬回滙己酉女年十八親迎有日矣會周子病女知之坐立如癡及卒女聞訃呼天痛哭即請過門守志其祖若父及家人等咸以其年穉恐一時悲憤所激慮或中變始則施以怒詈繼則動以財產終則託諸親眷百計婉諭卒弗聽惟長跪涕泣而言曰女母舅之長媳饒氏年十九守志女母舅之次女適謝年二十五守志女之二姑母適劉年二十六守志女之大從姑母適楊極貧無嗣年二拾歸母家守志女之庶母年二拾三倚我母守志凡此皆人所共知女雖不及諸姑伯姊敢忘此志歟且女此志聞病時已決第能與亡夫一面俾異日黃泉下得識斯人心亦無恨允則此志克遂一家尙有相見之日否則有死而已其家知其志不可回命偕親眷往弔如禮入門拜畢即詣靈牀執亡者手痛絕者幾次凡見聞者無不

咨嗟太息以爲得未曾有尤異者女以雖未及廟見而生實爲周家婦姑叔有呼以姐者女則謂余而嫂也當正名分其他卓識類是先是余於是月初七日夜將寢見天上雲作魚容金色濃淡相間如黼黻意必有喜兆至吾前者明日訃音至問來人得其始末不禁悲喜交集爲之歎曰此名節兩全事之不恆有者乃能於吾壻家見之哉幸矣所冀竭誠致敬執婦道於高堂茹蘖飲冰安夫靈於地下異日採風所及名垂青史將不特寒族之光已女有深體余言焉可是爲序

金遂生募置棲留所小引一首

城東負郭舊有棲留所迺前邑侯介屏王公剏修地雖湫隘瓦屋數椽足蔽風雨凡老稚之顛連無告流離失所者咸棲止焉咸豐辛酉曹逆犯境兵勇雲集附城民居悉付一炬矧此區宇烏得不爲灰燼乎今冬

霜雪連日沍寒尤甚邑侯何公因閱城垣登陴一望蓬首赤足輩臥風雪泥淖中如凍猿羶鳥殊堪憫惻爰捐俸若千金以爲之倡伏冀好善諸君子不吝錙銖共襄義舉俾饑寒者免風餐露宿未始非仁愛之一助云

藍峻生募重修奎閣序一首

渠城通濟門外地名魁斗石前人於其上建有奎星閣面山臨水挹翠流丹一邑之偉觀也至清咸豐辛酉冬曹逆犯境毀於兵燹歷拾稔辛未邑縉紳先生睹頽垣短瓦古跡就湮爰集同人共襄善舉方爲山而進簣俾造塔以合尖於是廢者舉頽者興廟貌巍然崇樓再建矣而在事諸公且更釀金集會使俎豆常新年年七月瞻依羅拜永矢恭敬之忱而冀啓文明之運甚盛事也洎乎民國五年丙辰孟夏袁項城欲復

渠縣志

卷十二 文徵志二

二十六

渠縣平民教養工廠鉛印部承印
渠縣平民教養工廠鉛印部承印

活帝制護國軍連袂以起而我渠亦表同情焉乃渠竹誼屬鄰封而態度竟生疑誤兵戎相見圍城以攻奎閣高聳恐敵據險要以厄我城垣守陴懼縣長倉皇須臾之間崇閣神像輒自焚焉嗚呼成敗有數耶而神其不祀矣雖然蕞爾孤城環攻不勝相持二拾晝夜而我軍無恙彼則傷損實多是豈天時地利之有可恃哉而要皆神之所賜也同人等方欲營室鳩工以謀重修之舉而賃屋者已具竹頭木屑任爲獨力之支雖見義自當勇爲而代庖不免貽譏值此樓閣重新規模粗具宜布祇園之金用償無券之債非然者私囊暫解久假不歸將藉以爲詞而化公爲私喧竇奪主非特違鄉先輩前日創造之本意抑亦神之所不樂也然或者謂魁神之祀事本不經前代之欲掇巍科膺顯仕者以奎爲文章之府故立廟祀之攷天官書奎爲封豕爲溝瀆而不云文章

之府就云奎也何以不像奎而改奎爲魁攷魁爲北斗之一星而又不
能像魁乃取之字形爲鬼舉足而起其斗是所祀者爲無據也况今科
舉早停其立功名致仕宦者又取徑各別焉而猶拘拘於此以冀其有
助之者不大惑耶噫信斯言也則更不能無感矣昔翟公爲廷尉客填
門及罷門外可設雀羅人情大抵如斯然而涼薄之行君子弗尙對於
人不可而對於神可乎宋初五星聚奎說者謂孔子魯人奎婁爲魯分
野本儒教當興之象當時學校之奉魁自宋時已然天官書斗魁戴筐
六星曰文昌宮一曰上將二曰次將三曰貴相四曰司命五曰司中六
曰司祿春秋元命包曰上將建威武次將正左右貴相理文緒司祿賞
功進士司命主災咎司中主左理是其所主不一而文治武功世運之
隆盛可致焉然姑不具論丈夫貴自立英雄造時勢豈必於媚神徼福

渠縣志

卷十二 文徵志一

二十七

渠縣平民教養工廠鉛印部承印

以爲識者所攷哉惟是有其舉之莫敢廢也鄉先生經營於前而敬恭
桑梓宜繼守焉且丙辰之役轉危爲安父老子弟額手稱慶神之禦災
捍患宜有以崇德報功同人等衡量錙銖以祭需之積儲有限而量力
之捐助無多不能無將伯之呼指困望贈當不乏仁人之賜量鼓爭操
爰述顛末告諸通衢

藍峻生募修祥符寺序一首

渠城之東岸山巍峨而聳翠其巔有塔曰文峯塔之下林木陰翳其崇
宏而壯觀者則有寺焉曰祥符自唐宋以來騷人墨客多會於此蓋以
枕山面水勝景足供流連而禪房花木點綴多姿又足以怡人情致峻
嶺叢林中隱露金碧撫靈祠紺宇洵法界幽棲琅環福地洎乎年湮代
遠峯巒依舊而棟宇摧殘苔蘚壁侵鍾魚音歇懼古績之淪胥遵大府

保存通令議募修焉請於有司准其備案修葺弗敢自擅也丁茲採取木石備集丹青冀佛像之重光新古剎而復振自非一腋所能集裘要必衆流始可成川仁粟義漿尙望源源而飲助善男信女須作種種之陰功布金繼乎祇園精舍同乎鹿苑將見合七寶之莊嚴混千燈於一色指日可告厥成功若夫茲寺之沿革事跡呈詞加詳焉茲不贅云

楊思慎蘭雲山館詩選序一首

蘭雲山館吟草吾宗振剛先正公餘之作也先正字立之工詩善書爲清嘉道間名進士越年十餘哦什千章嘗躬書小楷裒成十五厚冊其子若孫珍同拱璧祕未示人者百年矣吾渠現任教育局長君石爲先正之曾孫以思主通俗教育刊筆政且屬同宗關係始出此吟草囑選十之二三以饗世竊謂先正隸籍蜀西歷官江右鍾以山水習於風騷

渠縣志

卷十二

文徵志二

二十八

渠縣平民教養工廠鉛印部承印
渠縣平民教養工廠鉛印部承印

其律詩雍容架型杜老古體拗折直造涪翁迴環披誦信所謂縣圃鮫宮無草不奇無謬不美舉之以走海內貴洛陽可也何選之是云哉雖然傳吟草以爲家寶珍手澤葆遺墨固君石局長祖若父之志也君石局長不欲違祖若父之志而又欲闡先正之遺烈思雖玉砮不辨昌敢謬以譏陋辭耶爰師曾滌笙氏類旨約選詩三百章題曰蘭雲山館詩選其詩餘則附庸焉君石局長名槐柱由四川高等學堂畢業蓋亦能世先正之家學者

胡春滋再思廬集聯彙錄序一首

人生而靜天之性也感物而動性之欲也雖然夫豈不以其時乎哉古之時冠婚喪祭不廢酌錯然必發乎情當乎義也質嬗而文慶弔制作紛然錯出矣越至於今地無城鄉人無貴賤與其親疏凡其人之偶事

其事親連者爲之敷詞陳言累紙而不盡即非親連而或爲所識之邀約亦莫不擬聯贈對用爲其人光斯果發乎性情而當乎禮義之所爲耶人之生也情不摯則所言非諛即妄文之作也義不晰則所擬非虛卽僞二十世紀來所由文明愈進人性愈汨而世運愈靡矣可勝述哉第以風會所趨求之者衆而供之者難文人學士欲已而不可以已實己心焉病之吾渠楊君秀思乃以平日之所誦習者上自漢魏六朝下至唐宋明清之詩歌詞曲旁及西廂聊目與夫縣屬之場名優伶之花諱一皆刺取其英華而裒錄其名貴者以集成聯語凡閱年十餘得若干幅名曰再思廬集聯彙錄蓋亦勤矣顧其中編集若慶祝若婚賀若哀輓若祠廟若名勝園林都不分類編次猶有待於用者之披索雖似未周然要不可謂非應時之需與繁於文事者啓迪之資也吾是以有

渠縣志

卷十二 文徵志二

二十九

渠縣平民教養工廠鉛印部承印
渠縣平民教養工廠鉛印部承印

重焉

達縣王炳章東軒詩存序一首

歐陽修解詩人少達多窮之說以爲窮而後工豈窮遂有造於詩哉吾竊謂窮能不役於窮詩乃不求工而自工也何則窮者詩雖工而不平之鳴中聲已變非但小弁之怨離騷之憂也即叔夜之吟未免於憤杜陵之作或譏其苦無他心役於窮音節固殊矣安可謂工惟窮而安甚間甚淡甚雅甚則性清活潑鳶魚機暢自鳴天籟不擇好音故不必奇語驚人而心聲自然風騷皆有致也蓋有安閒淡雅之懷無論七情異感而溫柔敦厚之旨自寓不真可謂工耶斯詣也昔則有陶淵明今則有冉君伯敬夫淵明以晉代衣冠而值劉宋之篡竊冉君以前清選拔登賢書銓邑宰而值民國之創建其窮固同矣乃一則歸至彭澤一則

雙桂勘破萬法只只了一心期透性命之關肯受貪愛之縛應勝任而愉快料有志之竟成然捨必無捨者之相而捨乃真施務出施者之天而施乃報放得下囊中不留一錢悟得空身中具足三寶欲證生生之果實圓卞之功豈但名題青雲直可身親白象矣

贈序類

清

邑侯席世綢逸老程翁初度八十有五贈序一首

翁名詣邑之耆碩也今天子嗣極之元年德洋恩普頒明詔尊高年自九十以下給粟肉酒帛外各賜七八九品頂服有差猗歟從古未有之盛典也然或遺於有司己未余奉檄庖篆於渠簿書鞅掌未遑他及數月之後諸務就緒因思推廣皇仁訪邑中逸老將申之大府告之彤廷

渠縣志

卷十二 文徵志三

三十

渠縣平民教養工廠鉛印部承印
渠縣平民教養工廠鉛印部承印

俾康衢皆歌德之老絳縣無沈淪之年於輿論險囑中得翁之事親老而彌敬似胡廣訓子義方似禹鈞友愛因心似盧子家古誠淳樸似萬石君還人遺金似裴晉公正直嚴介似王彥方殆庶幾隱君子歟心竊識之及庚申文峯書院聘玉峯程孝廉主講而後知翁即玉峯尊人詢其齒已八十有五矣猶喜讀書論史鑑事琪樹瓊葩植根有本益信爲老成典型也玉峯行且黼黻皇家他日龍章寵錫乃分之宜但云粟肉頂服猶未足比榮余承乏茲土凡高士逸民例得表揚况有翁之德而年又最高因爲叙此而贈以額曰洛社耆英蓋以繼襄陽耆舊之書蔚宗隱逸之傳云

宣城劉給諫芳靄渠段君德政序一首

乾隆丙寅

甲子春于飛段公分符宣邑時予備僚柏臺往謁邸舍挹其道貌聆其

返自滇南皆以詩自娛而辭旨溫雅和平亦復相似故觀東軒吟草宛見高人嘯傲不得謂冉君之僭妄也顧或者謂不惜歌者苦但恨知音希誠有味乎其言之也冉君處今之世而乃樂爲謳吟謬求唱和何不憚煩乎不知聖人惟鳥獸不可與同羣而斯人之徒舍此誰與彼滄浪孺子黃州夢婆皆可作同聲之應况明有點筆操紙者而顧金玉爾音哉故在淵明人多素心樂數晨夕歡言酌酒遣興東籬吟詠無方體也而在冉君和風如惠同人非一倡予和汝無有還心贈答不少吝也蓋天懷安閒淡雅冉君卽今之淵明豈如窮者之抑鬱無聊徒抒憂憤怨苦之辭哉然則世有浮慕翰墨謬附知音撫東軒吟而諛之曰窮而後工吾知冉君必笑而不答也

李雲程募修雲霧山普賢殿引一首

渠縣志

卷十一 文徵志一

三十一

渠縣平民教養工廠鉛印部承印
渠縣平民教養工廠鉛印部承印

雲霧山川北名山也其陽則渠其陰則竹蜿蜒數百里上插雲霧非極晴明難睹其象因以得名余於辛巳夏嘗一登臨曲曲澄江盤若纓帶重重青嶂攢若蓮房洵氣象萬千也中結普賢殿剏自紹興之代葺於康熙之時迄今又百年矣嶺峻風狂廟貌朽香集人盛客堂難容然琢白玉以爲階非寸草之所可化鑄黑金而爲瓦詎一本之所能支有僧通訓者誓願重修祈揮一引余聞夜則聖燈輝煌信此山之有聖晝則祥光繚繞知是處之發祥宜樂禱無不靈十邑景仰求無不應全蜀聲揚以故禮之者老幼提攜朝之者寒暑絡繹人人目前前有雲霧個個心中有普賢甯愁佈施無結孤之慈悲留玉無東坡之慷慨也哉所患董理非人將借題菩薩實爲餓鬼自造地獄冒爲佛堂作俑固屬欺心助紂亦怨無眼茲僧通訓年類芻尼之少才似妙喜之長參學四方具足

吐囑居然古大臣風度退食之餘竊幸吾邑之有賢父母而桑梓之蒙
庥正未有艾也是歲秋抄宣邑人士計偕來都者咸嘖嘖稱頌不置始
信向之瞻仰而傾服者良不虛矣公之治宣也不矜才不負智不弋取
名譽不依附勢要竭忠効職恬淡自如勸農課種民懷樂利之休設學
明倫士沐甄陶之化至若絕苞苴平訟獄鋤強暴重師儒因革事宜滿
志以躊躇他如水旱疾疫有禱輒應痾瘵一體之念感格穹蒼雖縲寡
孤獨靡所依歸者莫不均荷其帡幪焉越明年政治洽民醇百廢具興駸
駸乎文翁之雅化再見於南邦矣奈何世事如棋官場作戲乙丑仲春
有候補縣令之周邦正檄委督修城工暗中作崇驚駭宣民一時蚩蚩
之衆墮其鬼域以爲新舊代謝既譁然而不審遂囂然其莫靖而當事
諸公各媒孽其短竟以闕闕府堂指使保留等情入奏幾幾乎沈寃莫

渠縣志

卷十二 文徵志三
文徵志二

三十二

渠縣平民教養工廠鉛印部承印
渠縣平民教養工廠鉛印部承印

白矣幸而惠迪有終福善不爽後經欽差大人之鞠訊而涇渭昭然妍
媸立判如日月之晦而復明洵可請履險如夷有屈必伸也茲者公解
組歸田行將高臥東山宣之父老子弟若嬰兒之失其母者然或爲詩
歌以送之或載酒漿以追之予以匏繫都門不獲與邑之士庶遮道攀
轅僅爲之紀其軼事附之詩篇以代祖道之意他日播之瑤函允堪輝
煌典冊垂之奕禩應推不朽名臣豈世之頌神君稱仙吏者所可比擬
哉

周士孝閻茂名德政詩序一首

詩之作歌蘆溪閻先生之德也先生家於蜀幼穎異年十八領鄉薦及
壯遊宦嶺南歷宰山海間所至有聲四篆及茂名澤之入人者六載己
亥春以公過鐫級解組入覲都人士惜其去如赤子戀父母繪送別圖

一軸遐邇畢集扶老攜幼攀轅遮道者以千計無異竹馬來迎時圖中愛戴因依傍徨悱惻之意溢於圖表其圖所不能盡者悉於詩見之余與先生同里相善丙戌歲同拜闕廷先生之南來也越十年余亦逾嶺承乏電陽又與先生同屬高涼郡故於其行事知之獨真先生事上恭而節治下勤而惠讀法聽訟自味爽至夜分不倦余嘗欲一言識之媿拙於文辭無以紀美政事也今年夏會於羊城旅邸展圖誦詩舉余向所欲言而未能者暢言之且人人言之則余又何言然秉懿好德之良今猶古也徵其實足以風有位聖天子明燭萬里先生其必一蹶而振以慰南人思爰擇其尤雅者略爲序次付剞劂藉以廣先生之德夫爲政不在多言以誠親民者民亦親之親則樂樂則久久則傳若以文之佳而傳者末矣

渠縣志

卷十二 文徵志三

三十三

渠縣平民教養工廠鉛印部承印

書說類

清

賈屏山爲雷門二節婦勸助小引一首

易曰苦節不可貞說者謂節貴得中至於苦則過甚而不可爲正貞正而固也故象之辭曰其道窮乃有窮而不失其正苦而彌勵其操則其節逾堅而尤令人可欽而可憫如雷門二節婦之行是已夫古來稱節者如斷機丸熊畫荻諸懿行載在簡冊莫不殫其鞠子之勞明以承先緒而啓後人故未亡人之行可以告諸地下而無怙然猶曰有孤可育有田可耕有書可教讀也而至於隻身自茆孤掌不鳴上無瓦覆下無錐卓空幃寒燈共撫一雛茹蘖飲冰四顧無依當亦行道之人所聞而心惻者使有不仁人君子扶持而拯救之嗷嗷數口不其餒而由此以

推則凡窮鄉僻壤類如此而抑鬱不得遂其志者曷可勝道良可慨也已抑又聞邑乘所載一門四烈即二氏之先也其貞風亮節猶足引翼後人然而苦矣茲幸邑中好義諸公共爲籌畫或傾囊以施或指困而與故寡弱得以小濟而猶未暇及其終身也傳有云人之好善誰不如我是在仁人君子不吝錙銖量力傾助俾生者不致失所得遂其成立則歿者之銜感於九原又當何如哉爰弁數語於首用代將伯之呼

楊虞裳勸辦學田公啓一首

啓者朝廷設學官司化導清俸有限原賴地方有以供承仰副盛世重道崇儒之意故南北諸省皆有學田川省之樂山梁山等邑亦間有之學師送考之薪費歲給院試之冊費書役之口食皆資於此度支有恆公私並美甚勝舉也吾邑上年屢興此議因籌款維艱事未果行近年

渠縣志

卷十二 文徵志四

三十四

渠縣平民教養工廠鉛印部承印

疊奉大憲檄文縣主面諭並諄諄以學田爲重又聞鄰郡州縣亦次第舉辦巴州南川其尤著者閤邑聞風欣慕稟懇縣主移取章程詳加裁酌復呈兩學老師亦蒙欣獎惟事貴衆擎款須先積用特公請集議量力捐助以襄盛舉夫人莫不望子弟之成名而成名必自庠序始是舉一成則人人共知師道之尊上蒼必佑以得人之慶其收功旦夕者子弟即獲目前之利其積厚流光者子孫亦食將來之福且一家助之一邑之子弟沾之一身出之而世世之子孫收之其善之廣狹大小利之遠近厚薄必有能辨之者所有依仿酌定章程開列於後

邑廣文吳照梨樹寺大殿勸捐啓一首

竊維梅檀栝栢白蓮則界湧三千寶珞莊嚴黃金則畝布八十尋辟支於鷲嶺地證無生聽梵隕魚山天開有象瓊階草綠誰闢火珠之林紺

宇花紅孰營水晶之域蓋泰山高出萬仞惟資土壤以成工而青海深入千尋尤賴細流之底績渠南六十里有梨樹寺地擅蟠龍山傳舞鳳溯自香國之始開實維雍正之初載時有僧日幻亦常見重於延陵喧靜皆禪似坡公之遇佛印出處殊致若支遁之得許詢加以覃氏譚氏念切擅施心存法勝共經營以不日同心德於一時創此龍宮成茲虎穴竹苞松茂寶地美瑠瓊之平鳥革鞏飛香煙看翡翠之合門開大妙說法喜得如來宅演之車談經欣逢慧海而雲遊者衆魚龍騰躍以來歸亦星見於茲鸞鳳繽紛而下集解定香戒香慧香之攝無非面壁觀心參大乘中乘小乘之禪莫不拈花微笑洵惠遠蓮社之足比非已么芽屋所可方况卡繼之者有頓圓透月諸僧或瞻慧日用闢宗風心清衆緣前有美而弗墜性出羣有後更盛而可傳試問覺路迷津惟此是

渠縣志

卷十二 文徵志四

二十五

渠縣平民教養工廠鉛印部承印

金繩寶筏倘悟慈雲法雨於茲即翠竹黃花越至於今百有餘歲象教昨舊鹿苑尤頹惟大雨之時行乃正殿之柱折偶經浩劫雁沼空存立作化城鸚林安在惟譚子德政覃子慶侯蕭子宗恆王子懷濱念一郡之香火嗣前人之餘徽以迴龍寺僧性空獅座名宗雞園上品闡真如之密諦續菩薩以禪燈謂敝衲之有堪 量丈室稱拆鐺之已久可引方袍迺公呈籲懇邑侯鄭主飭伊住持隨彼餅鉢經馱白馬不敷五衍之車舍闢青鴛永清八功之水然而工程浩鉅經費劇繁欲成千金之裘須借衆狐之腋園成歡喜縱掛袋以何辭沼關醍醐卽成簋而不惜伏望四方仁人君子事襄經始情協落成倒篋無私義爭大爲小爲之別傾囊弗吝人無先進後進之殊緣永結乎三生念皆空乎八垢則是簷香滿地將克復夫阿難之舊觀抑且花雨彌天庶長留夫宕渠之蹟

奏議類

清

刑部議覆宣城知縣段雲翮指使鬪堂罷市一案疏一首

題爲核察議覆事前據山東道御史張疏稱調任巡府準題參江南宣城縣知縣段雲翮指使鬪堂罷市一案乃吏治民命所關奏請另派公忠大臣前往江南探訪審斷是非始明等因入奏蒙皇上俞允降旨着刑部遴派司官一員前往會同該督審擬具奏今據江督尹繼善司官黃永年會題審看得江南宣城縣民徐民彝等鬪堂罷市一案緣宣邑災賑之後舉興城工有委員周邦正來宣協辦一路用宣城縣正堂燈籠攜眷多人赴任以致鄉民哄動誤疑現任段果被參新官來宣署事因感段賑災撫卹之德恐被謫去遂約衆懇府轉詳保留該府不允叱

渠縣志

卷十二 文徵志五

三十六

渠縣平民教養工廠鉛印部承印

令禁止人衆將公案擠倒復飭鎖拿民愈鼓噪乃持石塞署經知縣段奔至府堂喝衆至失聲遲久稍輯今會提各官犯人等逐一嚴訊供認僉同鬪堂塞署實由邦正舉動招搖又以該府蔣不允保留而以鎖拿恐嚇不能明白曉諭靜鎮彈壓所致段實未嘗授意指使及細察各署卷宗再鞫具稟邦正語塞詞窮亦並無段指使確據又稱段爲人謹飭尙堪訓士可否請以教職補用等情覆奏奉旨該部核議具奏欽此欽遵到部該部臣會議得委員周邦正協辦城工何得攜眷赴宣一路冒用宣城縣正堂封皮燈籠以致愚民驚駭訛傳脅府保留誠如該督所稱舉動浮躁復附蔣捏稟坐段指使又下之石其心術巧詐尤不堪問似此試用人員便如此乖張尙堪膺民社之任乎例請參革永不叙用至該府蔣當人衆保留之時不能明白曉諭而以鎖拿恐嚇才智固屬

平庸復徧徇邦正之言據稟揭參倘不蒙欽差研鞠該縣段幾罹重戮又無論倡首王子華各犯矣以是昏憤忌刻之員何以表帥十城躬居人上乎宜請旨降三級調用其餘王子華等輒敢闕堂罷市糾衆抗官此種刁風萬不可長但爲保留賢牧公憤過激情有可原王子華徐民彝等宜照脅制官長例減一等治罪各杖八十折責四十流三千里以下從犯各杖八十減四十至於宣城縣段無指使闕堂罷市情弊然治下之民如此刁悍平日似少化導之方前據該撫甄別已議革職在案今可無庸另議但察段在宣邑下車未久即被火災查卹妥協民心頗德且人實謹飭係舉人出身尙堪訓士可否請以教職補用臣等會議謹題伏乞睿鑒施行

旨下依議欽此

李藝圃弭盜疏一首

渠縣志

卷十二 文徵志五

三十七

渠縣平民教養工廠鉛印部承印
渠縣平民教養工廠鉛印部承印

奏爲請嚴強劫之風以靖地方事竊強盜劫掠最爲民害文武疎防處分綦嚴初參停陞二參住俸三參四參分別降留降調誠以安民莫先弭盜故嚴立科條期於實力奉行也無如身任地方者往往視爲具文以致兇暴之徒逞其猖獗如臣道衙門稽察吏部上年正月起至年底止據各省揭報到道者除尋常行竊不計外強劫之案共一百三十件其中最著者江蘇省則有十五件四川省則有十一件而廣東一省竟至七十餘件該省雖屬山海交錯之區各行商賈往來輻輳易於藏奸然使封疆大臣嚴加整飭地方文武留心查緝何至劫盜纍纍肆無忌憚且南海番禺地居省會督撫將鎮駐劄同城一年之內該二縣卽有十四案附近之順德一縣卽有二十五案或糾夥多人明火入室或執持器械捆縛婦女甚至旬十之間連劫數處孤寡之室搜掠一空際此

昇平盛世若輩結黨成羣任其縱橫實屬不成事體由此而推其餘吏治大概可知伏思我皇上勤求治理除暴安良凡所以綏靖地方阜堵斯民者無所不至清察之道懲創之條亦無微不至古今來有治人無治法與其多立章程不如認真辦理臣請勅下兩廣總督廣東巡撫嚴飭各該地方官員實力跣跡設法搜拿俾知所畏懼更不得諱強為竊抑勒索隱至四川省向來強劫之案亦不至如此之多其或印捕各官辦差公出署事者視爲代庖並請一體飭諭據實查辦再廣東省強盜多有用籐牌禁壓事主者臣查民間私藏鳥鎗定有例禁籐牌亦係軍操所用之物平民不應私製請與鳥鎗一例查禁是否有當伏乞皇上睿鑒訓示謹奏

乾隆三十九年三月初七日
奏本日奉旨該部議奏欽此

向宣齋閣劉氏請旌狀一首

渠縣志

卷十二 文徵志五

三十八

渠縣平民教養工廠鉛印部承印
渠縣平民教養工廠鉛印部承印

竊惟節堅松幹女貞隱抱丹心孝格神明婦德流傳彤管賜金以旌終養誓志足表靡他集覽幽吟氣常嚴於霜雪禮衰懿範蹟每勒乎趨趨自昔史官錄善且榮以閨諡况今聖教勵風必採夫閭型茲有邑監生閣明德之母乃廣安州舉人桐柏令劉元亨之孫女舉人劉僖之三女邑舉人茂名令閣睿蒲之媳生員閣景昂之妻方其賦質儒門秉姿端楷姆儀四德繡閣夙知女誠七篇萱闈親授及棗脩奉贄實善事乎舅姑姊姊無言堪嗣徽於鍾郝乃及笄十六青鸞方見雙棲偕偶三春黃鵠遂悲早寡玉期俱碎烏感偕曉既而瞻高堂奉切訓謂長逝者憾其何窮未亡人留以有待夫也不復即從泉壤而奚辭魂兮歸來欲奉菽魚其誰薦爰撫猶子勗以興宗具膳共捧夫雙鱗育嬰更名以百藥攜孺穉而問安無間期有三百六旬引機絲而課讀維勤月得四拾五日

人能如此天不負之一子承家園橋望重二孫競爽藝圃韻超受辛四十二年誰謂荼苦數甲六十一歲人曰冰清地下有靈應嘉苦志閨中仗義實不虛生固士庶所欣傳抑幽明所共鑒茲者恭遇覃恩廣布正當潛德必光藜閣校書應續編列女之傳輜軒入里當復署貞姬之門况我邑賢侯素樂扶持名教逢此時盛典必能闡發幽芳璿等爲公具稟懇賜申詳俾此清操得叨旌表庶孝思潔白特標風化之所先節炳汗青永翼綱常於不朽

詔令類

宋

徽宗勅渠州漢車騎將軍馮繼告牒一首
渠州濟遠廟應民公右可

渠縣志

卷十二

文徵志六

三十九

渠縣平民教養工廠鉛印部承印
渠縣平民教養工廠鉛印部承印

特封惠應王 勅朕每務推仁政以育羣生而所不能必者水旱之來故誠信以交神神保是格則雨暘以時應求而至民不敢薄神之賜顧無以報則告于有邦君子朕惟有土之守與民同休戚則敬聽其言錫神之號朕封列爵冠服之儀秩以命數所以答揚神休而丐神之終惠也惟神其亦不閱其靈以對寵命以助予仁民愛物之政可依前件
崇寧三年九月二十六日 中書令聞 中書侍郎臣吳居厚宣奉
中書舍人劉正夫行 奉 勅如右牒到奉行崇寧三年九月二十七日 侍中聞 司空兼門下侍郎京 門下侍郎挺之

高宗藉田手詔一首

朕惟兵興以來田畝多荒故不憚卑躬與民休息今疆場罷警流徙復業朕親耕藉田以先黎庶三推復進勞賜耆老嘉與世俗躋於富厚昔

漢文帝頻年下詔首推農事之本至於上下給足減免田租光於史冊
朕心庶幾焉咨爾中外當體至懷故茲詔諭想宜知悉
清

仁宗邪教說一首

先聖王以道德仁義禮樂刑政裁成輔相化育萬方使民日趨於正道
恐爲邪說所誘也自二氏行於中國始有釋教道教之名因其說亦皆
吾儒所撰大旨亦精微元妙勸人爲善戒人爲惡輔翼王化無大差謬
是以聖帝明王姑存此類不加沙汰至於白蓮教之始則騙錢惑衆假
燒香治病爲名竊佛經仙籙之語衣服與齊民無異又無寺宇住持所
聚之人皆失業無賴之輩所以必流爲盜賊是又僧道之不若矣然天
下之大何所不有苟能安靜奉法卽燒香治病原有惻怛之仁心在朝

渠縣志

卷十二 文徵志六

四十

渠縣平民教養工廠鉛印部承印
渠縣平民教養工廠鉛印部承印

政之所不禁若藉此聚衆弄兵漸成叛逆之大案則王法之所不容故
查拿之始原因逆謀之一二人如劉松宋之清劉之協首犯耳劉松宋
之清皆已伏法並未株連而劉之協自扶溝脫逃所緝者仍此一犯而
地方官有奉行不善者有苛求圖利者胥役衙書四出滋擾閭閻無賴
借事吹求將正犯反置於不問妄拿無辜名曰欲辦白蓮教以致起於
襄陽由豫入陝而川省達州徐添德王三槐亦乘時蠢動互相勾結自
此遂東奔西竄疲我官兵害我良民傷心慘目實難備書現今賊營中
非盡教匪也亂民乘勢圖劫掠耳夫官軍所誅者叛逆也未習教而抗
拒者殺無赦習教而在家持誦者原無罪也即如劉之協雖爲白蓮教
教首其未謀逆以前若俯首就擒其罪僅止發遣耳脫逃後至湖北糾
約姚齊二逆並同教人等定於辰年辰月辰日辰時起事是真叛逆斷

不可赦矣起事後伊又潛往豫省漏網七年之久若彼此安靜匿藏原可倖免孰意又糾約李傑等由寶邨起事此由罪大惡極天神共憤使之自投法網得正憲章豈人力哉故白蓮教與叛逆不同乃顯而易見之理設若賊營中有一二僧道豈盡行沙汰二氏乎有一二生員豈遂廢科舉之典乎然則白蓮教之爲逆者法在必誅其未謀逆之白蓮教豈忍盡行剷洗耶白蓮教與叛逆不同之理既明則五年以來所辦理者一叛逆大案也非欲除邪教也然聚衆斂錢終流爲不靖是在良有司實心訓導宣揚正學漸仁摩義蹈矩循規化其暴戾易俗移風庶幾小康民安本業朕實有望焉

傳狀類

清

渠縣志

卷十一 文徵志七

四十一

渠縣平民教養工廠鉛印部承印
渠縣平民教養工廠鉛印部承印

甯國仙孝廉燾知縣燕公政績略一首

甯國爲古宛陵幅員遼闊地廣民稠宰治苟非其人庶務鮮不叢脞百餘年來官斯土者類多陳陳相因教養有心紛於鞅掌雖邑之登賢書捷南宮者亦有其人惟邇來十科芳規莫繼吾夫子燕公蜀之流江人諱居廣字宅安壬辰秋以名孝廉奉簡命來宰是邑下車後輒以振興綱紀爲己任舉邑中數重大之件皆次第增新之展謁黌宮見殿廡亭坊半成傾仄慨然曰名教首重之地何可聽其風雨漂搖乎節俸修葺煥然改觀負郭東西有鉅橋曰東津西津均屬輻輳要途從前屢修屢壞動資數千緡人每畏難而安之公曰道梁弗治如政體何捐廉倡義卒底安瀾至今民無病涉城隍祠頽圯多年但規模湫隘弗稱公謂非所以妥神明而崇祀典士民體德請廓新之公竭囊資助數載不憚煩

勞必底於成而後已邑中書院閒有年所公曰人文不振司教化者羞也乃示召人士訂課月二舉飲食教誨務溥而公勉絀獎優寓懲於勸雖沍寒暑雨而繁冗中未嘗少懈我邑文風爲之不變二年燾應童子試猥辱青睞拔置第一隨命入署與諸公子共雞窗退食稍閒即孜孜啓迪一惟先民是程不屑蹈時下畦町燾獲遊泮旋食廩祿辛酉濫叨鄉薦公之德教所及也歲己亥協辦皇差暨朝天宮等務公不累民凡所需項悉自經營人士私相傲曰我侯廉我輩叨侯惠者深且久安忍以重役累我賢侯倡一和百踴躍輸將惟恐後故差協而民無怨勞惟是燾沐公玉成禮闈一再俱外孫山國士之知負公實甚然一回憶吾甯以數十年文風絕續之地倖擢科各雖自燾始而其所以致文運之丕振者實自我公開之行看駸駸日上四民戴公德澤教化之恩不且

渠縣志

卷十二 文徵志七

四十二

渠縣平民教養工廠鉛印部承印

與甯並永哉今當秩滿論陞大憲將有不次之擢公則峻辭歸里雖七十致仕固屬聖謨第吾甯國之父老子弟依戀之忱如孩提之將離怙恃既無緣借寇咸涕零攀臥所不能留况燾以一身之餘皆公之賜其愛戴將何極耶爰質紀政績以誌不誼至於公之流風善政過化存神又非管蠡所能窺測然而吾徽中之賢士大夫被餘輝而仰盛德者類皆能歷歷道之云

劉編修學厚翰林院庶吉士山西孟縣知縣賈屏山先生行狀一首
先生諱秉鍾字綏祿一字屏山世爲渠人曾祖翼貢生祖秘雍正丙午舉人湖南臨武縣知縣父咨託皆贈如公官先生生而穎異少從叔父採堯公咨詢授讀大爲所器識未及試而教匪起奉雙親流離奔竄人皆負衣物先生獨負書笈不置偶憩陌上輒把卷吟誦人或非笑之不

顧也後堅壁清野令下始舉家避地小寨會丁外艱益不聊生有邑舉人王雲亭棟者祖戚也設帳成都遣人迎先生於是從之游值童子試每聞一題輒擬一藝由是名大噪錦江十六城士無不顧交驩先生者嘉慶庚申始歸與試屢冠一軍次年受知於學使陳鍾溪希曾先生先生初名越學使爲易今名遂補弟子員旋食餼卽以是秋領鄉薦故當時有四十日秀才三箇月廩生之日先是主司錢次軒枻楊剛亭健兩先生得先生卷喜甚已定元矣後乃移置第二壬戌由水駟試春官至巫峽阻於賊不進而復邑侯延主文峯書院一二年間文風丕變遊庠食餼登賢書者相續也先生論文以氣爲主以清真雅正爲歸以陳言務去爲斷嘗曰惟古於詞必已出降而不能乃剽賊此韓昌黎之所以獨有千古也吾論文亦若是而已矣乙丑再上公車出鄧嶰筠廷楨先

渠縣志

卷十二 文徵志七

四十三

渠縣平民教養工廠鉛印部承印
渠縣平民教養工廠鉛印部承印

生之門以額滿見遺旋出都門應同邑劉司馬乍浦之聘於是縱覽西湖虎邱諸名勝曰此似吾夙屢游者今豈再至耶得詩數十篇蓋有低徊不能去之意謁辛酉座主錢次軒於里門是秋旋里再主文峯書院從游者日益衆蓋自嘉慶初元至是十一年間始有定居有終焉之志時邑侯葉公楙勳浙之名進士也見先生奇之勸赴禮部試甚力且贖以資先生感其意遂以戊辰賜進士出身入館選己巳散館改授山西孟縣知縣非其志也孟卽春秋傳孟丙爲孟大夫之孟土瘠民悍而俗健訟走京師不九百里至省垣二日半耳官斯土者一不慎則上控之案雜出故前任多被揭去先生下車則以勸農桑培文教爲先務不矜名不博上臺懽有惰農者勸之有逐末者懲之暇則進士民之秀良者於庭而親訓之蓋先生以剛毅嚴正之體而爲唐何易于益昌之治故

奸猾屏跡名士輩出十年之久相安無事有岑嘉州花落訟庭閒之風
環城有溪闊可十餘丈冬涸而夏潦舊有橋已圯勿治民病於厲揭先
生捐廉修補且爲文勒諸石即今秀水橋是也又有鎮曰牽牛陶者之
所都也山路數十里夏秋之交雨潦泥淖行者愁苦先生爲疏募修民
樂從恐後茅塞易而康莊先生便民之事不一而孟之人則尤以是稱
之庚午丙子同考晉闈辛未戊寅兩解甘餉其入簾也或以關節至笑
而不答再則曰吾知論文耳違恤其他故所拔多知名士計受業門下
及受知闈中者不下數十人如田嵩年陳超文孟毓勳薛歲牛夢錕李
兆元其尤著也皆掇巍科以去或且爲名宦其督餉也自夏徂秋往返
數千里淫雨道瀟晨夕躬自檢閱與奴僕同甘苦曰此王事也敢不愼
歟然亦倦而思退矣初李太安人未字時嘗侍尊甫於壽陽縣署壽與

渠縣志

卷十二

文徵志七

四十四

渠縣平民教養工廠鉛印部承印
渠縣平民教養工廠鉛印部承印

孟接壤且道經焉至是板輿迎養指其某山某水曰此吾曩時所經見
者猶髣髴記憶之則色然喜後以不樂其水土於癸酉春回川先生即
於請養奈格於例迨戊寅冬遂奉諱交代盤查復竟一歲至己卯冬始
抵里門遂不復作出山計年甫踰強仕也蓋先生蒞任卽與某大吏齟
齟凡事欲中傷之先生去而大吏亦以他事解任卒與相終始賴勤慎
明敏得安然旋里游宦十年依然兩袖遠近皆諒之然亦殆矣庚辰長
孫恩慶生喜曰吾無餘事矣吾惟教子弄孫矣以山居稍僻移居宗祠
凡十餘年族黨之從游者其名踵相接也癸未子振麟紱麟同游泮
頗慰遲暮振麟旋食餼紱麟亦補增於是優游林泉肆意詩酒日與里
黨父老話桑麻談往事飲食徵逐如不及曰孔北海不云乎座上客常
滿樽中酒不空吾願足矣吾雖不及兩疏傅敢忘此志哉尤精於醫凡

沉痾投之劑立起以是歲活人無算戊戌恩慶補弟子員先生喜謂人曰是少失恃乃吾所教養也已亥嬰疾辛丑遂不起先生於書無所不讀而尤喜通鑑綱目曰此治亂之龜鑑也蓋其道政事似書論陰陽似易通諷諭似詩備典章似禮而朝聘征伐屬詞比事則尤似春秋學者日不覩九經十七史苟善是是亦足矣詩文皆宗蘇長公時出入於廬陵南豐及本朝諸大家當疾革日猶手蘇詩一卷曰此吾故人也故其所作皆如其意之所出殆所謂喜往復善自道者惜懶不自收拾僅存詩古文詞十二卷詠史樂府二卷制藝二卷藏於家先生平居自奉廉而好施與待人恕而不可干以私燕居獨處而泰山巖巖氣象自具至於訓子弟以嚴接士大夫以禮睦戚黨以仁則始終如一也距生於乾隆丁酉年六十有五娶馬氏封孺人子三振麟貢候選訓導紱麟增生

渠縣志

卷十二 文徵志七

四十五

渠縣平民教養工廠鉛印部承印
渠縣平民教養工廠鉛印部承印

毓麟天孫男恩慶恩節俱增生恩普監生餘幼厚於先生為後進所居二百里而遙女弟為先生次子婦雖宦海分馳未獲躬親道範而麟鴻往復如聆警效故知之甚詳謹綜其梗概為之狀以俟立言君子採擇焉謹狀

賈蓀谷書孫先生逸事一首

曩少聞先伯言乾隆中有孫先生楚人逸其名偶來予家時先叔祖探堯公以名諸生屢薦不售雅與投契延訓子侄先伯等俱受業焉為人質訥寡言笑而邃於學嘗為先伯等講禹貢即以片楮繪之水道山勢如指諸掌說四子書案頭未嘗置講義隨口授引數十家不竭課暇則坐門限微吟以手擊掌作推敲勢亦不知其何作也久客不言歸試後卒葬鵠嶺馬鬣三尺今猶依稀可辨

楊虞裳劉孝女事略一首

孝女劉姓名婉秀渠邑板橋場劉年祥女襁褓孤露歲辛酉隨母避兵合州境兄文璞習醫爲業女漸長侍奉能得母歡又操作有條理喜讀書皆曉大義母常曰此我家不櫛男子有不忍終離之意女不願謂他人母也時既平兄嘗歸里有孫姓求婚兄許之女聞滋不悅庚辰歲三月兄行術他邑母忽病神藥之費箱蓋一空室罄甑塵計窮徑絕適幼姪弄小佩刀傷手女怦然有觸乃給取入室自剖腹左二寸許欲得肝療母創口尙隘血溢不止因再剖之肝並腸湧出割取和羹以進母覺清腴異常胃氣大復病遂霍然女初不解所苦然腸屢外墜血涔涔行步殊透遲嫂妍詰觀創驚歎塗以楮灰尋臥病而孫氏子浼媒來促婚期女病益劇息奄然媒以狀告孫孫家故亟需新婦助理至是意沮又

渠縣志

卷十二

文徵志七

四十六

渠縣平民教養工廠鉛印部承印
渠縣平民教養工廠鉛印部承印

年長慮不及待乃乞劉母一言得他娶即女不死亦聽所適也女聞曰惡是何言哉女子許字委一無二吾病不可知且痿癢終難執婦事若蒙高義俾死傍父塚生隨母側銜結以之彼有老親速娶宜也我之不二禮也倘我不死而他日猶欲媵妾我焉則不能爾孫聞女言決乃各還聘禮報書女強人扶病跪謝之對衆截髮以示斷割且明不二孫行女創尋愈而兄又客死女泣慰母曰天也幸姪輩漸成立盍歸故鄉幼者讀壯者耕力諸原而績諸室或無憂終窶也辛巳夏返里族戚習知者無遠近咸稱歎不衰邑父老聞諸縣令尹杜公廉得其實資獎之並爲請旌焉

碑誌類上

宋

縣尉王佐渠州珠山佛現記碑文一首

字缺一德大夫知永字缺一軍事管內勸農事兼管字缺一駐泊兵馬公事丁

奉議郎梓州路提舉學事鄭迪功郎渠州流江縣尉王佐佐備員流江時承秋霽每思吾鄉遂甯府寶珠山觀音現相恨無字缺一觀偶學使鄭

公按部入境以職事將迎欲回趨州至珠山十里地使旆不進隨值兵從誼呼於前爭指佛現是日也積雨初晴雲霞字缺一果於山腹間布兜

羅絲旁有兩白毫直上指天中現五色大圓相光中有一佛相如水墨像踞蓮花座作大自在聖凡相視無間纖毫字缺一躬合掌或設禮拜而

光相中人人如見自己更無別觀衆共瞻仰字缺一無量異口同音讚歡希有是知佛現遍在一切處不獨吾鄉非字缺一也走卒賤隸咸得見之

然則佛之妙相或隱或顯凡夫或見不見字缺一然哉佐幸慶遇蒙慈悲

渠縣志

卷十二 文徵志八上 四十七

渠縣平民教養工廠鉛印部承印

願力生大歡喜心不意念越三日復送學使謁天寧住持文燧語以前意燧曰此即珠山也山塢有一刹乃古道場寶珠光相曾現於山猶有見者豈山蘊虛氣不能自秘必乘時顯現以為盛世之瑞耶然昔為寶珠形今現為佛光由感應之不同故所見者亦異實不可思議一美事因緣宜鏡諸石普願隨喜見聞入佛知字缺一佛壽命於無量無邊也宣和庚子八月念三日迪功郎渠州流江縣尉王佐記

知州軍張稟馮公碑記一首

馮公靈跡異效渠人受其賜為日久矣獨墓銘不知所在稟自崇甯改元來守宕渠下車之始躬率僚佐敬謁神祠凡有禱祈無不立應稟嘗感其錫祐顯著於渠民者多每與流江知縣奉議郎蒲希尹更訪其事實施其功德一日郡進士李權趙甫得其碑於史君鄉南陽字村書點畫

雖漫滅殘缺然猶髣髴可辨而李權來告稟曰馮公墓銘埋漫於壙土者幾千餘年今方得之豈非神之靈異待公而顯乎稟甚嘉其言而李權當年預鄉薦趙甫登進士第神之靈效茲為字 缺二自得其銘之後一郡之內年穀屢豐歲無荒歉人少疾疫神之降福已昭昭然夙夕於此懼無以報神之所賜一日而渠之鄉官民吏董察宣義等列狀字 缺二神之豐功美績曰應民公即東漢之名臣生有功於國歿有惠於民固宜褒優顯加爵命稟乃應其誠而為之申請蒙朝廷將加王爵先賜廟額曰濟遠茲可以見神之顯效豈小補哉稟竊恐其歲月深遠碑銘漫滅不足以彰神之休功遂與縣宰蒲希尹命工增葺其祠堂缺勒舊銘於石以為後人之榮觀噫聰明正直依人而行者神也馮公之靈信亦有所待矣崇甯三年三月初五日歷下張稟謹序進士張鈞鄉貢進士

渠縣志

卷十一 文徵志八上

四十八

渠縣平民教養工廠鉛印部承印

杜常進士丁權同模字進士任忠亮書丹將仕郎州學教授安忱篆額從事郎軍事推官蒙汲監修奉議郎知流江縣事賜緋魚袋蒲希尹立石朝奉郎知渠州軍州兼管內勸農事飛騎尉賜緋魚袋借紫張稟明

邑侯甘澤正德勅祀土主仁濟王碑文一首

順慶府廣安州渠縣為乞恩報祀有功靈神事抄字 缺二本府州帖文承

奉四川等處承宣布政使司劄付承准禮部其字一千五百六十八號

勘合祠祭清吏司案呈奉本部速送該本缺題本司案呈奉本部送禮

科抄出四川等處承宣布政使司順慶府廣安州渠縣知縣臣甘澤謹

奏據本縣一十一里老董魁楊彥魁張乾朱澄等呈前事本縣城北濟

遠廟神邑人稱為土主本神極靈禦賊尤顯父老相傳賊不怕渠縣人

只怕渠縣神邇者正德五年十一月初間流賊藍廷瑞鄒本恕等自川東地方流入川北本月十五日攻破營山縣揚言要來攻渠縣當蒙本縣率領師生里老人等詣廟禱告至十二月初四日寅卯時分前賊有一萬餘人來攻本縣當即發兵出城迎至一里之程地名幸家霸與賊對敵斬割賊首廿老人並賊從首級耳小功共六十六顆付生擒賊從王仲林等二名戰時四山皆明爽獨戰場烟霧昏合各兵仰見空中一人揮戈向賊議者以爲神之助陣本月初五初十六年二月十八日三月十三七年閏五月初九至二十一年正月二十三等日前賊重復來攻本縣亦各先期如前禱告至期發兵截殺各兵自能奮勇向敵信有神助節起又斬割首級耳小功共二十二顆付生擒賊從陳道恩等一拾八名收迴男婦戴廷瑞元貞等九名口魁等竊思流賊屢來攻縣

渠縣志

卷十二

文徵志八上

四十九

渠縣平民教養工廠鉛印部承印

屢見敗陣關廂不被其燒毀人財不被其劫擄妻女不被其姦污城池塞堡不被其攻圍破陷此雖人力實仗神靈况歲或旱災有禱輒應爲此合行連名具呈如蒙轉奏乞賜諭祭每歲春秋以時遵行爲民崇報便益等因到縣行間又據本縣儒學廩增附生員朱獅萬崇本王柄致仕官徐端舉人曾鎰監生陳鳳省祭官劉仁等各呈前事臣即考閱朱子通鑑綱目並史臣范蔚宗所撰神之本傳及歷代碑文神姓馮名緄字鴻卿巴郡宕渠人少學春秋司馬兵法綱目大書漢順帝建康元年秋八月揚徐羣盜范容等作亂遣御史中丞馮緄督州兵討之漢桓帝延熹五年拾月以馮緄爲車騎將軍討諸蠻降之六年秋武陵蠻復反率兵討平之缺馮緄坐免八年詔李膺馮緄劉祐輸作左校時應奉上疏稱緄前討蠻荆均吉甫之功乞原緄罪傳與碑文載其辯父之冤不

致枉殺以蔭爲郎中舉孝廉七遷爲廣漢屬國都尉徵拜御史中丞順
帝末持節揚州諸郡軍事與中郎將滕撫擊破羣賊遷隴西太守後鮮
卑寇邊又爲遼東太守曉諭降集虜皆弭散徵拜京兆尹轉司隸校尉
遷廷尉太常徵拜車騎將軍討諸蠻斬首四千餘級受降十餘萬人又
拜將作大匠轉河南尹復爲廷尉卒於官後唐僖宗封爲靈應侯宋太
祖勅建廟宋神宗加封應民侯宋徽宗賜濟遠廟額又加封惠應王宋
光宗加封惠應昭澤王宋寶祐二年改封忠惠英烈廣祐仁濟王傳與
碑文先年編刻成書名爲忠孝錄臣以綱目所書者參看信乎其忠且
孝也夫官不一遷史不一書爵不一封功並吉甫德全忠孝神之聲名
固已顯著古今有不待臣言者矣臣今備查得本縣自正德五年拾二
月初四日起至正德八年正月二拾三日止賊屢來攻缺城屢獲小勝

渠縣志

卷十二 文徵志七

五十

渠縣平民教養工廠鉛印部承印

節起功次申解巡撫紀功衙門紀驗明白取獲批迴在卷委果在先是
臣因其勢事危迫節次率衆禱告獲蒙神助乃得保全此固人心之所
願祀也然祭祀一節國家大典禮或未宜亦難曲從臣又考之祭法云
以勞定國則祀之能捍大患則祀之神在當時以勞定國今爲神明又
能應禱而捍大患皆爲祭法之所取也伏望皇上垂念神功俯從人願
乞勅該部再加考訪如果臣言可據乞於每歲春秋二時賜祭一壇庶
使良將忠臣冥感乎曠蕩之恩而村翁邑士永遵乎崇報之典矣等因
奏奉聖旨該部知道欽此欽遵抄出送司案呈到部看得四川渠縣知
縣甘澤奏稱本縣城北濟遠廟神馮緝討賊之功並於吉甫而立身大
節克全忠孝故字缺三封建祠今益爲人心嚮慕自有靈應乞要每歲春
秋賜祭一節原神之靈異固未可盡知而其忠孝大節則載諸史傳有

非誣者今人心崇尙如此亦

缺三字

可比况該縣舊有廟宇鄉人崇奉不

替合無俯從所請於翰林院撰擬祭文類行四川布政司轉行該府縣
支給無礙官錢量備牲醴就遣本縣掌印官春秋致祭似亦相應緣係
乞恩報祀有功靈神及奉欽依該部知道事理未敢擅便本年六月初
九日本部尙書劉春等於奉天門具題本月拾二日奉聖旨是着本縣
掌印官致祭欽此欽遵擬合通行除外合就連送仰付該司類行四川
布政司轉屬支給無礙官錢量備牲醴就遣本縣掌印官春秋致祭
缺三字
過官錢開報戶部知數等因承此比對硃墨字號相同擬合通行
仰本府備行廣安州轉行該縣欽遵施行奉此案照先為前事已經奏
請去後
缺三字
因除行掌印官欽遵每歲春秋致祭外合將奉到勘節並
勅賜祭文及祭品數目合就勒石以憑永遠欽遵致祭施行一祭文維

渠縣志

卷十二

文徵志八上

五十一

渠縣平民教養工廠鉛印部承印
渠縣平民教養工廠鉛印部承印

年月日四川順慶府廣安州渠縣知縣某欽承上命致祭於漢廷尉馮
公之神曰惟神為漢名臣屢彰功伐忠孝之節史冊所傳靈爽昭敷久
而益著禦災捍患神庇一人累代褒封人心嚮慕稽之祀典崇報攸宜
茲為仲春秋式舉時薦神其歆格以慰衆忱尙饗一品物猪一口羊一
腔魚醢肉醢菹菜共五品米麵食共五品菓子五品香一炷燭一對帛
一段酒二餅行三獻禮如儀大賜正德拾年歲次乙亥冬拾月吉順慶
府知府樊瑀同知魯儒通判茹玘推官孫譽經歷萬福知事周仁照磨
程澗檢校侯俊廣安州知州汪城同知洪雲判官劉澤毛秀吏目王朝
選渠縣知縣甘澤主簿楊秀林典史徐凱儒學教諭李繼宗訓導楊鳳
趙實賚本吏劉魁立石
謹按是碑立濟遠廟內高丈有咫廣八尺餘石尙
堅完惟近龜跌處有缺落文中所載缺字是也
邑侯吳權重修土主馮公家慶樓碑文一首

渠城北濟遠廟後有家慶樓爲宋嘉定間知渠州牧揚拱所建蓋以妥馮公父母及其弟也迄明萬厯間漸就傾圮邑人孫意陳策等有志修復請於士夫事聞當道按臺王公明發帑金十兩學道王公孟照批府崔給孫意等修廟前拜廳將樓拆卸未及改創而孫陳俱卒板木磚瓦半爲盜竊邑人任淳夜夢謁神於別殿神下殿禮迎示以一物如亭子狀覺以語人人謂廟後家慶樓拆卸已久無人修乎淳即於昧爽時赴廟謁後隨視後基俱已崩塌始悟謁於別殿者殆神之父母無所棲也示以亭子示以修理也即訪於舊督工張孔健杜廷祐王尙暹等清理現存各色銀共二十六兩四錢米豆共二十六石七斗黃牛二隻大谷五石藍絲布三件燕翔鳳柏樹七十根并殘損板木磚瓦復繕募疏告通縣四民一時傾助者如雲而來先知縣裴若衮主簿馬一麟典史高

渠縣志

卷十二 文徵志八上

五十二

渠縣平民教養工廠鉛印部承印
渠縣平民教養工廠鉛印部承印

第教諭司朝舉訓導阮明卿共捐俸十兩有奇通縣所捐銀四十兩四錢大谷五石五斗米豆三斗白絲布六件藍絲布一件擇忠信幹理者周鳳鳴莫文光余見龍張孔心黃楊同舊督工張杜王等司其出納經營而一切應酬費用則各出己力焉舊基下臨深溝曩砌無脚故易傾圮淳伐堅石砌臺三層築土爲心礮石爲面豎樓於上亦三層上以妥神父母中爲小像下以棲神庶幾其安乎其所砌層臺上仍各豎房以蔽風雨信可久遠矣是役也經始於乙巳正月落成於丁未四月功成請記以勒貞珉予荆南人也少讀范史馮公傳慨慕其爲人思欲起九泉以共語而不可得及承乏渠州展拜庭下徐考渠志則旣沒之後每爲渠人禦侮弭災如正德初年藍鄢之亂數次破賊皆其靈效也且唐宋以來累侯進爵爲王武宗遣官致祭神之功在鄉邦已非朝夕固宜

年愈久而尸祝之不已也予以譴劣待罪神里矢心一念冰蘖是競方恐獲戾上下借神力庇佑何能有所言說以揄揚萬一顧又嘗聞之初建此樓之楊公於開禧四年冬有里人章堤族弟址合辭同夢紫綬金章黃燈絳節來告爲濟遠王邑守至嘉定改元奉命之渠州謁神祠適孚前夢爰命邑人苟瑄計財鳩工鼎建此樓今任淳之重修也亦以夢何神之靈爽弈世猶存耶而淳之爲人亦可知矣予聞淳八十衰老素抱足疾而其精爽少年所不及予忝風勵之責敢爲道其大都今作記以問之則又津津爲予言廟前後左有空基俱有定界近來諸色人等治屋其上始曰借居久謂已有且未稔豎立何時授受何人恐後無所傳與任無干且任年已八十抱病憊久恐後或經會計民算查亦有以任爲借口者乞司陰昭示無私予慕其誼至高敢并入焉萬歷三十五

渠縣志

卷十二 文徵志八上

五十三

渠縣平民教養工廠鉛印部承印
渠縣平民教養工廠鉛印部承印

年歲在丁未仲秋知渠縣事楚黃吳權撰文儒學教諭姚允恭書丹儒學訓導富順阮明卿篆額主簿王邦仕典史汪允憲邑人任淳男庠生維柄維楨維相立石

邑侯王冕靜邊寺碑文一首

渠縣古渠州也去縣二舍許有寺曰靜邊臨江潯而清幽山四遠而壯麗宏治甲寅夏余來官之時經宿焉有住持僧繼學導謁諸佛殿及解迦輪藏金容皆古刻非後世刻畫者能之詢所由學白曰此唐之天成時始也徐公承諒爲靜邊軍刺史以其宅改佛堂爲院令僧承詮主而焚祝之至宋慶元僧慈海勒石以紀其事因風磨雨洗而敝矣嘉定丙子紹符建佛殿廊宇卒沒於寇元泰定間寶月鼎新修造彭守劉公爲記雖非寶月之請特重紹符之事而表彰之屢經端平至元之兵而解

迦輪藏賴未泯也迨我朝洪武永樂間皆無可考宣德乙卯有僧禧海新構法堂其徒昌鮮繼立正殿拜廳如來殿又立法堂大悲閣復立鐘樓及廊自正統己未至景泰丙子規模氣象始成禪院而動觀瞻也成化丙戌學始繼昌而主此山歲月經久殿宇傾頽瓦木脫落金像損缺學心憂面漆晝夜無聊即與祖祥祖儉等諸徒議曰吾佛門子弟視此忍乎遂會工修飾四方信善齋飯食錢帛者來如歸市不踰年而傾者復脫者繼缺者全舊者聿新於是前功愈大而益聳人矣矧此又爲營渠之衝凡馳王命走公務及諸藩臬權貴經此罔不停車駐馬而信宿之此寺所以益名而甲諸寺也越三歲丁巳大建山門三間前中兩楹間爲中道以通出入外兩楹間列金剛四後樹以石以避風雨由是棟宇烏革簷阿鞞飛山門樓殿前後相拱廊宇僧舍左右相副巍巍乎煥

煥乎此功之所以成也遂令儉來告成請爲記辭弗獲乃喟然曰大凡有所爲者無患乎事功不建而業不久特患人心之不純也能一心則何事不可爲者觀靜邊一寺由天成以迄於今世道幾變而金像儼然如千載一日也自詮以至於學住持幾更而相繼修獻先後猶一人也此無他心純故耳且學以眇然之身爲沙門弟子幼而出家終身淡薄故能續香火於千載之上而成功於千載之下與佛教生華至於如此矧孔子之道大中至正如日中天非他道可擬彼師之者能純一心以崇正道則師道大行故凡爲人子者無不知孝其親爲人臣者無不知忠於君孝則克承先志而家道盛忠則能保邦本而國勢昌此所以無愧名教而爲邦國之光也使吾心少有不純則物欲牽引將假夫子之言而利己損人反夫子之道而靡所不至時而虎時而鼠豈能成功而

而久業哉噫心兮本虛應物無迹所繫甚大心純則中有主而不遷於物天下無不可爲之事無不可建之功無不可久之業况爲佛教耶余非惑此者以其克紹前烈爲可取而樂道之因採昔之所白者以紀歲月云厥功始於是年之八月成於十二月記作明年己未二月也
廣安吳進士伯通重修瑯琊四橋碑記一首

渠古邑也地介夔梓之間而隸於果凡泝沿三峽往來於蜀者或舍棹於萬而西上或振策自益而東下必渠渠亦蜀之要衝也其東崇山互千里自北而南渠江循山西四十里與並馳山中之水破山傍出西走而奔注焉官道出江山間故多涉溪澗入渠境凡涉溪四瑯琊其大者每山雨則湍流澎湃怒號而激撞橋輒壞阻溺震駭沾溼行路病焉成化丙午春洪都秦侯自諫垣出貳守廣安道出於茲目橋之圯閱行之

渠縣志

卷十二

文徵志七

五十五

渠縣平民教養工廠鉛印部承印
渠縣平民教養工廠鉛印部承印

難其心憫焉思濟其難下車未幾適承檄往攝渠治視篆之日選於衆舉義官邵君本乾及吳某以作橋事委之侯膚敏閎爽樂易近民敷政聽訟旣明且恕務不隳乎人情浹旬彌月渠人翕然順之而邵等忠勤幹固克濟其謀悅以先民而鼓舞之相與捐貲鳩工伐石於山治以爲梁瑯琊工大費博其上下三小溪省三之二肇功於夏五月及農隙也不踰時而四橋成侯率邑文學偕往落成之喜邵等之亟於趨事以能有成功也賦詩獎之首尾云隱隱虹橋臥急湍平平官道雨初乾行人欲問經營事白髮烏紗兩義官蓋不有其功而歸諸下可謂有功而不德能謙君子也邵不敢居捧詩謁予山中爲道巔末且曰是役也勞心者我侯勞力者我民吾輩受命率衆終其事勞何有焉願爲記之以彰我侯之德我民之良能相與以濟此遠圖將鐫之石使後行之人視其

人以永無忘今日也夫子嘗曰君子學道則愛人小人學道則易使也吾聞其語矣今見其人也安可無言易曰天施地生其益無方蓋天地之交陰陽之應一施一受氣通德合故萬物以成君臣天地也上下陰陽也君施臣奉上令下從相交相應志符道洽故萬事以成凡父子夫婦之相與以成厥家皆是理也明乎此而行之謂之學道是故以上則愛以下則順侯之愛一生於心遂發於事克承君施而且能令學道之功不可誣也田野之人初未嘗學一令之以道其順上命以共成其事乃如此道在人心信其固有而非遠也獨恨無以咨之者則凡違令豈皆民之罪哉方今聖君大德猶天施至溥也慨夫臣工有學焉有弗學焉或學焉而不知道鮮克順承而致之民以脯其心使知順上之道故政事日隳而上貽國家之憂豈有他哉利欲汨其心耳夫人臣惟利之

渠縣志

卷十二

文徵志八上

五十六

渠縣平民教養工廠鉛印部承印
渠縣平民教養工廠鉛印部承印

懷則獵取漁奪何所不至至於怨懣並興猶昧自反而慨曰民頑忿疾橫加焉於是喪樂生之心災害作矣嗚呼俗之敝也久矣可勝言哉蓋吾見亦夥矣若侯是舉殊異常事真可以愧世俗而振厲之也據春秋重用民力法當得書而事可訓又不可不書故書侯南昌人名昇字叔熙乙未進士刑科給事中以言事謫官出貳吾郡云

廣安王給諫德完建學舍碑記一首

吾蜀人才藪澤必稱金川瑩然劉公少年魁蜀都人士傾慕靡不願爲執鞭丙辰公奉檄署渠學得躋鱣堂親馬帳坐光風霽月中而後喜可知也渠學舍傾圮至延市人雜處穢囂爲甚僦居民間中夜慨焉曰此非異人任乃曉音瘖口胼手胝足撤而新之令尹唐公首倡義舉捐俸廿金爲助青衿中多市義者三閱月而工成庭三楹有門有堂有室凡

四重夾以兩翼閱遂輝煌旁有讀書室蒔花木於砌蚤夜與俊乂課業
談心泊如也渠士問序於屏山王子王子曰有是哉語稱官舍如傳舍
孰爲傳舍殫心力而貽之不可知之他姓即花封修建猶且難之矧青
氈冷局乎此人所不肯爲與不能爲者公毅然任之過人遠矣昔伊尹
自任覺民范文正做秀才便以天下爲己任何爾我國家而退託爲蓋
公有慈親偕迎宦邸一日之養慊於終身故闢舍以養親也科第蟬聯
桃李盈門雲栽露種效紫陽之訓白鹿安定之教蘇湖匪徒繪藻通經
抑且砥行治事故闢舍以樹人也晉獻文子成室以張老言爲善頌禱
今亦曰美哉輪焉美哉奐焉養於斯學於斯樹人於斯倘亦張老之遺
意乎舍成豈惟公有甯宇後有華居其於宕渠文士風非小補也唐公
仕斌號慶雲廣西灌陽人劉君象瑤號瑩然劉君應瑜號鳳樓建始人

渠縣志

卷十二 文徵志八上 文徵志八上

五十七

渠縣平民教養工廠鉛印部承印
渠縣平民教養工廠鉛印部承印

學舍鳩工於客朔成於歲除其諸生中共相創始者則來生必進陳生
王道任生維楨維相王生冕軒也例得并書是爲記

周孝廉守撲鶴觀碑文一首

原注觀去城十里碑首刻前自宋後至禎
六字舊題渠北鶴院觀

小神之陽龍飛鳳舞上殿下殿玉皇眞武士人禱祀如響應呼前有住
持廟貌藜蕪茲爲續葺廢修缺補時維天啓丁卯斗君黃鍾令月翻然
經營木石於山用支於鄰不貲如水輪集如雲非常栗懼晏如厥成人
雖效力神獨無靈原像在堂冠以世尊能仁次第香火共熒昔爲道院
今半佛場緇廬元觀爲時是尙金經可閱道德孔揚歲時稱祝法侶蕃
昌勒石詔後與天地長崇禎庚午舉人周守撲撰生員周守默書
曹進士良言萬壽橋碑記一首
橋梁之設道途日用而不可缺者在王政固爲急務大家有物力者亦

嘗爲之宕渠北關外逾十里有水發於龍王溝遠金鳳山迢遙透蛇襟帶於此名桃花溪四衢周道西北通保順東南達重慶津要有徒輿古跡名萬壽橋世遠變更成毀莫考嘉靖戊戌中張廷器等覓工建造募緣鼎修巍然洞達期垂數百載奈取石於本地山澗中類匪堅剛水雨衝突遂傾圮無遺也松泉余公慨然復修之運石於石馬港舟楫沿河轉流江數十里達於橋所加洞增高因堅培薄數月告成土類避之屬予文以載其事公迺祥祖諱文若之孫好施與助婚喪扶孤弱無厭倦心祠廟寺觀凡有興作益於民物者恆隨力助之乙丑補市橋巨石丙寅遷改學宮修博文一齋續治堂鼓己巳春建土主香亭是年冬砌長灘河北洞橋蓋今日之成功尤其重且大者功既告成車行者無下車之勞徒行者無徒涉之苦而公亦未嘗尸德焉予資諸君之愛紀歲月

渠縣志

卷十二

文徵志八上

五十八

渠縣平民教養工廠鉛印部承印

以昭厥績使後人知萬壽橋復添籌於今日云

余尙春重修土主仁濟王廟碑記一首

邑馮公爲漢中葉名臣起家孝廉其立朝事業漢史以比周之吉甫焉族於渠家富好施爲鄉里所歸愛其歿也里之人廟祀之每生辰元旦童叟婦孺無遠近匍匐拜祠下者如親父母由漢以來捍大患禦大災於國多功歷朝崇祀累封仁濟王其廟在城北三里之龍驤山規模宏敞爲一邑巨觀廟前有忠孝樓倣京師五鳳樓制蓋宋制置使蒲澤之奉勅建也公非大有造於物而能奕奕煌煌若是耶正德間蜀有藍鄙之變糜爛數千里所致輒陷獨賊六至渠皆敗去相傳以爲賊與拒時震電晦冥率神之功暨崇禎末流賊蔓延殘滅無遺渠邑士人無敢保聚而邑人傳言方賊之張也廟僧夜聞鐵馬聲不絕明起視道上塵跡

如所聞狀而賊自是所失利亦遂不復逞嗚呼神之於渠何如者今大難既平而神之血食廟貌屹然於數百年間者且與父老子弟之白骨同盡也邑孝廉李珪等將率鄉之遺民求故址而更新之是舉也振廢興衰崇德報功其差強人意者乎尙春播棄餘生數千里外莫克襄厥成聞其事而壯之意曩者擾攘間渠之人有率師捍賊視死如歸者矣有保聚山寨存活甚衆者矣有收貧恤孤敦禮賢士者矣今又丁是役渠之人固慕義無窮矣行見翦荆榛除蕪穢堂構旣肯廟貌維新神之靈其亦有所憑依而我邑人奉祀之心其亦可以稍展矣夫

清
邑渠吳鼎書院碑記一首

書院所以儲學校之未備也人自束髮受書稍長而習爲帖括藝間歲

而萃試於學使者優則登諸黌序餘不與焉官斯土者弗忍其舍業而嬉也乃於家塾黨序外更錄其俊秀納諸書院俾得請業於師儒而諸生之願請益者亦從其便育養人材是爲良法宋時四大書院聞於天下名賢輩出史詳載之何其盛歟予於癸酉秋末奉檄令宕渠下車之始問訊邑之耆士知渠邑向無書院或假僧寺神祠延師懸絳帳其中其褻甚矣吾鄉葉君權攝斯邑乃取所存公項請諸大府創建書院而未成山左王君衍慶繼來作宰爰擇城南銅魚洲之西構後堂講舍前門外門各三楹焉左右書室各八間廚房二間墜壁圍垣以爲觀美自王君迄薛君相代而後落成其規模極爲壯麗然其地本爲社稷壇餘址下多古塚當時未悉原委俾死者不甯於幽宮生者時病於安宅予聞而憫焉諮諸邑人則謂科再不售皆咎書院之山向水法或有乖舛

予謂形家者言予所未習且亦不深信然楚語云少皞氏之衰民神雜糅爲巫史此古史所戒也將舍其舊而新是謀會又攝任他往閱歲至乙亥孟冬乃再莅茲邑聞輿論言城北金榜山爽塏寬平巖峰卓雲江流繞帶再三往視雖不習堪輿亦覺其水木明瑟也乃首捐三百金而邑之僚屬紳耆有樂善者亦隨其力不願者弗強也俾堂室相輔庖廁有方仍舊貫而加廓焉庶幾師生均得其所自乙亥至丙子初冬閱歲而竣工又稍爲栽花植樹以爲諸生游息之計將有厚望於諸生非藉爲通聲氣廣交遊地步也昔范文正公少賤孤貧讀書山寺斷壘塊粥以給饗殮然而力學上達卒爲名賢逮其位都將相聞青烏者云其住宅簪纓不絕公不欲一家自私乃舍爲學宮今蘇州府是已吳郡登甲榜冠南宮者甲於天下人皆感公之大公無私而公之子孫雖不皆籍

渠縣志

卷十二 文徵志八上

六十

渠縣平民教養工廠鉛印部承印
渠縣平民教養工廠鉛印部承印

居於吳亦能繼其箕裘光於史冊可知天之報施善人毫髮不爽而人之不隕穫於貧賤不充詘於富貴又可不自勵與在諸生勉知所嚮而已予何以多言爲是爲記嘉慶二十二年歲次丁丑首夏上浣錢塘吳鼎撰

邑侯黃之瀾重修學宮碑記一首

古者帝王建極首重立學大學之教以格致誠正修爲體以齊治平爲用自天子至於庶人其本一也故自有孔子而大道明千萬世心法治法作君作師必奉以爲極祀於學明所宗也我朝列聖相承崇儒重道天下郡縣莫不建學以端趨向而育賢才渠學據縣志舊在南關外里許明天啓間遷立於城內西隅石子岡前國初邑令仍舊址重建遂定厥基嗣是增繕不一瀾蒞渠有年遵行謁學時祭典禮嘗周覽學宮形

勢爽塏規制未爲盡善兼之日久漸圯因思觀瞻肅則享祀維虔景仰深則鼓勵愈至爰謀諸學博曲公鳴和李公維新進諸紳耆籌畫更修斯文樂奮衆議已協具文稟行諏日興作屬邑老成士董治其事材木土石丹堊之須于于來集自聖人及諸子暨鄉賢名宦例得從祀者咸以類舉而附昭忠祠於西隅其廟中堂廡門階池垣之制俱如度修理經始於庚辰歲季告成於辛巳之秋規模閎深俎豆禮樂肅肅雍雍學制燦然維新矣邑弟子從明倫堂講肄聚課既得所範又以春秋釋奠贊幣奉爵以時習禮置身宮牆以內曠懷美富之觀如聆金聲玉振親炙其間相與觀摩祇礪以致知爲端以力行爲要以存誠爲主以復性爲歸由其性以推人物之性立體達用處爲道德之閑出爲社稷之福於是乎在此聖天子建學意也抑有司所當以時贊理者也爰記學之

渠縣志

卷十二 文徵志八上

六十一

渠縣平民教養工廠鉛印部承印
渠縣平民教養工廠鉛印部承印

所由成並列次捐輸之義以昭盛典而告來哲焉謹序道光四年甲申四月上浣之吉

邑侯王衍慶昭忠祠碑一首

人之死生亦大矣輕或比於鴻毛重則等於泰山人孰無死要惟輕重之辨明而死得其所則雖死猶生也自奸民劉之協等倡立邪教鼓惑愚民醜類既多遂作不靖致川楚匪效尤大肆猖獗我皇上十全偉烈震爍古今爰集雄師分投征討而各州縣忠義之士亦莫不集團練礪戈矛共效同仇以衛社稷迨至勁旅雲集狂寇永消川楚豫秦重觀甯謐而其間之捐軀殉難者亦已夥矣渠爲四路衝衢蹂躪尤甚教匪徐添德王三槐及股匪羅其清冉文儔等常挾數萬之衆或往來梭織或盤踞境內四處焚掠各義民激於公憤併力殺賊七年之內或爲流

矢所中命掩泉臺或爲刀劍所傷魂歸長夜即至婦人女子不幸被執亦莫不罵賊不屈甘蹈白刃以全其節此而任其湮沒不彰非所以維人心厚風俗也欽惟我皇上憫念忠魂特錫曠典令各州縣查明被殺義勇立祠昭忠余適承乏渠邑恭承巽命爰集紳耆共襄義舉擇儒學西偏隙地建祠三楹閱兩月而工告竣謹將陣亡鄉勇列位於中其各義民烈婦罵賊不屈者分別左右而醮祭之嗚呼我國家承平百餘年矣樂育人材培養士氣教化之行入人者深一時士大夫効忠宣力畢命疆場者指不勝屈降及愚夫愚婦亦皆明於大義慷慨激昂以捐其生此真風俗之厚也人心之淳也其人雖死而上承恩綸下享禮祀忠孝節義之稱垂之千載而不朽亦可謂功在當時名在後世者矣雖謂至今不死焉可也

邑侯王衍慶新修渠江書院碑記一首

嘉慶壬戌秋予奉委權渠篆祇謁文廟後以時接見諸生詢書院所在僉曰邑舊無書院雖設義學延師主講時而佛寺時而奎閣時而文昌宮蓋未有一定之所也予聞而慨然曰書院爲興賢育才之地遷徙靡常則士心靡定其何以成德達材乎當亟思所以修之顧時當教匪蹂躪之後民力凋敝軍差未甯無從措理不得不視爲緩圖迨烽烟旣靜士民安堵予又調補南充其事遂寢泊戊辰復攝茲邑則前署事葉公銘齋以邑中公項盈餘稟請各大憲批發准修矣予乃諭集紳士相度形勢得地於城南里許銅魚洲之西岸象旣文明址復寬平隨委生監張樹德孫紹徽唐作範熊烈督工修建時己巳嘉平旣望八日也次年春予受代去薛公吉人來迄其事暨予三視渠事則見修成後堂三楹

中講堂三楹前禮門三楹外頭門三楹左右書室各八間廚房各一間環以磚牆蔽以照壁窗明几淨境僻塵清眞士子藏修游息之所也落成之際葉薛二公既與予各顏其堂與門矣予復取大學八條目之旨反論語四科程材之意揭長聯於講堂以示獎勸而董事及肄業生童咸謂是役也肇從前未有之基啓將來人文之運是不可以不記予維先王興學立教敦本茂實處則有守出則有爲未嘗試科舉考經義校詩賦論策如後世也然後世之所以爲此者亦曰使之推其平日所學載之於言以覘其所蘊爾夫苟能推其所蘊其於古人坐言起行之意豈不尙庶幾哉顧必師道立然後善人多今此書院雖成而膏火無貲尙未足廣作育之化官斯土者宜思所以裕之慎選師儒嚴立課程使渠邑人文駸駸日上他日觀國之光咸利用賓於王家焉斯書院不爲

渠縣志

卷十二

文徵志八上

六十三

渠縣平民教養工廠鉛印部承印

虛設也夫嘉慶庚午季冬記

邑侯何愷棠試院旂竿碑記一首

渠邑試院與文廟宮牆近接拓地廣數畝號舍宏敞堂室深邃規模廓如也初始於道光甲午迺前縣尹王公椿源募貲修建其庇蔭士類之意固周而門前旂竿缺如卒未臻於美備過而目之者以爲憾同治壬戌予奉檄攝篆莅任後風鶴頻警方留心捍禦築城堵隘諸要務迫以相責於培植文風未遑暇及逾數月川東一律肅清始舉行童子試觀佳士之如林輒思爲國樹人之計欲補王公所未及藉以壯巨觀而培士氣適有渠西范文先者舊植喬木森森願備採擇爰飭工度木斷而成材兩越月而歲事施以丹雘雙柱插空旂斗鸞舉非徒飾觀美已也異日者青雲共登丹梯直上予於渠人士有厚望焉同治二年歲在癸

亥孟冬之吉知渠縣事桂林何慶恩記邑拔貢生金傳培書丹
邑侯何愷棠增修城垣碑記一首

渠爲古宕渠郡地當東北之衝土瘠而民貧西北多山而東南多水潛水繞城下東南流其城背山面河西北跨石子岡之脊因其坡坳以爲堞卑者僅逾丈高者亦不過丈餘周城可四里城內皆民宅惟中正一条街通商賈焉據縣志明正德八年鄧藍氛熾縣令甘澤翔建迨獻逆之亂三燬於賊遂曠無居人叢木拱把虎豹時時游城中官民皆寨居至康熙二年癸卯縣尹雷公始奉檄修治因其舊者三之二而補綴之至四年乙巳始告竣邑孝廉李鶴汀大尹實記之嗣是以來雖歷有營度亦不過因陋就簡補苴罅漏蓋國家之承平久矣同治初元壬戌予庖篆茲邑始至遍閱城垣見其卑陋惄然憂之乃札記其數集邑父老而

渠縣志

卷十二

文徵志八上

六十四

渠縣平民教養工廠鉛印部承印
渠縣平民教養工廠鉛印部承印

商度焉咸以費無所出先是因招勇練團勸富民捐頗踴躍已集有成數予以城防爲尤要乃就其中提銀若干鳩工庀材屬老成士董其事伐石於山卑者崇之週遭各加五尺或三尺不等其睥睨千餘相去僅尺有咫又狹其竅守陴者無所障且難施力乃約之得八百有奇少拓其禁口而守望便矣其內牆闕者數尺狹者或不盈三尺皆土非石或傾圮聞咸豐辛酉曹逆踞吳市城中人立風雪泥淖中幾兩閱月殊堪憫惻於是徧鋪石板作馳道而以大石甃其內立偏廈四十間俾守者有所休息城東南因河爲濠其西北舊有溝達於河因而治之深廣相稱事半而功可倍共費錢若干緡論者以爲渠城西枕高山後溪溝環其下東臨潛水以爲池惟南北稍夷耳若北柵高巖頭南據高石坎而守之則根本可以無虞又城垣雖增而麗譙未升通文門須築一水城

以通汲道然所費不貲而瓜期將屆此皆予有志未逮而期諸後人者也他若造軍械製旗幟鑄炮位募勇禦賊安民保境其費皆出之渠民其事皆職所當爲而何多述焉且吾嘗偕一二文士登城遠眺八濛之山皆可指數張桓侯之故壘在焉雖紀功之碑已不存而馬躍之溪固在其矛馬所至出人意料之概猶可想見東撫潛水思虞雍公之治績猶有存者北望龍驤山愾然永慕馮車騎之功烈士人至今廟祀之乃予自己未籤發來川庚申辛酉兩轉南北餉壬戌四月攝斯篆亦若王黃州之記竹樓四年之間奔走不暇未知明年又在何處不禁感慨係之矣昔諸葛公治蜀道塗傳舍皆以時修治而叔孫昭子之晉雖一日必葺其牆屋去之如始至予萬不敢企古人惟冀渠之父老子弟毋忘在在苻之憂一乃心力趨公嚮義以幾衆志成城予雖在遠心茲慰矣奚

止修城垣已哉是爲記

邑侯何愷棠重修棲留所碑記一首

國家子惠元元又安兆庶無一夫不得其所其孤貧之老而無告者則設養濟院以贍之月有餼人有籍掌之官司而以時稽其出入之數法至善矣然流離顛沛之人不與焉此棲留所之設所不能已也渠爲川東北孔道叩門乞食之徒貿貿然來往往無所托足寒暑燥濕之不時則疾疫天札或干天地之和附城向有棲留所一區咸豐辛酉曹逆犯境遂付一炬余心惻然及攝篆之明年庶務粗舉乃致紳耆而商度焉首捐三十金以爲之倡于是捐助糜集即舊地而少拓之爲室六間輔以兩廊繚以周垣共費錢百數十緡又慮後此之或漫無稽查也則委其事於約保而官司亦時一巡之俾不至容奸而止復存三十六金歸

水城款內收息爲諸務費嗟乎昔杜陵茅屋爲秋風所破猶思廣廈萬間以大庇天下寒士予之爲此不幾貽笑大方乎因援筆而爲之記同治甲子花朝後十日桂林何慶恩書

邑侯何愷棠梯雲關碑記一首

流江向無關卡有之自梯雲關始方同治改元予承乏茲土適有風鶴之警邦人士懲往歲蹂躪咸惴惴然予惟坎之豕曰地險山川邱陵也王公設險以守其國我有四封而詰其盜何故不可乃相度地勢於雲霧山之足得隘焉募建關者於是土人邱某捐費若干不匝月告成層樓雉堞崇墉煥然可一夫當之矣爲顏曰梯雲且題其額曰威鎮渠東予喜邱之能急公也然邱非素封者世豈無卓犖其人乎夫莫爲之前雖美弗彰莫爲之後雖善弗繼後之人有舉莫廢踵事增華雖什伯於

渠縣志

卷十二 文徵志八上

六十六

渠縣平民教養工廠鉛印部承印

今可也援筆記之以爲慕義者勸

附後記余既記梯雲關之冬因公巡歷見其樓櫓垣墉未臻妥善不足以

壯聲威而資鞏固豈限於財歟抑董事者未得其人歟是予之責也乃捐廉若干委老成士重爲補葺夫而後堅固可守無慮風雨漂搖矣癸亥仲冬桂林何慶恩重記

邑侯何愷棠永清關碑記一首

環渠皆山也渡潛江東行六十里而遙有山焉縣互千餘里突兀峻嶒不可以尋丈計登其巔則一覽衆山小矣地界渠大之間土人名之曰雲霧山腰有逕紆曲羊腸爲梁大雲萬孔道渠東之總隘也設關焉名之曰永清夫渠巖邑也自范史郡國志已有宕渠郡其後沿革不一予意張桓侯之所暗鳴而叱咤馮車騎王子均之所嬉娛而鈞游當必有存者乃嘗因公巡歷欲求其彷彿而皆不可得蓋歷年亦已久矣方今四海一家雖小醜時有竊發固無煩過計然重門擊析勇夫重閉之謂

何未雨之綢繆亦守在四境之義歟虎牢戍而鄭服邗溝城而吳強其明著也若張孟陽之銘劍閣豈所語於盛世哉是役也捐修之者文童鄭某也例得書

邑侯何愷棠紀凱關碑記一首

同治壬戌之秋予攝篆流江適謀報曹逆自梁大回竄已及竹陽矣予恐其搖蕩疆場震驚人民也乃整飭健兒督率團練踰渠境而東禦之蒲苞山之阻與張補詩觀察互爲犄角相拒數十日屢報斬獲曹逆遂宵遁渠民賴以安堵顧往來必經李子埡地爲雲霧山上游險而多阻夾道十餘里無殊二陵風雨焉予以其地上可走東鄉達縣下可通大竹梁山固渠東一要害也坎之彖曰重險阻而守之則東道可以無虞扼吭拊背其在斯乎於是監生某捐修頭關武生某捐修二關三關名

渠縣志

卷十二

文徵志八上

六十七

渠縣平民教養工廠鉛印部承印
渠縣平民教養工廠鉛印部承印

曰紀凱且題曰玉壘風清爲渠民幸且紀事也雖然李周諸逆皆已授首而曹逆猶羈天誅川民尙難安枕擒賊擒王之謂何紀凱之名用誌吾愧且作他日之券焉

邑渠何愷棠雷火關碑記一首

渠之涼風埡地當東南之衝設關焉名之曰雷火紀地也題其額曰葑屋豐亨誌祝也旣成予乃記之曰親民之吏其未可苟安也哉豐之彖曰明以動故豐其象曰雷電皆至君子以折獄致刑謂必如電之明如雷之威而後獄可折刑可致也非然者不明則動無所之非動則明無所用此交困之道也故豐之大壯曰有孚發若吉豐之革曰來章有慶譽吉蓋二得明之正五爲動之中交相爲用斯福慶集於已聲譽聞於人而有豐亨之象矣若僅豐其屋則必至三歲不覲焉今四方多故爲

民上者當如陶士行之朝暮運甓祖士雅之擊楫中流明而動不敢晦而休卽戴星猶恐不給遑曰鳴琴而理不下堂而治乎予不敏無德以及渠人因名關以自勗其捐修之者監生某某也

邑侯何愷棠摹刊流江保障額記

壬戌閏八月癸巳曹逆自蒲苞山宵遁余始由防所凱撤士民喜藩籬之無恙也羣以前四字題堂皇紀實耶徒滋慙慙耳今春水城告竣佈置所及兼資捍衛爰倩選拔貢士金遂生法家摹鑄崖面亦曰余所遜謝未遑者惟茲城奠如磐石庶當之無媿云爾同治上元甲子孟春之吉桂林何慶恩記

邑侯何愷棠洗硯池碑陰記

渠邑大悲閣在石子岡下側有池廣不盈丈爲帝君洗硯池道藏文昌

渠縣志

卷十二

文徵志八上

六十八

渠縣平民教養工廠鉛印部承印

化書載帝君常停鸞石子岡舊傳卽此康熙中縣尹侯公承塿始立碑以表之歲久碑圯詩碣尙存然池之淤塞久矣夫帝君之靈昭昭也贈姚萇以如意迎唐僖以白驃與夫李商隱之詩孫樵之文載在典籍非可誣也今則廟貌遍天下升中祀與至聖並尊彼拘墟者顧猶以爲渺茫乎同治壬戌余攝篆流江觀廟貌之尊嚴感勝蹟之湮廢迺濬而新之重摹立石而紀其陰亦曰有其舉之莫敢廢也後之人以時修治勿令蕪穢庶池水常盈菁莪斯茂其所係豈淺鮮哉同治二年歲在癸亥暮春之吉立石

邑侯王蘭三瑯琊場補修禹廟碑記一首

古之有功德於民者則祀之以崇德也以報功也夫夏王之明德遠矣平成之功九州攸同萬世永賴天下後世皆當祀之獨蜀人乎哉獨蜀

人之籍楚者哉余籍隸楚北自辛酉入蜀歷知縣事蜀中城鄉市鎮多修禹廟時奉祀皆楚人所建余逢朔望必恭謁之隆祀典亦以敦梓社也竊嘗思之南條之水江漢爲大江漢發源岷山夔門以下九江分派受患者荆岳諸州漢水發源嶓冢漢中以下滄浪三澨波流澎湃受患者漢沔諸州江漢不治荆岳漢沔民其魚乎則治水之功被於全楚者甚大楚人之祀禹廟其以是歟殊不知始自何人惟有缺二字至今不改則千百載其將相沿而祀之歟是未可知也壬申夏余復攝篆流江古宕渠地也邑南瑯琊場舊有禹王宮年久圯壞紳首等將議勸貲重修請序於余以爲之倡余以欣然弁數言於首襄事者其知所勸勉共成盛舉功成而勒諸石以誌不朽余於諸公有厚望焉是爲序

邑侯吉達善義塚碑記一首

渠縣志

卷十二 文徵志八上

六十九

渠縣平民教養工廠鉛印部承印
渠縣平民教養工廠鉛印部承印

蓋聞鬼者歸也無所歸兮堪憫義者宜也合乎宜者必行我皇上樂育羣生澤淪枯骨德恩洋溢普萬彙以調和闔悌覃敷無一夫之不獲誠念死後饑夫罔非生前蒼赤故施仁政於鰥寡孤獨猶加意於掩骸埋鬻此所以妖厲不興兆民樂業也彼夫他鄉遊子異地貧民囊無繫蟻之絲廚鮮聚蠅之粒杜鵑啼盡難甦望帝之魂精衛啣殘奚補窮桑之壑數百里曠野平疇誰假石槨普天下殘山剩水莫卜佳城新鬼含冤望川原而欲泣游魂無主依草木以深悲義塚之設詎可已乎嗟乎古人不弁蓋帷恩尙及於犬馬今豈愬然溝壑食竟聽諸狐狸鼯鼠飲河不過滿腹鷓鴣棲樹只借一枝明知人生不到百年家富難延三世乃有磴客成性慳僻爲懷見義不施一錢遇事罔破一鈔予甚惑焉今者二三父老率厥鄉人念纍纍之孤墳爰倡義舉慨憐憐之青火共結善

緣一杯之土無多疇嫌馬鬣三尺之軀何有己正孤邱北嶺南山墓田相望秋霜春露浩劫同歸從此花發棠梨鬼少夜臺之哭風飄楊柳羣歸薤露之原幽魄於以相安旱魃無能爲虐是皆涵濡聖化鼓舞作興羣相與以有成也肉白骨而無方我心滋憾導黃泉以有路衆志堪嘉用寄數言疏爲短引勉副諸生之請以揚一邑之休備列芳名永垂奕世道光六年歲次丙戌清明前三日

邑侯朱菽原三匯鎮新設義學碑記一首

易曰蒙以養正聖功也古人培植人材必自幼學始禮經所載詳哉言之矣渠邑自道光四年奉制府檄設鄉學以教童蒙子弟之無力從師者次第建立二十餘所規制略具六年春予始蒞茲土因公至三匯鎮見其闐闐稠密戶口繁庶爲一邑巨鎮而鄉學之制闕然未舉心以爲

渠縣志

卷十二

文徵志八上

七十

渠縣平民教養工廠鉛印部承印

歉爰與署分縣事秀水錢君謀各捐俸以爲之倡而出鎮民所入充公之資以佐之於是諸人士同心樂善量力捐輸合計得錢三百餘千經理生息以爲延師修脯之資而匯鎮舊有書院一區設館其中俾閭里子弟咸受業焉事 錢君請爲之記予謂今人材非不古若也而教學之法與古異古時白家塾黨庠 序莫不有學而其爲教也自十年出就外傳以至於二十學禮始於童 終於大成夫子言弟子入孝出弟謹信汎愛親仁而終之以學文蓋 兼修不容偏廢也匯鎮居渠邑上游山水明秀當必有俊髦穎異之 出乎其中使爲之教者以行爲本以文爲輔母雜於歧母荒於嬉俾各有所成就上者擢科名登顯仕明體達用備國家任使之材次亦讀書明理循謹修飭不失爲鄉黨善士則鄉學之設其有裨斯文者不淺而於大府樂育之意爲無負也繼

自今慎守成規永遠無怠且益擴而充之是則予與錢君之願也夫是爲記賜進士出身文林郎知渠縣事侯官朱錫穀撰道光七年丁亥冬月中浣

邑侯王介屏承恩橋碑序一首

古主者憲天勤民辰角見而除道天根見而成梁故夏令曰九月除道十月成梁此先王所以不用財賄而廣施德於天下也道光二十五年恭逢皇太后萬壽恩詔內開載各省道路橋梁間有損壞者著地方官查明修理以利行旅煌煌天語澤周細民誠盛典矣予再莅流江百廢粗舉日與父老子弟宣朝廷之德意以相安於年豐人樂之餘亦長吏之職則然即偶有興作不敢勞民費財而事之不能任其廢而不舉者則惟藉邑人士贊勳之力爲多渠之安仁理土溪市俯臨大江側環二

渠縣志

卷十一 文徵志八上

七十一

渠縣平民教養工廠鉛印部承印

溪均有橋庚子夏水潦爲害損其一地當要道民皆病涉爰捐俸興工命邑廩生劉君炳勳趙君炳楠等董其役時內江司訓邑舉人楊君蔚起聞斯舉而義之亦捐俸犒工督理勤勞欣助有人閱數月而葺其事石工堅固永垂不朽因名之曰承恩橋所以宣德意便行旅也劉生等欲得余言以壽諸石使知是橋所由起是橋所由成庶幾免於孟子小惠之譏而長吏之職在濟人者亦得以稍盡其心也夫是爲序知渠縣事即補知州世襲恩騎尉山西靈石王椿源撰時道光二十七年丁未仲春

雷撫謙重修三教寺碑記一首

禮義城後

門徑路可通渠邑東北界勝地也碑載建自寶祐年間第命名禮義不

知何取惟石廟前明萬曆己卯年陳從宗所撰碑記內天生英雄胡公
練使威雄莫測功德難名嗎王莫能敵諡鎮國將軍後被讒議失其統
緒城棄荒頽數語其詳無從攷也越本朝初年流寇數千踞城肆虐左
右士民同心協力雖當兵戈擾攘猶循禮義又堅保城側之斌山寨其
附近諸寨亦切同仇乃走川北鎮請師擊散羣賊地方安堵文教振興
古云禮義作城池即後倣前當日城名禮義或者因此至城上之神建
殿宇俾載故城後有僧了一自安岳縣天台寺飛錫此山傳僧常德置
買田地招募徒衆立廟塑像暮鼓晨鍾佛教也而未及儒與道獨城之
絕頂處有祠中如來左孔子右老君像皆石刻此三教所以名也數百
年來台閣興廢不常聖容倒壞不堪常住田地售當者幾主有衆山主
於乾隆七年招禪僧貫六空方等到寺清理常住將前田地之售當者

渠縣志

卷十二

文志徵八上
文志徵八上

七十二

渠縣平民教養工廠鉛印部承印
渠縣平民教養工廠鉛印部承印

捐資贖取殿宇之漏爛者培補如舊重新三教神祠但思三教中惟儒
教正中平易有如日月經天江河行地所以尊崇至聖先師自京師
及各省會郡邑皆立學宮春秋祭享典重禮隆不與一切象教同視今
禮義城寺僧本屬釋門乃重振三教祠宇可見教門雖異儒理實兼乎
釋道不能易空虛寂滅之說而務親義序別返導引胎息之功而事理
樂農桑俗習正風化純儒釋道三教一而三三而一者也其爲世道計
豈小補哉廟工既畢始勒碑記資助衆姓名及常住四至向予商叙予
里人也間閱廟之殘碑合之傳聞因揣城所由名並重新廟貌及三教
合一之理撰文付僧庶後之履斯山者稍識顛末毋虛冒三教之名矣
故爲是序

邑廣文任獄板橋場玉蟾寺碑文一首

今夫善之一道自元運以來遵行於世久矣儒之後有釋釋之清淨儒者逃之儒之通曉釋者附焉然以行善雖分爲門亦互爲用者儒爲釋之籍資爲釋之護法吾儒亦多資其志志以轉通於幻冥之所不及總之以檀宇爲寶地以香火爲尊禮尤以代有英豪信善俾佛日法輪得以垂休於勿替張姓邑中宦旗也是利載在郡志乃其佛堂果山勢俊逸如七寶層臺殿門峻橫如琉璃錯繡時有煙雲映帶旌旆馳驅是一勝境也宜其善果流芳英耆代著纍纍若若振振繩繩有若花封崛起諱賢公者繼則別駕郎漢英公蜀佐諱綸公焉至若飛聲膠庠重重金粟若鉦公又梧公又孔心公先後蟬聯冠裳彌旗想亦地靈之符券也若夫生員文繡之父諱於鼎公者抑又異焉不拘局於縹緗世業而出入士林之中娑婆涅槃之內凡如來真實義津津悉解之而祖功宗德

渠縣志

卷十二

文徵志八上

七十三

渠縣平民教養工廠鉛印部承印

翹然再振白衣大悲世尊中最爲靈應震海潮音甚深微妙共稱百千萬劫難遇者公於五即佗羅皈依不替因建金衣法象炬赫聲嚴傳光明燈以頂禮之且慮其難繼置逸士數畹施爲常住俾緇剃有所籍而香火永興地天同其久焉所以善念靈承瑞徵丕著早有奇偉之孫發爲先兆此後日之靈仍當未有艾也於時縣二韓公仕俊擢鎮平縣令一見而異之更其名曰鵬起噫嘻其九萬之翮耶三摩之靈耶鼎公之德遠紹前輝鼎公之胤箕裘萬禩矣因贅兩陰以志不朽其一爾祖心田即福田從來不惜買山錢於今種得藍田玉豈是當年學問禪其二泗水濱頭覓己田貽謀不用好官錢慶餘自是流芳遠豈盡當空究五禪

邑二尹袁桐材新修匯鎮衙神祠碑記一首

三滙在渠北九十里其北爲巴江自通江南江巴州流入其東爲渠江自太平東鄉達州流入其南爲清江自梁山太竹諸山流入皆滙於鎮前而鎮以名焉鎮之上舊建有官署邑之丞嘗分駐於此其間商賈輻輳財物殷繁通園帶闡鱗次數里許其下則舳舻數十百艘絲巨江滄上下艤船往來如織亦衝要區也居是官者非輯睦其人民懷柔其實旅譏察其關隘偵緝其盜賊而顧欲百廢之俱舉也豈不難哉余自辛卯夏蒞任茲土利者興弊者革晨興夜寐惟以此意爲兢兢署之東有衙神祠爲嘉慶甲子前任沈秀水宗惠所創建歲久傾圮制亦卑狹而樂樓廊舍尤闕馬未備意欲張大之未遑也去年秋徇里人之請乃因舊址而拓新之重修大殿三間樂樓一座東西兩廊各一間且塗以丹漆砌以磚石金碧輝煌煥然改觀則庶乎可以安神靈矣夫力役每患

渠縣志

卷十二

文徵志八上

七十四

渠縣平民教養工廠鉛印部承印

其過勞而土木恆虞其大侈今是舉也工不官役物皆和估經始於戊戌秋落成於己亥夏共計費若干有奇非所謂民之不勞財之不傷者乎後之涖斯土者歲時禱祀補葺維殷踵事增華罔或廢墜是則余之厚幸也夫

湯宗何太平寺社田序一首

從來在古爲良法沿之爲弊政大利之所存害或乘之故先王美意之所昭拘而泥之鮮有不遺患於閭里是豈立法之未善哉誠以一傳再傳法久弊生所貴變而通之神而明之存乎其人也今渠邑東太平寺設有社倉多歷年所是亦師仿常平社義之遺意其爲利誠普矣第其掌監收放設有社首每年痞爛鼠耗惟社首是問或有停倉或有民歎其本未亦惟社首是賠又何嘗非責成專一審記不紛之道無如痞爛

鼠耗或墊賠無多至於年豐而放不出民窮而收不給則墊賠難矣每春當之者多則墊賠百多金少或數十金閭年苦之今有社首陳師德楚聯第等共議七保人捐貲買業收租以爲墊賠之用會首共放共收庶使良法無弊利乎民不害乎民矣是爲序

邑廣文陳偉元補修二郎廟碑記一首

予曩司訓渠江暢遊澣渡鄉由帽盒寨至閻氏祠見山洄傑起一峯岿嶒岫岬心竊異之鄉人告予曰此二廊廟也昔獻逆蹂躪田野荒蕪土人治地得二郎神像一尊立廟祀之並附祀諸神何以二廊名者溯其初也二廊爲秦蜀守李冰之子勝國封承續敷惠英顯王廟祀兩川靈蹟在灌口渠人之兢兢崇祀者豈非以蜀都賦云指渠口以爲云門今渠水入涪之處曰渠河口曰雲門鎮淘渾筓堰之功是父是子膏澤流

渠縣志

卷十二

文徵志八上

七十五

渠縣平民教養工廠鉛印部承印
渠縣平民教養工廠鉛印部承印

衍歟慨嘆久之旋奉檄委別去歲戊午門人郭布洲以狀來告重託修葺董其事者等創捐於前各壇信士樂施於後丹雘黝堊閱三

年而告成則庚申夏也復郵書請記蓋能辭予按神所以伸也氣之揚者也鬼歸也魄之陰者也氣盛則發揚詡物魄死則五行不相沴自民國成立以來風聲鶴淚草木皆兵人方濡首遯尾置理亂於不聞而諸君子獨能肩勞任怨冒斧鑕而弗避非徒自苦也蓋欲假清靜地爲安樂窩亦有二三老成人相與存心養性虐緣葆真其少壯者可使有勇知方暇則討論漢宋元明忠佞賢奸之事蹟藉以激厲善良以蘄至於神武不殺而後已然則斯廟也匪特報神之功抑將以迎善氣係人心而不徒區區香燈禪板之爲也嗟乎予固至渠者

丁亥初秉鐸壬辰再至戊戌由浙歸迂道

盤桓數日

今老矣猶能濡筆文章導揚盛美孰使之然哉孔子曰鬼神之爲

德其盛矣乎願與渠人士董修而交勉之

余禹門澣渡場文昌宮義學館碑記一首

竊聞聖不可知之謂神其靈妙無端者乎文昌帝君聖而神者也神之靈緣人心之靈爲之有是心卽有是神無是心卽無是神此子思所謂不誠無物者詎徒以迹象求之耶雖然至誠如神惟至誠性與天合故心與神通其次或必有所憑藉而始伸其誠敬因不徒以象求之而迹象間亦未始不足以肖觀瞻也茲澣市義學館中諸君子倡首募化裝塑神象成商序於予予曰此公善也此義舉也此爲神聖之所爲庇蔭而諸生之所爲目擊而心懾者也遂援筆而爲之記

邑侯李良齋重修文峯塔碑記一首

余自河北令渠邑公事之暇每相與遡渠中人文觀雁塔及邑乘所載

渠縣志

卷十二 文徵志八上

七十六

渠縣平民教養工廠鉛印部承印

自宋洎明科甲蓋極盛焉於今不無少歇何古今人不相及也詢之僉云城東山之巔舊有古塔爲學宮文筆自頃圯後風水遂不振理或有徵余苦薄書競競未遑他及然事關文教苟有可培成俾我爲之是亦一快也爰捐俸貲鳩工鑿石不匝旬而告成遂崢嶸有起色焉乃顏之名曰起文塔亦願制科諸好友及將來人士相與觀勉蟬聯甲乙從茲蔚起以繼當年人文之盛庶於文治有小補云

邑廣文吳照白水溪橋碑記一首

白水溪爲宕渠八景之一志所稱龍湫瀑布者是也其上自雲霧諸山蜿蜒而來層峯高聳巖石曲盤其腰有洞焉廣丈餘深不可測水色瑩白清冷異常飛流爲瀑布晶簾百丈實一邑巨觀左右漑稻畝以億萬計其下則爲白水溪西南流入渠江溪之上爲巴綏廣岳道之所經往

來絡繹厲揭者苦之前人建立木橋以資利濟屢修屢廢爰有唐太和
廖宣文等議建石橋廣爲募捐興工於丙申夏落成於丁酉冬跨河六
丈六尺高三丈八尺橫二丈二尺縱四十二丈共計木石土工費八千
二百餘緡越年暑雨驟至土石欹斜重加補葺始極完固又計費六百
八十餘緡由是向之褻裳致咏者今則砥矢興歌矣而君子小人胥慶
視履旋吉矣余丁酉司鐸適是橋告竣嘗隨諸同寅覽其規模按其形
勢題贊云渠江之側白水之濱鼉梁始駕雁齒初新旣堅且固亦樸而
淳於萬斯年惠此行人蓋紀實也今年春因公至林壩場首事等屬余
爲記余嘗聞泰山不讓土壤故能成其高河海不擇細流故能就其深
今茲役之興工繁費鉅合百千人共爲之實二三人首倡之則斯橋也
固諸君子之樂善不倦而亦諸君子之措置有方異日者舟楫王庭澤

渠縣志

卷十一 文徵志八上

七十七

渠縣平民教養工廠鉛印部承印
渠縣平民教養工廠鉛印部承印

濟蒼生固可爲諸君子卜之也已乃綜其巔末而勒諸石凡捐貲姓氏
例得並書焉己卯科舉人渠縣教諭晉熙吳照南廣氏撰

長沙羅尙書源漢禹廟碑序一首

余自祕省參樞要一切外務未遑及也辛酉夏吾里張中書世溥走書

告余曰溥因丁內艱缺王事迂道渠邑之李渡鎮風俗缺二而吾楚之

居渠者缺立修禹王宮爲公家廟凡以敦睦桑梓因以不忘於楚而有

歸楚之志歟旣屬序於張子復欲緣張子以缺思禹王之平地成天恩

庇萬禩非獨一時一方之澤也論者謂公高五帝道冠百王蕩蕩乎與

天地同一罔極固矣而吾獨深有慨焉當夫洪水泛溢禹乃承帝咨而

參身其間缺而且旰食宵衣久旅忘家蓋君父之思忠孝之積急欲九

州底績報其君因以酬其父故孔子無間之稱必推本其孝於鬼神而

後知受禪而王廟食自世有不僅治水神功在人齒頰間也今吾楚人遷居異地猶然行梓里之祀典而歲時期會藉之以寫和好諒於入廟展敬之際必有油然感諸心者發而爲忠孝之行余未嘗居渠甚願吾楚之居渠者俱有聲於楚也余雖不能至渠然有以知吾楚之居渠者必不忘於其本也或名顯榮封歸祭其楚宗祖或利積豐亨言返其楚之故區此余所日夜切切冀之者夫生聖天子之宇下者俱關變理彼渠人士既遠托桑梓之誠又何可不於樞要而一及之至於首士等之經營祠宇樓臺之壯麗與夫誼聯氣洽足以安神靈而爲人文蔚發之祥應已盡乎紀年述事碑序中毋庸余贅誥授光祿大夫太子太保都察院掌院都御史前兵部尙書長沙羅源漢撰

黃州李映蓮瑯琊場禹王宮奉祀濂溪夫子碑記一首

渠縣志

卷十二

文徵志八上

七十八

渠縣平民教養工廠鉛印部承印

粵稽天地定位以來其彌布兩間者道而已矣道常在天地而不息而行之者必有待於聖人故唐虞有堯舜夏商周三代有禹湯文武周公及周末春秋戰國我孔子孟子出焉皆體備乎道有功斯世祀典宜及者也嗣後秦漢兩晉以及五代隋唐間雖名儒迭出非語焉不精卽擇焉不詳孰則闡性命之旨發精一之傳不失歷代聖賢之道者乎是惟我濂溪夫子一人而已矣夫子初名敦實後避英宗諱改焉遂名敦頤亦號茂叔仕宋政績不一初爲分寧主簿決訊大獄邑人驚曰老吏不如也後調安南司理有囚法當不死轉運使王逵欲深治之夫子力辯不聽遂委缺一字將棄官去曰如此殺人媚人吾不爲也逵悟囚得釋調桂陽令改知南昌凡富家大姓墨吏惡少不獨以得罪於令爲憂而又以污穢善政爲恥歷知南康郡築室於蓮花峯下前有溪合於溢江取

營道所居濂溪以名之濂溪者卽永州府道州西二十里地於是來學者有明道伊川二程子每日再見周茂叔後吟風弄月以歸有吾與點也之意後又有侯氏師聖學於伊川夫子未化詣我夫子對榻夜談越三日乃還伊川驚曰非從周茂叔來耶又考夫子曾爲合州主簿南部縣尙書左丞蒲宗孟見之大悅曰天下有如此異人我見之如青天白日語載川省通志中年五十七而卒卒之歲卽宋神宗甲寅七年之六月也嗟乎我夫子博學力行著太極圖通書明天理之根源究萬物之終始言約而旨遠文質而義精所謂得堯舜禹湯文武周公孔孟之本源繼往開來道賴不墜大有功於當時後世者也况吾楚之人累承夫子教澤豈以移居於蜀而遂忘故土大賢乎故凡散處川中者莫不立廟塑像宗奉不忒今瑯琊場廟貌巍峨像設森嚴春秋祭享祀典維新

渠縣志

卷十二

文徵志八上

七十九

渠縣平民教養工廠鉛印部承印
渠縣平民教養工廠鉛印部承印

極一時之盛則我夫子光風霽月彩耀長天仁見流輝於有象開慧於無窮又豈徒一時之福也哉

傅天乙重修聖廟碑文一首

康熙四年

嘗讀學記有曰發慮憲求善良足以諛聞不足動衆就賢體遠足以動衆未足化民君子如欲化民成俗其必由學則知學之關係人心風俗匪細也渠學宮舊在石子岡頂前明隆慶己巳遷於南郊天啓辛酉復自南郊遷今址未及百年而學已再修矣癸未重九之變賊由西隅毀堞而入學宮燹焉自此以後櫓槍耀彩奎壁沈光青黃赤碧之氣化爲夜月啼鵑不復有橫經虎觀坐皋比而課諸生者幾三十年矣皇清受命懋德右文而渠介北東之隅猶有荏苒震鄰之恐故莅茲者率多塞居歷三尹凡四科雖魁解相仍而未遑議及學宮也雷公

名

鳴

令渠教

養不亞文翁五年百廢俱興既已修復城隍即謀諸國子先生袁公名錫袁曰學以育才明倫國家鉅典矧今仕民胥宇正化民成俗之日而明禋重地荆榛櫛比不惟無以妥先聖之靈將青青子衿何所瞻仰不將棄詩書於草莽埒禮樂於瓦礫乎奚以鼓人心之忠孝而生其良也國子先生肅然敬諾遂與蓮幕張君名述各議捐金共十五兩醵紳衿金共一百八十兩以獻前雷公已捐金三十兩倡之歲十月募役鳩工程材伐木刈厥荆榛徙厥瓦礫中唐之圯者甃之雁齒之傾者葺之三閱月而正殿告成重門洞開複簷高峙規制宏敞視舊日無少異焉則雷公維新之德袁公翊贊之功而張公任勞糾督之惟謹也異日者士敦操尚家詩書而戶禮樂出則黼黻皇猶入則植範鄉閭以無負忠義文獻之舊則士運不振實由今日倡之謏聞動衆云乎哉清闈冗無似敬

渠縣志

卷十二 文徵志八上

八十

渠縣平民教養工廠鉛印部承印

書以爲興廢年表至若聖人之道在天未墜者在人非不律所得盡者置不敢書懼褻也

李鶴汀增修文廟碑文一首 康熙五年

既成學宮於石子岡之原雖堂構垂成而丹堊未施位次草創先後拉雜其於備儀盡制之義蓋闕如也康熙五年春邑侯劉公肇舉典禮來方禋祀將振衰而起廢也乃計其歲得之俸鳩工庀材諸用悉備成風之技畢獻其長刻鳶之良無闕其巧遂使丹雘爭輝棖題煥彩煌煌然若不知前此有灰劫烽燧之日也於斯時也廟貌改觀生徒踴躍將勒石而紀焉劉公曰未也吾聞司牧之責職兼名教今大成殿雖云完美而先賢先儒分獻無所啓聖無祠祭祀闕然是朝廷未克展崇報斯文之典即有司無以爲作養人材之基也於是市輿馬貿服物得金盈百

貨財累千萃彼工材因其舊址建兩祠於文廟之後培兩廡於聖殿之旁各五楹焉自夏徂冬巋然畢峙翬飛鳥革勢連牛斗之間鷗尾龜跌妙奪乾坤之化豈惟新甫徂徠盡出松杉之用亦如嬀嬛宛委將開圖史之藏嗟乎劉公可謂有功於聖門者矣方明之末儒術不進教化凌遲俎豆之區鞠爲茂草士當其時惟流離轉徙以瀕於困耳亦安知所謂文章經學可爲世用者哉今天子崇儒重道俊民聿章而公獨能建學明倫爲朝廷作人造士則古所稱文翁之雅化亦旣釐然畢見於茲矣當其落成爰書於石庶幾不朽昭示來茲

李鶴汀重修城垣碑文一首

維明之季天基其盈孽芽煽動城邑淪陷宕渠界在西陲受害尤烈癸末九月燬於賊丙戌再燬丁亥又燬五年之間刀鋸不得一閒道殣相

渠縣志

卷十二

文徵志八上

八十一

渠縣平民教養工廠鉛印部承印

望閣邑之人無有齟齬幸而存者萬不得一喪亂旣平無家可歸皆設險負嶼暫圖保聚即國朝定鼎之後官吏猶率人民寨居城中虛無人樓櫓敲衰池隍堙塞日傾月圯漸以成墟十有八年城木斯拱豺虎晝見鷓鴣羣啼望而畏之人莫敢至今皇上嗣位之明年乃命中丞佟公來撫蜀郡少保大中丞李公親董六師奠安全蜀遊魂授首蜀疆底定佟公曰予膺簡命輯寧西土凡茲流離胥宜佃而田宅而宅其未寧幹止者還定安集之爾良司牧幸咸副此意符下浹旬則至渠邑邑侯澱川雷公乃集掾吏隸卒師儒紳耆操斧斤控畚鍤以盛夏之月由周家寨放舟而下泊城隈躬自斬刈伐之丁丁旬有五日其址乃見其功無涯費未可貲左右皆難之公獨毅然曰是予之責未可以諉輿馬衣飾細至蒯緱有一可辦者予無靳出而售之得金五百以六月望日鳩工

庀材百役咸集合噪成雷揮汗如雨鼓倡節杵而下者數十百人皆公
自爲餽粥而餉啜之而邑人未之聞也自夏徂秋以王眷南下工少止
明年春二月尋前功會諸上臺各有捐城乃就其爲新築者二百四十
五丈有奇仍而綴之者又三之二逾年而成不煩民力自古以來勞苦
而功高未有若斯之甚者也於是督撫交章紀敘天子嘉之乃命大參
何公案其勞蹟至則灌莽豁然麗譙巍煥鴻雁于飛炊烟漸合賦詩以
贈喜而歸蓋將陟公以酬其瘁矣邑人曰嗟我邦之人萬死而甦邱隴
闐闐分與長辭繫公之力獲處我土盍鑄之石示我子孫俾以世世而
尸祝之公曰無庸誰司民社而復尸功慮不及此聊以語我同事庶其
諒予之衷而成予之志乎蓋父老歡然合辭而頌也其辭曰潛江之水
東向流上有巖邑兮蟠飛樓壁遺鎬池兮祖龍去烟燹蔽天兮蟠我邑

渠縣志

卷十二 文徵志八上

八十二

渠縣平民教養工廠鉛印部承印
渠縣平民教養工廠鉛印部承印

而成坵我邑旣蟠兮我民散我民散兮見麋鹿之書遊忽見慈父兮姓
惟雷欝車露冕中州來手闢草昧成闡開築成鉅邑宛以迴我民生還
殊不惡葺土編茆還力作同是東西南北人此身幸免填溝壑決策歸
來兮潛之澗自我人居兮有父母惟公之德兮亙萬古

李梅岑平賊碑文一首

甲寅之歲逆藩煽亂川孽彭時亨等附勢蠢動阻隔聲教全川陷失賊
焰鴟張士民其瘵渠邑界在東陲實當孔道兵篋寇梳受害尤烈王師
分道進勦七年之間始克底定於是復置守宰招撫流民勞來還定安
集之先是令渠者任事未幾輒去鴻羽未悉歸鷹眼未盡化也歲閱癸
亥我邑侯北平董公作宰是邦政尙寬和法從簡易士肅兼隅民歌安
宅幾幾乎村無犬吠之驚路靡拾遺之事矣無何廣安劇賊王奇祿彭

時亨餘黨也漏網逋逃與其屬數十人潛匿渠廣間夜聚曉散數爲民害侯多方捕緝擒付獄中已復免脫嘯聚鄉里無賴陰結鄰大渠廣姦人將謀不軌侯偵其出入祕爲疏略申之撫憲深嘉納之將謀委以便宜觀成效而肉食者樂於處堂謬陳招撫之便計沮不行由是奇祿等陽爲就撫陰聚甲兵署印筭旗幟設立將軍以下等官丙寅六月礪牙肆燾於邑之觀音寺聲息轟聞城野震動是時候以公務赴果城中居民不滿百家皆面覩惴惴無所投命僉謀於關帝廟中得籤告吉遂共相約誓守死以待我侯而侯亦已聞息倍道遄歸矣時蓋六月初七日也爾乃諭集近邑居民入城爲守禦計一時雲合響應數日之內團集者近千餘人而守望備矣沿城設立守舖五十餘處舖五人礮二知兵者三人其往來巡警以責紳士及街民之練達老成者而遠近星羅碁

布矣大街通衢責令老弱坐堆相望以防內奸而火燭無虞矣河下則拘刷船隻另置水塘擇捕役之勇健者領之而水陸兼防矣守具初完賊果以是月十三日黎明擁衆薄我城下攻我南門旗幟如林礮聲駭耳雲梯鈎援蜂屯蟻聚我侯躬擐介冑率衆登陴指顧之間礮石交下遂殲渠魁王奇祿於十步之外追斬捕鹵者復數十百人其餘面縛投首自請灰釘者累月未絕侯皆區別魁率罔治協從露布馳聞各憲無不拊手推轂昔虞詡三科以募壯士武穆八日而平湖襄侯之知勇庶幾近之矣是役也雖士民協力各有微勞然我侯倉猝應變之奇與夙昔養士愛民之報不已彰彰可驗哉昭代獎勵循良凡捕盜緝逃皆晉秩紀勞以表尤異而侯獨泯泯士民竊未平焉無敘其平賊之始末勒石來茲使知我侯曲突徙薪之計既效於前而保境息民之功遜膚於

後蓋遠方吏績上達如此其艱而又以悲我侯之遇也
向宣齋邑侯黃公籌捐書院膏火碑文一首

書院之建昉於宋宋有應天嵩陽嶽麓白鹿洞四大書院經義淵源公
輔之器多儲其中然其時未嘗遍立也我朝作人化洽海宇同文自大
學以下諸省府州縣俱立黌宮設官課士弟子員例得入若書院與學
校相輔其錄之也無常例亦無成數師儒以身董之官司以時課之其
教既廣法亦詳且善而書院之建遂遍天下渠邑舊捐租田延師講習
然歷假館廟祠學者弗之便也嘉慶間縣尹葉公稟請大憲創修書院
定基於銅魚洲西岸經薛王兩明府相繼而後告成前任吳公相度形
勢復遷建於北城外金榜山堂室齋廚牆垣仍前布局而規制更覺壯
觀迴峰拱揖流江環抱爽塏閎深真藏修息游勝地也第昔年捐積膏

渠縣志

卷十二

文徵志八上

八十四

渠縣平民教養工廠鉛印部承印

火支費殆盡前官隨課獎予不過數人貧爲力者負笈啓篋未逢太乙
然藜奚堪匡衡鑿壁其何以勸越戊寅黃侯來宰斯土邑人素聞其循
聲樂觀善治已而課書院詢悉舊規慨然自任義形於色集諸生而勗
之曰聞斯邑科甲素盛而寒士較多諸生其務敦行修文爲經世學其
有當培植者余弗辭弗悛爰定正副課籌捐膏火按課分給就其優者
於膏火外更加獎貲數年來作育之意久而彌篤史漢載文翁爲蜀郡
守興學成都市中招子弟從學由是大化學者比於齊魯然則振興文
教固在良有司善道之也學者從事於斯思古聖賢之學所以修己治
人立體達用者豈不可幾及哉道在勉之而已侯之治行如親訪鄉市
懾伏奸猾嚴剔胥役平斷獄訟崇祀神明祈禱晴雨人所稱頌而尤樂
崇斯文如修學宮行賓興皆有功名教書院其一端云邑人戴公之德

爰書籌捐書院膏火諸款勒石以傳久遠是爲記道光三年歲次癸未
十月中浣向璿撰

賈屏山新修攷棚落成碑記一首

朝廷以科名取士其俊秀入於黌序有學署以扁試之其舉於鄉者則
試於棘闈其貢於禮部者則會試於貢院殆即古者司馬三升之遺意
歟要皆號舍犁然鱗次櫛比所謂寸晷風簷爭長矮屋者也至童子初
試於州縣從無考舍之名雖非得失所關然此鵬程發軔之先聲也揆
諸造士之典或者猶以爲未備吾渠僻處山陬遠遜通都大邑然應童
子試者居常三千人向即縣署爲考院每苦渙而無所歸今介屏王老
父師以山右名家來莅茲土下車伊始一以養士愛民爲己任凡邑中
之應興應革者次第舉行近復垂念士子之辛苦銳意興修考舍一區

渠縣志

卷十二 文徵志八上

八十五

渠縣平民教養工廠鉛印部承印
渠縣平民教養工廠鉛印部承印

首捐廉以爲士民倡於是樂捐者奔走偕來輸將恐後共得銀若干兩
買地一廛刻日鳩工百堵皆作其前爲大門規模崇闓次進則儀門三
楹門以內東西列號舍各五楹敞其宇峻其費所以嚮明也案以石取
其堅而能久且省費也坐之礎以木取其煖而適體也而石則磨礱之
木則刮摩之大約可坐二千人恆不滿再上爲大堂其後爲二堂爲寢
室爲廊房側室制度咸相稱其餘庖福藩溷靡不畢具外則繚以周垣
甃以文石旣壯且固無畏風雨漂搖矣經始於甲午二月落成於乙未
三月歷期年而工竣共費銀若干兩蓋事因公故易舉又重以邑侯養
士愛民之精心故邑人樂觀厥成董其役者爲文生陳君等凡簿書之
會計錢穀之支收均與有勞焉其地在西南一隅於八卦方位屬坤易
曰致役乎坤役者養也言涵養萬物以向於實也又坤之彖辭曰西南

得朋故能含萬物而化光說卦之卒章曰坤爲文爲衆然則取爲興賢育才之地不亦宜乎今春二月舉行歲科兩試邑侯先期入場屆辰諸生畢集鼓吹旣作魚貫而登魚魚雅雅得題歸號含毫吮墨各展一日之長昔人所云下筆春蠶食葉聲雖小大殊致亦庶幾近之以視向之渙而無歸者迴不侔矣蔚然大觀哉雖然此千載一時也諸生幸生其時列坐其次觀輪奐之美麗仰榱棟之闕深當思朝廷棫樸作人之雅化與宰斯土者成就人才之深心以自勵志於功名毋徒旅進旅退於其間也莊子曰而後乃今培風

賈屏山改古佛寺作義學碑記一首

古佛寺不知朔自何年明季兵燹蕩爲墟莽而殘缺佛像猶存國朝定鼎百廢具興居民某某慨施寺基捐貲募化重修梵宇於是有屋數楹

渠縣志

卷十一 文徵志上

八十六

渠縣平民教養工廠鉛印部承印
渠縣平民教養工廠鉛印部承印

有田十餘畝量其所入足供一二僧托鉢之所特以僻處一隅遠方鎔流所不及爭車塵馬跡所不能到迄今五十餘年巋然尙存焉然而其地爽塏嶺然蹴起如螺旋又近南爲文明之方雖無喬墮之勢而四有望之若環然下則磐石奠之矗立而不搖殆爾雅所謂石山戴土者歟且清流繞其足水從石罅中懸瀉若瀑布恆錚琮作金石鳴高枕而聽之如聽琴筑使更培以大樹數十章修竹數十个亦蔚然奇觀哉舊有僧主之後又易僧而尼爰倡爲釋氏因果之說隕聲梵唱喧闐遠邇西來大意漸滅殆盡矣今幸髡然者胥歸烏有本境好義數人欲即其地設義學即以其產爲延師膏火費以商於予予亟懲思之而其議遂成產無多計每歲租入不過十餘石然歲累之可望積小以高大然則文教之興自今伊始矣異日聘名師主講席生徒濟濟其中大之可以興

行育才以培一方風化小亦明訓誥正點畫不失蒙以養正之功較之異域之教徒事坐食而無益人事者其相去奚翅萬萬耶雖然靡不有初鮮克有終是在經手人毋怠毋私庶幾歷久遠而無弊用誌諸石以告後之董斯役者

賈屏山普安橋碑記一首

天下之利莫大於舟車自服牛乘馬之制興而長轂短轂陸行可以無虞矣自剡木剡木之制興而沂流沿流水行可以無虞矣然如澗溪溝渠之間淺不容桴深可濡軌則惟橋可以通之橋即梁也孟子月十二月輿梁成民未病涉亦王政之一也第橋之制不一按水經注鬪寶之境緬橋相引此即所謂繩橋也而吳越之區艱於石多以木爲之杜牧詩二十四橋明月夜指揚州之紅橋也殆即古者飛閣複道之遺意歟

渠縣志

卷十二 文徵志八上

八十七

渠縣平民教養工廠鉛印部承印

然求其堅而能久者莫如石秦皇遊會稽鞭石成橋以此茲地夾溪而處居人成市舊有驛於康熙八年始作橋名曰永定其時承平未久諸事草創想當星輶入境絡繹如織不無墮覆之憂後復拓而大之未盡善也嘉慶二十四年境內捐貲繼長而增高之崇於舊者三之一若可以垂久遠矣道光十二年壬辰秋連日霖雨山水驟漲冒於橋者尺有咫橋隨傾圮無子石厲揭皆無所施行人搯木而渡咸若之越明年癸巳鄉市紳耆公議重修於是鳩工琢石創始於四月初十日落成於六月二十日較舊制復增二尺餘闊一尋有奇長六尋有奇崇一仞參半既堅且固亦巍然大觀也哉合費錢五十餘萬皆出本境富戶居民樂施之力故事易舉董事者公故力不勞而成之速爰更名曰普安工既竣例得列好善姓名鐫之石忻然援筆而爲之記

譚承恩復修靜邊寺碑文一首

從來世事之興廢雖曰氣數豈非人事哉觀靜邊寺之興廢可以見之矣蓋茲寺始於唐之天成時歷宋迄明雖經兵燹然未至極故繼而修之補偏救敝遂成偉觀從未有如今教匪之焚燬無餘者也寺僧行怛避亂來歸棲身敗瓦頽垣中見佛像剝落金剛倒地千佛樓閣惟餘煨燼解迦輪藏胥化塵埃仰天拊膺泣然流涕曰我諸佛菩薩道場罹劫亦至此極乎且吾以眇然之身自幼薙髮茲寺衣食於斯七十餘年矣今以僧行之不修致我諸佛菩薩如火如花之道場毀壞無遺則重新修建之事非我之責而誰乎聚徒而謀之僉曰人之好善孰不如我矧遭亂之後人心回向者多試倡復修之舉必有應之者於是典衣鉢變袈裟傾筐倒篋不遺餘力附近信善亦各量力欣助乃鳩集工材剪除

渠縣志

卷十二

文徵志八上

八十八

渠縣平民教養工廠鉛印部承印
渠縣平民教養工廠鉛印部承印

蓬蒿除去瓦礫緣舊址砌底石先營廚舍以造工食次監東廂以便住宿尋建覺皇寶殿裝嚴釋迦如來觀音金容其西廊山門亦將次第修舉雖不能如從前之宏壯巨麗而規模氣象亦已可觀矣夫靜邊一寺路當衝衢歷代以來役王事者行李往來信宿於此文人學士歷有標題古篆豐碑森然林立今遽燬於祖龍之燄教匪之孽大矣哉然亦氣數之適然也行怛以避亂餘生毅然修復亦可謂有志竟成者矣序而記之嘉其志亦以見人事可回氣數云

賈蓀谷水城碑記一首

古者匠人營國背山面河兵法前左山陵右水澤誠以水者天一所生養命之源不可一日無者也渠城西北倚石子岡潛水繞其下東南流城中井鹹不可烹數千戶炊爨皆仰汲於河昔人建城之始於東南隅

特開門二曰通濟曰通文皆汲道也辛酉壬戌間賊去兵來城門一閉無所得水城外人以竹筍自城罅輸之斛四十或竟日不能得危乎殆哉桂林何侯之始至蓋即以此爲拳拳而時方多故未暇也其明年德洽政孚四境無虞乃致紳耆而謀焉僉以爲築水城便遂相度地勢於通文門外築甬道以達於河縱十五丈有奇橫廣一丈六尺高二丈三尺甬有奇南北列睥睨炮臺下闢小門二以便往來曰阜民曰拱宸甬道之末樹水柵建層樓其上曰奎星閣東指文峯塔西對文廟山以暢文氣中曰水府殿祀水官元冥下曰得月樓以資登眺而水城之制備矣石之工若干木之工若干土之工若干石若干丈木若干章竹若干个甌甌之屬若干事侯首捐銀百廿金以爲之倡其餘則取給於城居與附城居者共費錢若干緡又慮後此或有增葺復捐銀置田畝歲收

渠縣志

卷十二

文徵志八上

八十九

渠縣平民教養工廠鉛印部承印

租庸以爲補修計功既竣乃饗渠人以落之酒半有執爵而起者曰辛酉壬戌之交渠之人亦殆矣哉寨居者困於追呼城居者窘於樵汲及侯下車不動聲色而指揮裕如俾各安其居敬獻一觴爲侯壽又酌曰壬戌之秋餘糧棲畝而曹逆回竄渠人咸惴惴然侯不憚賢勞率衆出境禦之以遏其鋒相拒數十日卒能有成功俾收穫無虞以康爾室家且使川東北均陰受其福而侯不自以爲功敬獻一觴爲侯壽又酌曰城垣歷有修葺皆補苴罅漏未臻完善至侯始增高培厚今水城旣建城中無樵汲之虞即有風鶴民志自定以共保無疆之麻蓋無事不在民如此巴蜀雖廣得如侯者數十人落落然參錯其間即賊於何有敬再獻一觴爲侯壽於是士民數十百人莫不額手合詞而頌也絃爲正其音節稍加詮次芟繁舉要而壽諸石其詞曰惟辛酉冬盜賊鳴張曰

朱曰曹踞吳市場城門晝閉守陴宵防立風雪中兩閱蟾光城井皆鹹
不堪綆汲炊烟將斷計無所出或竅於垣中置竹一挹彼注茲水斛四
十人衆水寡一勺如琛賊未來薄內已紛紜軍書旁午游勇如雲往來
梭織殆哉孤城閉慮舌焦開恐揖盜誰歟恭拜井是傲誰歟貳師刺
泉刀妙蟻垤無靈駝鳴鮮效我侯蒞止謂言無須自有善策子姑徐徐
以待來年民力其紓今則未可姑要是圖先是鄉寨甫經賊過民或斃
賊蠹居奇貨謬云親眷一倡百和構訟不休萬家俱破侯知其害立案
不行嚴禁告訐各安爾生寇來在吾勿爾震驚和風所被四境回春乃
練民團乃申文告修爾戈矛製爾旌纛設險立關防城鑄礮借箸從容
事咸握要民氣旣和民信已孚乃籌經費踴躍爭輸先事預防四顧躊
躇果以戌秋告警萑苻侯率健兒親援抱鼓出境禦之勿搖我圉扼吭

渠縣志

卷十二

文徵志八上

九十

渠縣平民教養工廠鉛印部承印
渠縣平民教養工廠鉛印部承印

拊背蒲苞山阻謀或增灶士盡超距斬獲屢報相持數旬賊乃宵遁凱
唱回輪民安其穫一塵不驚克全大局無赫赫名萬姓攀轅瓜期未代
乃建水城通文門外樓櫓雉堞胸如夙繪挹水於河不竭永賴惟侯智
計無微不周謂百年後或有增修勸捐加派築室道謀何如先事豫立
遠猶捐金置田躬親陟降租庸有額經費毋浪俾利歲修永資保障傾
圯無虞運籌獨狃惟茲兆庶慮始實難侯初整旅詛祝百端泊乎反旆
一邑獲安興歌孰嗣一瞬息間水城之建成謂非急旣列垣墉頌乃洋
溢千人邪許成之不日汲免扉負渴不漿乞惟侯敷政初無成心尊賢
禮士節用愛人皆災肆赦大憝嚴懲後有來者視此貞珉邑增生賈紱

麟恭紀

賈蓀谷福壽橋碑記一首

渠東十里而遙有場焉曰錫溪錫溪出其側故市曰錫溪人烟輻輳溪流不竭每當夏秋之交山水暴漲泥淖特甚行旅每困泥塗舊有橋歲久傾圮過者傷之咸豐辛酉上舍生蕭君芝相惻然憫焉爰鳩同人各傾囊橐相助爲理不數月而橋成是役也蕭君之力爲多而同事諸君子亦與有力焉夏令曰九月除道十月成梁孟子亦曰十一月徒杠成十二月輿梁成與夏令正合蕭君之爲此其亦行古之道歟凡費錢若干緡捐貲者某某例得書以垂不朽

裴以政神市壩文昌宮義塾碑文一首

邑庠生戴君采祿以詩禮世其家爲吾鄉望族生平教子耕讀之外尤樂與爲善初以其子若孫就業吾門後丙子歲館予於其里之香積寺從學頗衆一切薪水廩庖之需供之恪如也嘗謂予曰積金貽後孰若

渠縣志

卷十二 文徵志八上

九十一

渠縣平民教養工廠鉛印部承印

積書貽後予曰積書難積書而後人知寶其書尤難公曰吾惟懼後人之不知寶其書也吾將捐己貲置田宅爲義塾積詩書以貽後人卽以便衆人可乎於是歲購王姓田若干畝值四百金有奇尋建文昌宮三楹規模粗就增益尙有待焉而公於戊寅春遽赴修文矣嗚呼倘假公以年俾經理完備以垂久遠不大幸哉予於義塾虛度五載壬午冬辭北上留京都四載嗣孝廉寇公楫師塾二載前善入鬻序掇巍科濟濟蒸蒸聯翩而起者未有艾識者僉謂義塾之作育人材大有造於維桑而公之燕翼貽謀不第加人一等矣今庚寅夏予再留京都適公長孫之璠欲觀光京闈援例貢成均晤予於邸次隱潛然告予曰吾祖創義塾以牖迪後人賣志而沒璠不肖忝爲嗣孫不及今爲久遠計竊慮歲月而遙先澤之或至於湮也願丐一言壽之片石以垂不朽予思公之

置義塾也已十四年於茲矣事之爲所當爲者前人開之後人承之而前入之心安後人承之前人安之而後入之心亦安况公年逾古稀家計頗贏分長物以成厥功裕如也而恥獨爲君子必募衆銖兩以共襄其事意曰吾非私舉也乃公舉也是意可垂之永永無極也噫公誠遠見哉後之司義塾者每年計盈縮權出納修脯無虛糜典守有專責俾教者因材廣爲樂育學者絃誦永於春秋則公之盛德亦可傳之無窮是所望於後世子孫勿墜先澤並以風後之君子賢而有意於教事者增之益之而益大其所爲將詩之所云成人有德小子有造記之所稱師道立則善人多其於此卜之是爲記

裴以政戴家溝黃連庵碑文一首

黃連庵古刹也其山自大青透迤而來至此層巖疊嶂形勢環拱菴即

渠縣志

卷十二 文徵志八上

九十二

渠縣平民教養工廠鉛印部承印

建於山之麓殆亦渠之名刹哉明季毀於兵燹至康熙戊午戴其壽等募衆修理上殿落成東西廊楹並前面山門次第告竣遂爲此地巨觀載常住田地三十餘畝爾年有別菴僧假徒鳩踞以利其常住者邑庠生載彩祿等赴公已明於是覓僧妥居勝地付與焚獻至今歲僧懇募戴敬虞修砌丹墀復募戴儒聖等而正殿海面四面皆級胥加爽塏焉嗚呼古有云其始有立其卒有成者其是之謂歟將勒貞珉請志於余余未經其地但聞是菴之始末有如此云迺爲之賦其事曰菴名黃連禪關勝地山根大青競奇標異殿角四週林木蔭翳階砌精嚴丹穉華麗施資創修舍財爲繼垂之礎碣千古不替

文敬六三淮鎮三楚義塾碑記一首

國家化民成俗自京都迄各省州縣皆立學校作育人才降及市鎮亦

設義塾教誨子弟凡以端蒙養基聖功也已酉秋聞晤星垣石君於錦城言及興學校事余曰善及歸集同鄉酌議興設義學以廣教化時楊全盛以置買禹廟側瓦屋一座自願施作三楚義塾稟縣立案外復助銀一百兩幸石映舉及闔省鄉誼咸樂飲助共得數百金庚戌之春延師課讀辛亥四月置買馬躍宕學田一分歲收穀若干作每年延師束脩之資俾同鄉子弟就學直一學而數善備焉余忝司鐸命記其事竊思學校重典也今諸生留心若此行見文風蒸蒸日上大之儲其材爲國家用次之亦立其品爲鄉黨光於以仰副聖天子作育人才之雅意豈不懿哉歲貢生文德修記

楊虞裳望溪補修關夫子廟序一首

余常出流江適安漢溯龍門峽口而上道望溪詢所爲定光道場土人

渠縣志

卷十二

文徵志八上

九十三

渠縣平民教養工廠鉛印部承印

已無知之者越溪橋以東觀關夫子廟堂歲秋有獲環溪之民報賽於中秩秩如也問其風豪俠而慕義彬彬而有禮蓋涵濡於夫子之澤者深且至矣明年溪人以廟楹垂朽釀金增葺之又明年余主講渠江溪之子弟多從余遊以輪奐落成乞余文以紀余惟夫子之神若日月經天江河沛地煌煌國典登列中祀比於嶽瀆非閭巷所宜私祝而亦欽崇之不能禁者也書曰凡人未見聖若弗克見溪人亦有足多者廟以乾隆十三年建嘉皇時經兵燹續修今之舉蓋又閱五十年矣計鳩工於光緒五年之春訖於辛巳歲首梓材之費六丹漆之費三攻石之工五攻金之工二凡襄事樂助者例得書故次諸樂石後之君子得以觀覽焉

程雲衢玉山寨碑記一首

嘗讀易曰天險不可升也地險山川邱陵也恃險以爲害則不可有憑險以妨害則不可無當險之時有險之用王公設險以保其國士庶亦可據險以保身家故曰險之時用大矣哉玉山地之險也距渠治西九十餘里與蓬州界連古名玉狗今日團寶自北蜿蜒而來至此嶙峋轟起巉巖峭壁有覆壓百里之勢嘉慶元年教匪徐王等倡亂蓬州所過屠掠焚燹幾無子遺奔竄逃亡之象隨處俱成瓦解正險之時也吾鄉人士奉督帥堅壁清野之令相與共圖避賊以爲欲全身家莫若保險詢謀僉同爰度山勢取半巔之寬平以容衆因四圍之峻巖以爲牆卑者增之使高圯者砌之使固截其前岡爲大寨門後及左右開其石壁可上下處以通人行便樵汲爲五小門金湯之形於是益壯矣三四年間賊匪迭至遠近來避者幾數萬人受之廓如也向非得此憑依屠掠

渠縣志

卷十二 文徵志八上

九十四

渠縣平民教養工廠鉛印部承印
渠縣平民教養工廠鉛印部承印

將不可勝道安得一方之人生全無恙如斯耶今幸天兵到處賊氛蕩平樂樂利利固無疆惟休矣竊謂世運之乘無平不陂其間禦難捍患惟恃人世以爲之備今日已立其基後此即可爲法凡環茲山而居者俱聚族於斯長子孫於斯其或不幸遇變有如王徐輩之狡焉思逞而山則不變修而葺之雖百世永賴可也因紀始末揭其險之爲用者大勒示來茲俾知遭時蹇屯思出乎險中當和衆志以守險云

段宣城去思碑

失名

吾宣之民素號淳樸竟以閔闈府堂而得一刁悍名非無以致之也蓋民情莫幸於得所依莫不幸於失所賴如我邑侯段公慈祥愷悌民懷樂利之休中正和平士沐薰陶之澤自甲子暮春蒞任首先勸課農桑暇則訓迪士子凡興革事宜靡不銳意具舉是秋被水災侯乃逐畝履

勘不辭勞瘁至若祝融振怒則號泣奔救有斃於水火者循例拊卹外更不惜已資以妥其存歿再如猛獸爲害則虔禱城隍爲民乞命未幾虎悉渡河民乃安堵孤貧無塋地者又於城關外捐金買山以爲義塚掩骼埋胔得不暴露即有因過譴而受其懲責者亦感悟交并革面而洗心焉詎郡守蔣性驕情僻妒賢忌能將有調謫我侯之意而公不之計也乙丑二月適有試用之周邦正奉委協修城工逆舟至宣冒用宣城正堂燈籠封皮攜眷多人以致人心皇惑閩府保留爲郡守者倘能加周邦正以越俎之愆固足以服民心否則明示以段尹並未有罷官之事亦足以釋民惑乃不善於安輯是使愚民羣起而攻也蔣守積羞成妒乘間暗詳我侯解組而吾宣醇樸之風改爲刁悍所由來矣厥後蔣守行香於城隍廟中而念珠撒地復於委身保民之張公廟中而念

渠縣志

卷十二

文徵志八上

九十五

渠縣平民教養工廠鉛印部承印
渠縣平民教養工廠鉛印部承印

珠再撒是百神之不享也越數日北郊遭回祿蔣念我侯之號泣奔救感動民心斯時亦勉強出郊應酬乃甫下肩輿而撲跌幾斃是菑害之並至也夏初蝗虫四發署篆萬公勘撻不遑欣逢欽差黃大人臨省提訊此案蝗虫頓滅萬公始得赴省從容代白是天意之使然也審後冰釋蔣守蕭索回郡我侯謳歌載途遮道攀轅賦詩祖餞誦樂只者不一其侶數善政者是口成碑我侯雖云遺愛常存天之報施善人自不爽云

雲南進士李雲程雲霧山重修普賢寺碑記一首

釋稱四大名山蜀之峨嵋其一也蓋爲普大行普賢道場故夫盈天下皆道場况其於蜀之山而距峨嵋不遠者獨非道場乎獨不可爲普賢道場乎是他山而有普賢與普賢之在峨嵋者無二無別但奉普賢有

殿普賢不朽而殿易朽殿朽而修亦事勢之應然耳而余則以爲非修殿也修道也何也普賢以大行故而得道而坐道場修道之家即無普賢之行而有此一修則亦無非道即無非道場亦普皆賢者矣又與普賢何二何無別哉雲霧即蜀通志所謂隣山也介於渠竹之間上有普賢殿其來久矣素著靈明焚禮日衆基宇尙隘廟貌且頽僧通訓者年方英茂行已老成毅然任募修之乃不事下山卽於來山衆中擇其能囑爲首領以故鳩庇伊始四方功德源源而來遂坐以垂成焉時歷五十餘月費計二千餘金巍乎煥乎規模氣象數倍於前年間記於余余登山觀之歎曰善哉僧之智也衆之力也是其心中各有普賢矣余聞普賢者德無不偏曰普宏上利下曰賢此所謂普賢之大行而證菩薩者乎菩薩者覺有情也覺卽覺道凡有情者皆可覺道即皆可爲菩薩

則當日宰官居士善男子善女人各出德意利濟道場以成斯行是亦有覺而皆可與於斯道者也謂與普賢菩薩無二無別豈妄諸哉且夫芥子納須彌亦釋氏之言也將清涼普陀九華以及三千大千世界諸山皆可納之於雲霧是謂雲霧之山即峨嵋雲霧山之普賢即峨嵋之普賢亦豈爲妄語然則文殊觀音地藏以至諸佛豈可納之於方丈又何款一普賢之不在人心乎惟人心有普賢是以喜修普賢并喜修普賢之殿合衆心之普賢以修一普賢之殿是以不約而同不速而來不著相而佈施也夫不著相將無我無人無普賢無殿亦無文字一片空明豎窮三際橫亘十方又何修爲之可記也哉雖然此惟有道眼者知之若且世眼觀之今殿之修某某之功行也鑿石勒名以表其賢自不可沒不然殿雖鐵石合成詎無朽日何以勸後是宜記也因記之

碑誌類下

漢

漢故車騎將軍馮公之碑一首

君諱混字皇卿幽州君之元子也少耽學問習父業治春秋嚴韓詩食

氏兼律大杜弱冠詔除郎還字缺一任郡歷諸曹史督郵主簿五官掾功

曹舉孝廉除右郎中屬郡廣都長逼直荒亂以德綏撫字缺一化浚行到

官四載功稱顯著郡察廉吏州舉尤異遷榷為武陽令誅疾強豪以公

去官部廣漢別駕治中從事辟司空府侍御史御史中丞習使徐揚二

州討賊范容朱生徐鳳馬勉張嬰等字缺一迫州郡進兵正法復辟司徒

府廷尉左監正治書侍御史廣漢屬國都尉隴西太守字缺一坐問吏辜

旬不分去官以羌駭動為四府所表復家拜隴西太守上病辟同產弟

渠縣志

卷十一 文徵志八下

九十七

渠縣平民教養工廠鉛印部承印

徵議郎復治書侍御史尚書遼東太守廷尉太常車騎將軍南征五溪蠻夷黃加少高相法氏趙伯潘鴻等斬首萬餘級溺以千數降者十萬人收逋賔布卅萬疋不費官財振旅還師臨當受封以謠言奏河內太守中常侍左帽弟坐遜位拜將作大匠河南尹復拜廷尉表荊州刺史李隗南陽太守成晉太原太守劉頊不宜以重論坐正法任左校後詔書特賞拜屯騎校尉復廷尉奏中臣子弟不宜典牧州郡獲過左右遜位永康元年十二月薨一要金紫十二銀艾七墨綬將軍體清守約既來遷葬遺令墳塋取臧形而已不造祠堂可謂履真者矣恐後人不能紀知官所吏歷故勒石表績以受來世孝桓皇帝以命將軍討此疆夷有桓桓烈烈之姿因謚為桓

宕渠令樊公碑一首失名

公敏字叔達肇祖處犧遺苗后稷爲堯種樹舍潛金石錄一作漆從岐天顧
曹甫乃萌昌發周室衰微雲伯匡弼晉爲韓魏魯分爲楊充曜封邑厥
土河東樹漢之陰或居於楚或集於梁君纘其緒華南西疆濱近聖禹
飲汝茹汭總角好學治春秋穀氏經貫究道度無文不覩於是國君備
禮招請濯冕題輿傑立忠譽有夷史之直卓密之風御黨見歸察孝除
郎永昌長史遷宕渠令布化三載遭離母憂五五斷仁大將軍辟元和
之末京師擾攘雄狐綏綏冠履同囊封袂長驅卑走枕北國復重察辭
病不就再奉朝聘十辟外台常爲治中諸部從事舉直錯枉覃思舊職
彈兇糾貪務鉏民穢患改苦俗喜怒作律案罪殺人不顧猖獗告子屬
孫敢若此者不入墓門州里僉然號曰吏師李世不祥米巫凶虐續乘
青羌姦狡並起陷附者衆君執一心賴無沔恥復辟司徒道辭不往牧

渠縣志

卷十二 文徵志八下 九十八

渠縣平民教養工廠鉛印部承印
渠縣平民教養工廠鉛印部承印

伯劉公二世欽重表擢巴郡後漢中秋老乞身以助義都尉養疾閭里
又辟奮義校尉君仕不爲人祿不爲己桓桓大度禮蹈箕首當窮台齡
松喬協軌八十有四歲在叶洽紀驗期臻奄忽藏形凡百咸痛士女涕
冷臣子哀術刊石勒銘其辭曰於戲樊考經德炳明勞謙損益耽古儉
清立朝正色能無撓傾威恩御下持滿慮盈所歷見慕遺歌景行書載
俊又股肱幹楨有無有則模楷後生宜參鼎鉉再建皇靈出經阪險鬼
方不庭所戢節足輕寵賤榮故敍天選而相陪臣晏嬰仰殿留侯距齊
非辭福也乃辟禍兮亂曰渾元留像岱瀆冶匠兮金精火佐實生賢兮
豈欲救民德彌大兮遭遇陽九百六會兮當舉遐年今遂逝兮嗚呼哀

哉神鬼裕兮

建安十年二月上旬造石工劉武良鐫書宋趙明誠跋他漢碑類皆刊缺而此碑獨首尾完好故載其大略於此所

謂米巫凶虐者謂張角也

同本前志按敏靈關道青衣人即今之蘆山縣墓在縣南七里墓前有二石馬隸碑在石馬東敏由永昌長史遷宕渠令當在熹平中碑云光和之末等而上之可知蓋熹平六年改光和光和五年復改中平當是時黃巾賊起十常侍濁亂宮幃禁錮善類山東大亂而董卓且鳴鐘鼓向雒陽碑所謂雄狐綏綏冠履同囊又云米巫凶虐續乘青羌者此也維時益州無事劉焉父子相繼爲牧士頗歸之則所云劉公牧伯二世欽重也惟歲在叶洽則獻帝初年平二年辛未建安八年癸未若辛未至乙酉共十五年若癸未則三年刊石勒銘當是三年中事漢碑之存於今者鮮矣敏常爲渠令故誌之

渠縣志

卷十二

文徵志八下
文徵志八下

九十九

渠縣平民教養工廠鉛印部承印
渠縣平民教養工廠鉛印部承印

明

任尙昇暨元配王氏墓誌一首 佚名

公諱尙昇號積齋原任廣西上林縣知縣駒山公之第三子也由舉人登進士授陝西鳳翔府寶雞縣知縣陞雲南大理府知府轉秦府長史公居官愷悌精明愛民敬士以故滇秦俱人名宦所得清俸不以自私立祭田祠堂以時孝享置義田義倉以厚宗族輕財樂施多所勸建渠人重之公生於宏治癸亥九月卒於隆慶庚午十月年六十八歲恭人王氏同邑義官王應明之次女德性嚴毅貞純克勤且儉事舅姑孝相夫子順處戚里以和內外清肅穉童幼女不得踰闕以故邑人稱閭範焉周貧恤乏一無所吝族黨咸沐其光生於宏治乙丑十二月卒於萬

歷已卯九月年七十四歲合葬樓幅頂之麓

任瀄暨元配孫氏墓誌

廣安進士 王德完

公諱淳字子化號鳴洲秦藩太傅積齋公冢嗣也少博學工文補邑弟子員試輒高等年甫艾輒棄去修漆園柱下業倘徉林壑日以詩文琴樽自娛性剛勁慷慨能赴人之難尤和親睦族置義田義穀以贍之而錫類孔懷大有石奮家風晚年兩鳳庭飛語語督義惟謹人謂任氏自駒山公以來世有顯德至公愈大信然故捐館日前學博富順阮公明卿題其旌曰樂道真儒今邑侯吳公缺名誄之曰孝友天植又曰散財集慶太史南充黃公輝表其墓曰世德佳城蓬州母君缺名題其墓碑曰樂道先生嗟嗟茲其稱情哉按公生於嘉靖戊子六月卒於萬歷丁未十

渠縣志

卷十二 文徵志八下

一〇〇

渠縣平民教養工廠鉛印部承印

一月年八十歲葬之日邑大夫而下暨各郡邑來會者數千人不減陳太邱云配夫人孫氏邑節推公女別駕公妹毓德名族淑慎委宛及笄歸相公操井臼親織紉勤慎儉素毫無貴介奢靡氣朝夕潔滌澆以奉翁姑未常不煦乎其和也至內外姻婭尤以慈惠及之而鷄鳴脫簪之警蓋大有益於夫子哉故一時里閭述闡範誦懿德者指不勝屈焉夫人生於嘉靖己丑九月卒於庚午十月年四十二歲文林即推官孫公孺人陶氏合塋表趙龍

謹按郡理恕齋孫侯自厥考迪功即茂以上世在渠州居之乃配陶氏埒庠士校上選業司成學如期授演楚雄府推入郡讞獄明允嫺德溢政種藉莫狀七載乃休脩楚狷潔子三志愨意迺整式訓志即登鄉

薦嘉靖丙辰侯卒窆於邑石馬濱原獲奇據也陶見侯逝哀毀迪孤即
廿載無恙謂志曰爾登爾官民社所堪率箴良哉伯子赴銓拜湖廣遠
安令爲時名宰再遷陝平涼別駕勳猷照曜炯炯若升而孺人終於隆
慶壬申矣壽企百年懿慈緝肅遺女二歸庠生任淳劉廷選孫五乾亨
貴亨承祚衍祚啓祚俱補邑學弟子孫女一聘陳爾學志奔旋卜萬歷
二年正月十四日合葬侯穴之右當著於石永終不墮以識歲月辭曰
沂江之干石駿峙焉虬飛鳳翥垂氣凌瞻迺作居宜挺生異人豪儻儻
鬱龍光尙賓考服郡節不回不辟震赫南中思餐白石篤鍾麟鸞騰熒
魁躔湘凌皎月司馬秦關乃泣萱計合穴筮成殖翼赴峯拱接連城海
山包絡丹符控鑿淑氣灤泃神呵鬼護溶發奇詳矢鑄忠良箕裘斯億
羣聚膠庠絲互迭興維瞻哲靈隆崇眷藉歷萬雲仍樵牧母俾春秋禴

渠縣志

卷十二 文徵志八下

一零一

渠縣平民教養工廠鉛印部承印
渠縣平民教養工廠鉛印部承印

疊紆疆陵廓盤助高隈雙魂祇甯峯巔是瑩幽明炳耀永覽斯文萬歷
元年癸酉雲南提刑按察司兵巡僉事廣安趙龍撰

萬鸞碑文一首 失名

萬公諱鸞字駕堂江右南昌府南昌縣人娶易氏琴瑟調甚四十無子
誓不納妾公與湯玉茗先生友善詩酒往來最稱莫逆玉茗者江右名
士也公謂玉茗曰科名非我欲子息亦不我強也萬歷六年偕易氏遠
遷覽瞿塘灑瀨之盛橫棹賦詩唱和懽如由是入川抵渠寄滙濱構買
基業遂家焉晚年不事詩酒乃言曰酒非知己不飲詩無會人不吟吾
何利於此耶命僮僕輩畜馬牧牛法陶朱之經營既而財積巨萬乃修
石室數間期與易氏共爲盡年計時人因以萬十萬稱之堂設都仙許
真君位朝夕虔供宅外修築佳城並夫妻生庚產業契界刻立碑記爾

時玉茗宦居京師公將生平事蹟作書一一爲知己者道而玉茗則轉移南昌載入家乘矣崇禎末獻逆亂蜀石室毀亡
清

楚黃陳大章禮部主客司郎中李公墓表一首

崇禎末逆賊張獻忠悉衆犯蜀六月破重慶巡撫陳奇等被執死八月成都陷屠掠之慘互古未有時諸郡皆潰獨遵義一府未下故大學士王應熊致仕歸自京師即遵義建幕府編素誓師努力討賊一時忠義之士聞風響應赴難捐軀烽火遺黎賴以全活甚衆雖事迄無成而志可矜憫所謂人之云亡邦國殄瘁李先生兄弟其一也先生諱舍乙字生東號青藜順慶之渠縣人中崇禎丁卯鄉試甲戌成進士除高郵州知州有惠政陞北禮部員外郎轉主客司郎中以母老力請給假歸養

渠縣志

卷十二 文徵志八下

一零二

渠縣平民教養工廠鉛印部承印

未幾丁母艱會獻賊破蜀賊首吳之茂趙萬邦等充斥近縣公葬母畢即募鄉兵萬餘人散家財治戰具申明約束激以大義皆流涕聽命大小二十餘戰連復大竹達縣通江太平等處殺僞令楊以爲及參遊以下東北二道咸起兵相應流民相依者數萬人會應熊率署撫馬乾總兵曾英等敗賊師李定國於重慶遣使來會約夾攻合州以通東北聲援公率兵赴之時廣安復爲賊據率衆拒我軍公逆擊大破之進屯楊柳堡盡銳攻城適僞右都督馬元利屯岳池聞廣安賊敗倍道馳救我兵方度塹援堞賊騎突至腹背受敵公率衆力戰馬蹶爲賊所獲仰天歎曰本期剪滅羣醜上報國家下安桑梓今事不濟豈非天哉大罵不屈遂遇害時乙酉六月十六日也次配王氏亦罵賊死子十人存其三一門殉難者三十餘口公兄庚午舉人儲乙痛弟之歿部勒餘卒摧心

嚼舌誓不與賊俱生應熊署爲監軍道使之捍蔽東北後年餘亦被陷罵賊死余觀明代自萬厯以來承平豢養恬不知兵流寇之起也士大夫門戶水火上下相蒙以苟延歲月無有爲國家任捍禦者一夫梟張萬衆聘貽攻城掠堡駢首就戮未出一矢以相加遺遂成燎原滔天之勢向使當時能盡如李公之所爲豈遂橫潰至此應熊在內閣五年爲公論所不滿然遵義之舉合餘燼遏賊鋒蜀人至今思之其功有不可盡泯者李公沒已七十餘年余弟大輦在閩中獲與公孫隸交函書數千里屬表其墓余觀公之居官行己已詳方太史渭仁傳中茲不具論特揭其大者並略述蜀難之始末俾後之論公者得有所考云

雷際泰萬金玉墓誌銘一首

明末獻逆悉衆犯蜀屠掠之慘亙古未有吾邑萬民高祖玉公時年十

渠縣志

卷十二

文徵志八下

一零三

渠縣平民教養工廠鉛印部承印
渠縣平民教養工廠鉛印部承印

五性剛毅有膽略值賊氛蹂躪兵燹頻仍族姓奔馳公獨留不去遇官軍攜入營將軍見其魁梧奇之隸行伍中旋擢千總前後隨營八九年屢有功績陞川北鎮標下遊擊公以父母弟兄離散無心仕祿告假還鄉見田疇荒蕪宅舍圯墟歔歔泣下曰我族凋零至此設天不我佑殞身鋒鏑不幾靡有子遺乎爰斬荆棘修廬舍治田園旣而擇吉完婚甫有兒媳以延先人不絕如綫之嗣如公者非所謂在官則忠其君在家則孝其親者哉公諱金玉字美實先世籍隸江西自希唐公入蜀居渠遂爲渠人自希唐五代生貢生崇本崇本生庠生惕公父也公生於崇禎戊辰歿於康熙乙酉年七十八原配杜續配燕公葬於雷乙壘之陽二淑人合塚焉舊有碑記雖磨滅猶可辨今族某屬予誌銘予不文爰採殘碑始末勒諸貞珉以垂久遠銘曰萬氏始祖才心千古妖燄方張

寄身行伍衽革枕戈久歷寒暑顯榮還鄉整其舊宇作忠教孝豈曰小補遺行難沒勒石當譜原任廣東肇慶府高明縣知縣雷際泰撰

王敦實墓誌一首失名

公諱敦實幼從父學性聰慧五經子史過目成誦長事孝廉濟川寇公楫常以偉器目之補弟子員試輒高等惜屢躋棘闈以明經終嚴慈皆八旬有餘同懷四仲叔季食貧養與葬獨任之教學不拘成法以躬行為先講論昭如白日即老嫗能解故從遊者衆掇巍科登仕版者纍纍列上下庠者復數十人薄修金輕贄儀蔬食水飲恬如也夙具剛腸不畏權勢凡利弊有關於渠者當事前正色斷詞民多陰受其福前尹管公瀛張公偉謝公毓華俱宿學閱其文評為名士大事諮訪悉傾心聽之手不釋卷至老彌勤厭酪酏嗜糕菓身不滿四尺識與不識皆曰矮

渠縣志

卷十二 文徵志八下

一零四

渠縣平民教養工廠鉛印部承印

先生而霽月光風可方周子以故歸道山三十餘載渠人士猶思慕不衰云

向宣齋蕭譚氏墓碑一首

崇祀節義譚太孺人者蕭太封翁朝佐公之繼室也克相太翁秩秩有家法一子二女孺人於嫡子及其子恩義無間長子遊泮闡訓與有力焉嘉慶初白蓮作亂孺人偕次女出門避之途中冒刃與其女俱不屈死有司以聞於朝建坊表道春秋與享於祠嗚呼至命遂志賢士所難太孺人以閨中女子克赴大義曾不肯苟延揚標彤史流芳俎豆可謂不死矣天之啓其後以發潛德之幽光者其有艾歟誌於墓昭風化也楊虞裳宋故幸寅娘子墓碑銘一首

光緒辛巳夏余與諸生講學金榜山之陽土人治濱岸地得古碑文曰

宋故幸寅娘子墓諸生走告余余視其書體迺古疑爲劉宋然娘子之謂古所未聞惟唐書平陽公主傳始有之後遂相沿則當爲趙宋矣而其稱又於婦女無別據禮婦從夫爵許嫁而字之義則爲女貞未字者無疑幸之系無所攷晉有幸靈者疑即其族歟渠城北舊有幸家壩今此姓亦尠存寅者以歲紀名若荀寅類也嗟夫和康以來士大夫之磨滅而不彰者何可勝道彼漆室之珉顧越千載而躍躍哉其堅白不磨可知矣既聞於杜侯樹之高原而登以石諸生且囑余銘銘曰耀大璞兮灑水湄表荒壟兮金山垂天地無窮兮古今無期惟貞性兮不澌不夷潛德兮堅光山高兮水長山之人兮其母閱金玉而期盛世之翺翔楊虞裳顏司馬祠堂碑記一首

皇帝御極之五年歲己卯十月既望渠人間司馬顏公佐才之沒也因

渠縣志

卷十二

文徵志八下
文徵志八下

一零五

渠縣平民教養工廠鉛印部承印
渠縣平民教養工廠鉛印部承印

祥符寺東設三楹爲祠以祀祭以豚羊報有功也於是渠患之平已十餘年矣田野治歲屢豐荏苒復息渠人感公德不少衰縉紳商賈田畯之夫相與酌酒於公靈曰微我公力無以有今日冠纓草服列坐而燕話司馬當年擊賊時事概想其遭逢皆感慨太息泣數行下儼若公颯然而來拔劍低昂挾山雨江濤以指揮於左右也嗚呼渠之不忘公因知公之所以致此情矣方辛酉之冬曹逆驟至甫三晝夜襲取西南孟公朱山等三十六寨踞吳市場勢甚張郡援如遊擊某參軍某但相持渠人聞公師臨安漢縋乞援於公公慨然整旅越夕達渠境拒賊於中灘橋北岸軍無敢先公親執長矛大呼躍而前遂以三千人破虜數萬衆於跌馬灘上殪其梟搗其巢曹逆宵竄全境以謐此公之大有造於渠也初節相駱公以楚軍援蜀有功議撤他軍一事權公黔人也軍士

皆黔良家子當歸農然積歉餉逾鉅萬散伍以新捷索餉急不得已貸鄰郡寄帑若干金邑令以擅聞論公罪當死得寬旨改軍渠人始釀金完庫兼納緩贖公罪是公之因救渠而獲禍也洎公褫職歸田膺鄉薦筮仕再入蜀權越雋廳丁艱歸卒於瀘州道上是公之才不世出而數終若是其奇也而謂渠人其忍忘之哉或曰司馬本以罪免又非戰沒例不得祠余曰噫嘻是何言與夫有功則祀禮之經也人情所不能已者聖王弗禁且惡知夫草野之情不能上達於天子也

胡春滋藍峻生先生墓誌銘一首

先生諱崧高字峻生生於渠城祖岷圃以篤行稱考蘊山邑增生妣氏楊生先生弟兄四伯崇高慧而早卒叔岑高邑庠生季崑高先生其仲也幼穎異沈厚博覽書史工詩古文辭尤精醫術以附貢加捐訓導實

渠縣志

卷十二

文徵志八下
文徵志八下

一零六

渠縣平民教養工廠鉛印部承印
渠縣平民教養工廠鉛印部承印

官復遠渡東瀛考究政學返國後於教育政治時多匡襄晚乃力事慈善焉子三人經惟永惟思惟永惟出後岑高皆能世其家者生清同治乙丑閏五月十四日歿今民國十二年舊曆癸亥十月七日得年五十有九以翌年甲子十月三日葬城北八濠山麓祖塋之次不可以無銘銘曰是濠山之麓土深厚而沃水繚繞而曲氣佳哉葱葱鬱鬱先生幽宅此其卜宜有以利其似續

巴縣龔秉樞周際隆墓誌銘一首

君諱際隆字瑞亭周氏有宋大儒濂溪之裔明季自楚入蜀定居於渠縣爲渠縣人君少穎異父友直授之讀刃迎節解爲文章援筆立就每赴試輒冠軍然終不售親戚助貲爲國子監生與科試仍不第棄去歸坐斗室中課六七僮子暇即荷鋤犂助傭隴上如是者十九年君稍裕

恆自視綽綽亟謀所以贍其宗族鄉鄰者收族二十八支拓地建祠與子弟棋會肄禮其中尙祀瀟溪以興其志置里中課田助士之傷於貧者營義塚助里之貧不能葬者橋梁道路有或圯折君聞知莫不備舉時懷粉資稻餅之屬出餉途之負戴者雖老猶扶杖往來道上以爲大樂君年八十有四矣忽示疾君亦自知年老不任病思有以詔後人者一日盥沐蚤揃衣冠坐堂上諸子諸孫西嚮侍諸婦東嚮侍欠呻矣竟卒君娶汪生子其淵女二俱適鄒姓繼葉氏無出孫三長昌都次昌郡次昌鄂君卒以前清光緒三十三年八月十八日遂以是年十二月二十九日葬於縣之金鍾山麓后八年昌都謁余於重慶道光人行事悽遺訓之未聞也遂屬銘銘曰大雲不出雨天下燭龍不出照長夜故於一鄉故者寡謂君不憾君嗟呀幸我銘之爲君瀉

渠縣志

卷十二

文徵志八下

一零七

渠縣平民教養工廠鉛印部承印
渠縣平民教養工廠鉛印部承印

二十軍軍長楊森先父墓誌一首

先父安邦公諱庭安卒於光緒三十一年時森肄業軍校兩弟皆幼草草殯焉母吳太夫人於民國十三年卒值森督理四川軍務兼攝民政二弟淑身任陸軍四十三旅旅長三弟淑世任全川禁煙總辦各有重責葬地遷延未就權殯于父墓旁戎馬年年四方多難每于奔馳國事之際言念及此怒焉如禱民國十九年軍次宕渠距家咫尺如乃得卜地于渠縣屬之靜邊場楊家壩遷父母合葬之修其墓私心至此爲之捐慰工既竣爰率妻譚繼貞劉谷芳田蘅秋蕭邦瓊陳順容江德芬子漢興漢烈漢渝漢華漢漢滬漢鄂漢昌漢夏女漢一漢二漢三漢四漢五漢七漢九漢十漢十二漢十三漢十四漢十五妹淑芳弟淑身妻閻玉清子漢奎媳侯世貞劉文英孫成全孫女成文成彬成賢二子漢

基媳閻仁禮女漢秀三弟淑世妻謝明貞蔣祥貴謝明廉吳玉貞女漢瓊漢瑤漢璧立石于墓

大中華民國十九年七月廣安楊上將子惠合葬其先考安邦府君先妣吳太夫人於渠邑靜邊場楊家壩自誌其墓既封既樹越年八月上將詣墓展祭煜及僚友輩與焉見其山水多奇絕墓事復尙樸質雄渾磅礴旁置一樓名曰瞻依仁人孝子之不忘其親其心亦可矜矣煜夙廁上將記室稔知府君及太夫人之嘉言懿行世教衰下過墓累歔竊歎茲隱德誕生賢豪楊氏之興非偶然也上將以戰功有國內外名於社會事業尤多所開發其椽屬將校以萬千計黃子斐章等謂其能舊念根本屬煜爲記墓之文用以讚德楊孝風世勵俗煜於上將有知己之感其可嘿無一言

渠縣志

卷十二

文徵志八下

一零八

渠縣平民教養工廠鉛印部承印

爰爲之記雖於義法無徵而古人謂親人之親卽所以自親其親後之覽者或亦同此概慕也萬縣熊煜撰梁山孫爾康書

楊思慎胡公明清墓誌銘一首

胡公明清考諱元喜妣唐孺人其先祖有諱造者由湖廣永州東安縣入川隸籍郭南迄公已七世矣公賦性恬淡齋素潔心者有年旣任清同光間農官尤能勸播諄諄慎乃將事以是戚鄰咸推重之公以清道光戊子六月十九日生光緒丙午十月二十四日卒卜葬郭西馬鞍山之陽初配秦孺人無出撫祖林爲子繼配陳孺人育二女有孫二曰訓富訓貴予與祖林親而友也因爲辭以銘之銘曰維勸於耕維共乃職維敬於天維民乃粒於戲胡公以昌后稷

雜記類

宋

天甯寺記一首

名勝志引
有跋

宕渠古郡依山為城自珠嶺東下至石門伏而特起隱隱隆隆由郡北迤南而下為馬鞍為登高為西巖擁蔽坤維昇虛降原始得郡治岡分嶺別俛首東向為袁氏之巖迤邐南轉為瞿氏之山下看巴江舒翼展脛直趨水濱而後已由瞿氏之北袁巖以南川原開曠形勢之勝與郡治相埒是為天甯寺

賀知章題袁氏別業云主人不相識偶坐為林泉莫漫愁沽酒囊中自有錢即袁氏巖也按以名勝志考之則四明狂客到渠可知惜無歲月可考即前人賀詩注亦未明指其處此可補古註之缺又宋宣和庚子流江縣尉王佐佛現記有謁天甯長老文燧語是

渠縣志

卷十二

文徵志九

一零九

渠縣平民教養工廠鉛印部承印
渠縣平民教養工廠鉛印部承印

寺在徽宗時猶依然無恙圯於何時無從考據惜哉

明

廣安任給諫王德完十方雲水堂記一首

萬曆中去渠縣普濟寺之一舍許鳳頭靈穴間有比丘如元號福安者赤緇空門之百足也錫飛三島頑石點頭納襲烏雲清風馥座年臨耆壽面復童顏攷其屬重慶姓蔣氏初苦九洲之遊自喜之行復乃優募銅相六尊故彰名曰銅佛寺以其居更為粥飯舍以待四方之行脚者壬寅歲黃太史平倩馮吏部雲衢訪福安知識過此廬目觀其修檀度也而嘉之且謂之曰銅佛為人天最尊之一今法門固興矣然行脚者無栖息之處福安何不以此願回施於鳳頭勝地庶垂永久乎福安合爪曰諾爾時萌心方有勝願修銅佛大閣一與效一劈之力閣垂成

矣閣之右有空間處薙草去石以爲菴基取馮黃二公及諸宰官居士所檀施者遂完十方堂一處十方行脚者始有甯宇並粥飯田數百餘畝以爲供養資行之藉數年居然樂山往日僧遊光景矣福安復嘆曰自大殿成金相紺容光明照耀佛室具矣十方菴成往來龍象絡繹不絕僧室集矣夫有三室不全而一以成阿練若者後乃備貲糧入京祈請龍藏時福安法門白衣弟子得其密傳者多方效力遂得如願自是法室粲然畢萃矣三室既具叢林一新即垂之千百年可以不毀福安念年已遲暮前後不相繼有負宿願覓所以不朽者於余予曰斯地也爲十方設也諸宰官居士不得而有也夫諸宰官居士輩行檀度於十方卽有結白社之緣者豈乏買山之貲而戀此一袈裟地爲也故曰宰官居士不得而有也銅佛香火之由自肯化來於今不絕則袈裟院中

各有資生之業既無一粒一無盂以及十方而諸宰官居士所共設以待十方人者又可認爲寺中物乎故曰銅佛常住亦不得而有也十方堂之設雖福安有所檀施而諸宰官之檀施爲多福安因而卒成之爾既爲十方常住卽當擇十方之高賢爲主而已不與焉蓋古人創修一處不必久居不惟一餐一宿 門遺風亦以避藉它自利之嫌故也故曰福安知識亦不得而有也夫今之檀施宰官居士固皆深信因果者也其有指既捐之財爲己物者固萬萬無有也異世之後宰官居士之子若孫有不識祖父遺意而妄認一草一木者予以爲佛法不容也卽王法亦不容也今銅佛現在本寺之僧亦皆知有因果者也其有指十方之叢休爲本寺物者固萬萬無有設異世之後相繼之比丘弟子有懷貪心而妄認一草一木以爲己寺有者予謂佛法不容也卽王法亦

不容也夫明有護持幽有鬼神何者今宰官居士固爲此地金湯後之相繼者豈無人乎敢有紊十方法堂規制者三尺具在誰能庇之此明護持不可干也夫此地非護法王精靈顯赫地歟王無所不在而實宅神于此且職斯護法誰能容壞法之人攷之靈溪所載廚中先嘗食者頃刻掌痕出其面雖近時不聳肝鬲而冥之誅殛實屬神威如往年滅歿銅佛大殿貲財立取凶夷者可鑒也此幽有鬼神不可犯也以此觀之即有欲爲寺中之蠹者且將息焉蠹既絕而福安惟擇一十方高僧以授之以完黃馮二先生付囑遺意即與浩劫 人可也何必別求所以不朽者哉念福安來覓記余予於遂寄意以勒之石並告現在未來若僧若俗知有因果者云

清

渠縣志

卷十二 文徵志九

一一一

渠縣平民教養工廠鉛印部承印
渠縣平民教養工廠鉛印部承印

邑侯王衍慶補修靜邊寺大橋序一首

有濟於世之謂功客臻於善之謂德有其名各有其實不可假也故仰而望之蒼然者天也而日月所照雨露所潤萬物莫不遂其生焉俯而察之塊然者地也而百穀是生貨財是殖萬物莫不遂其養焉其混然中處而爲萬物之靈者人也有知覺可以運動有智力可以施爲內而教孝教弟外而講信修睦大之可以博施而濟衆小之亦可以利物而便民此之謂盡人之道故能參天地贊化育而垂功德於不朽今之人好言功德而不務其實競捨貲財而不善於用或建修寺院或創修會館隆之以殿庭配之以樓臺文之以金采飾之以雕刻窮功極巧動費金錢數白千萬不等而又割棄田產以爲寺業招集僧道以奉香火爲之者不遺餘力附之者入於迷途豈知神之格思不可度思果其憑依

於此否乎况今之所奉爲神者皆昔之有功德於民者也彼其聰明正直惟德是依固未有非祀而享之者而竟將有用之金錢置之無用之地夫亦何功德之有乎今使吾士民父父子兄兄弟睦於宗族和於鄉黨救人之難濟人之急修崎嶇之路造利涉之橋不務虛名廣行善事不必入廟焚香演劇酬愿以獻媚於爾大神吾知神必佑之無他功德立也渠邑西鄙靜邊寺外向有石橋皆邑之士民施貲財積功德而成之昔日者也今圯於水急應修補吾將捐廉用助興工料閤邑士民未有不好善而樂輸者雖然此不過利物便民之一端耳吾之士民各懷忠孝各向禮義各知崇廉恥而黜貪污尙溫厚而戒猥薄而又幸際昇平時和年豐當民物富庶之會正教化易興之時吾之所望於士民者惟是興仁講讓好善樂施修篤實之德成利濟之功以緜福澤而

渠縣志

卷十二 文徵志九

一一二

渠縣平民教養工廠鉛印部承印

迓天庥豈區區在於建一橋乎然即此橋之興修先以覘吾士民之向善焉

邑侯何愷棠廉泉一首

余旣建水城鑿甬通之磴以爲級有泉焉涓涓出巖石罅潺湲不竭殆汎泉穴出也甃小池潄之其清可以鑑足備中人十家朝夕之需爲顏曰廉泉誠以周官六事皆以廉爲本而范柏年謂居在廉讓之間至吳隱之咏貪泉則曰若使夷齊飲終當不易心然則人必有一介不取千駟弗顧之操而後可以當大任而不亂泉何爲哉雖民在井之坎曰井渫不食爲我心惻可用汲王明並受其福夫渫而不食至於行惻而必求王明受福以至寒泉勿幕始稱元吉焉養而不窮者不當如是耶若廉其小者也予愧未能然姑書以自警時同治三年甲子春仲之吉知

渠縣事桂林何慶恩記

李泳大斌山寨記一首

由縣東北渡江直上六十里爲大斌山寨渠人避亂之所也環渠之寨以百數而斌山爲最險焉其源出於宕渠山之別峰曰萬里坪修原長博蔓衍坡陀徑西三十里矗爲三山皆寨也在南者曰小斌山北者曰禮義城而大斌山屹然中立高聳數十仞足銳而頂豐四壁峭直劃焉如削成南北有二徑可以上下基方廣三里許可容數千人其下周圍亂石森列以代繚垣大者小者敬者臥者蹲而伏者怒而欲噬者鑿鑿然雜沓交互若猿猱虎豹羣友而嬉遊自非習居此土者偶一入焉眩迷不得出清泉數竇汪汪亂石中寨民羣汲恃以不渴明崇禎末逆賊張獻忠陷成都僭號改元地方狃於承平武備單弱遇寇率皆逃遁而

渠縣志

卷十二

文徵志九

一一三

渠縣平民教養工廠鉛印部承印
渠縣平民教養工廠鉛印部承印

姚黃十三家蜂起焚掠川東北州縣所過殘破居民匿山澤間者搜得之丁壯紵其臂以供負戴或殘殺之婦女勒其少艾者妻之其不從而老弱者悉付刀劍毋論財貲也於時里人郭榮貴憤極率其宗族及鄉里若黃若鄭若劉若周若廖楚徐鄧董羅楊等凡十五族得三千餘人協力築寨以禦之晝則幕帳連野夜則烽燧竟天有疊碁累卵之危無蚍蜉蟻子之援榮貴誅茆爲宇負扉爲固內修樓櫓外勤耕植守禦粗備人賴以安賊目吳應元者恃其徒衆屢來伺隙欲遂破大斌山榮貴不告於衆與所親數人陽相應元即行次手刃之餘衆驚潰即日遁而衆心始固乙酉十月賊目王有進以數萬人奄至將渡渠江掠梁大而東也榮貴以寨兵二千人半渡擊破之覆其衆殆近萬人諸姚黃遂嚴大斌山相戒不近左右四方避亂之士亦遂畢集於此先是縣中諸大

姓迫於賊亦各築寨自固至是以斌山寨爲宗長信使時通犄角相倚森然有盤結之勢矣久之寨兵敗劇惟明復敗吳之茂而大斌山之名遂傳遠近故明僞宗人朱容燔所署縣令吳雲龍以乾餼之忿援賊首楊秉印白大千張滿車三酋合十數萬人來壁禮義城以逼我寨刈我田禾屠我牛豕虔劉我樵牧掘發我墓墳是質首之仇也閤寨壯夫毗裂髮指每戰益力自夏徂冬凡五閱月乃間道請救於皇朝中丞李公國英遣鎮將軍馬公化豹盧公光祖以鐵騎五千精甲萬人馳救渠中各寨丁壯爭爲先驅破賊於流溪生擒數百斬馘萬千賊乃燒營而遁於是川北得以寧息先入版圖焉蓋自甲申首事爲寨至庚寅而賊氛始靖前後七年與賊相持者大戰數十小戰數百幸以瓦全所存活男女數萬人上賴朝廷之靈殲滅惡類中藉郭君之義捍蔽一方下資合

渠縣志

卷十一 文徵志九

一一四

渠縣平民教養工廠鉛印部承印

寨之人一乃心力雖曰地利抑亦人謀也余奉母避難此寨歷十二年備知情事輒爲記之

劉臨威甯風土記一首

臨以散秩謬贊招撫土俗民情茫無所知承諸大人指示方略屢稱任使稍得其概稽威郡古梁州界星分參井之餘三代之鬼方春秋之巴丸漢之巴的甸晉之朱提郡唐之烏些宋之烏撒部元之招討司明之烏撒土府也國朝康熙三年土知府安重聖與安坤通逆上命吳三桂討平之以其地置威甯改畢節永甯等縣其同城烏撒等衛四鄉八里亦裁併入府外此則烏蠻也醜類有白苗黑苗花苗龍家仲家蔡家羅鬼牯佬黑裸白裸之異其頭目有二拾餘家如雄所阿克阿底碩則古打碩衣碩六覺羅白歹等衆行必負弩居必依筭婚姻以牛馬行聘人

死則火化之打牛以祭頭日出殯費用較多凡一切衣服鞍轡插袋之物悉焚之其婚姻葬祭如此節候多寒晝則負羊皮於背夜臥則移羊皮於胸腰佩短刀以適用有爭忿不能忍即以刀戳之其野性橫行如此食燕麥飲牛羊乳赤足奔走如飛性類野雀以粒招之見一二至則千百至以石擊之見一二去則千百去其壯健輕捷如此必結以可任之信示以不測之威然後可以服其心而屈其勢所以安邊莫善於得人苟非威名素著彝情熟悉未可輕爲更易也威寧諸夷與烏蠻少異城內有九凸十八凹城外有南北二海子平闊近百里不產稻穀至三月芳草嫩綠堪牧牛馬城東關右市商賈貿易惟牛羊馬豕板木茶烟粗布之屬諸彝部法令嚴酷其所轄或以百計或以千計或以數千戶計皆俯首聽命於頭目有抗違盡其家屬折賣之所以夷目之呼應靈

渠縣志

卷十

文徵志九

一一五

渠縣平民教養工廠鉛印部承印
渠縣平民教養工廠鉛印部承印

於地方官之呼應遇憲件非數年不能結催比太迫坐視不應蓋料非叛逆罪不至誅戮也所以邊勢彝情惟求輸糧應役相安於無事若拘文牽義與腹裏地方同治則經年累月不而清案牘之煩矣節候衣食與烏蠻略同楊升菴詩云歲際豐亨惟麥飯時無春夏總羊裘蓋實錄也地勢南連霑益西近烏蒙北接鎮雄東抵宣慰扼要莫先於南北可渡橋爲威寧之南險七星關爲威寧之北險坐鎮諸夷非重兵提防未易制之倉卒也嗚乎余出燕京遊太行過棧道而見山之縱橫歷大梁經吳楚而見水之曲折至黔覽彝種撫苗情而見風土之雜異乃知大塊文章在天末遐荒之不經見者多多也莅茲土者置身於無懷葛天

之世如邵康節先生云只疑人世皆太古不信我身非羲皇行仁義以漸摩信賞罰以勸懲經權互用恩威並立所謂言忠信行篤敬雖蠻貊

之邦行矣然則因俗變化上宣君德下育羣黎諸苗其或欣然來格也哉茲奉撫憲衛公修黔志取圖說又奉郡太守宋公面諭諄諄詳其形勢風土以光盛典臨不揣固陋記此以備採擇云

賈蕤浦李儀部死難附記一首

按陳江西泰昌人由進士任廣安牧再署渠馬名乾時爲四川巡撫王則閣部督師賜尙方劍經理川湖雲貴太子太保專辦蜀寇名應熊者也考明史甲申三月思陵殉社稷福王以五月即位南京改明年乙酉爲宏光元年是年大兵入江甯田仰挾王降時五月初六也當青藜公殉難時距明之亡已四十日凶聞來否未可知然豈不知時事之不可爲者蓋志士仁人亡身殉國義固如是也天塹依然半壁不保空令遺壤孤臣含笑受刃而不悔噫青山埋骨碧血成燐百世下徵軼事撫遺

渠縣志

卷十二

文徵志九

一一六

渠縣平民教養工廠鉛印部承印
渠縣平民教養工廠鉛印部承印

編猶覺懷懷有生氣可哀也已錄之不獨見當時情事且以備輜軒之採今墨跡猶存宗祠其子孫世寶之云再按舉人曹司冀志皆作彝楊虞裳喜得李眉生廉訪佚詩記一首

庚寅長夏偶檢故人鄧仲岷遺齋中乃夾有李眉生廉訪詩一卷前缺數頁眉老手自繕寫紙眉詩尾往往有倪豹岑中丞教金甫比部題語諦觀乃廉訪癸丑後作甲寅冬錄詒金甫者然丙辰後又有續錄非一時筆也廉訪寸氣飛動造詞渾雅穿心鏤脅雅近李長吉高華鴻朗又似高青印近黎蕤齋星使刻其遺稿於東瀛裁二百首半晚年作溧陽強良庭叙謂前此述志感事之作什不存一二靈落可知也詰嗣遠辰觀察往歲來都摻葺佚稿竟無所得余無意中得此册若有物相之將告遠辰且抄寄黎強二公當共快也廉訪工作楷體勢神韻在晉帖隋

石之間同治庚午余客吳門廉訪叙其尊人與先大父交誼餉遺名理
懃懃甚摯以手權莊子文選楹聯贈行今二十一年追想清塵能無腹
痛此卷行書秀逸有稜大似樗寮摹右軍蓋三十歲前書取徑已獨別
如是此亦一鱗片甲願與鄉人愛護文獻者寶之

楊虞裳渠邑賑荒記一首

黔南杜侯來宰渠下車日先理倉儲言歲欠多蝕盡出易之逾年谷大
賤遂得濟倉谷二千四百石又厘各藏廩得樂字廩谷千七百石於案
無稽曰閒谷又厘各社倉多積逋立拘社長責償怨者曰社倉積自我
先人民貸而民收之侯何爲爾侯曰嘻彼無然吾渠享豐綏福久矣居
安思危有備無患矧倉儲尤國家首重乎越三年丁丑歲遂稔早起通
南巴達災連渠不二三獲斗米銀一兩迤北尤甚桐根英本爲糧至不

渠縣志

卷十二

文徵志九

一一七

渠縣平民教養工廠鉛印部承印

得而死流亡載路不審爲鄰境本境之人也侯始貸帑金招商販勸富
民出谷平糶兼准貸社倉谷之半蓋其時社谷已積至三萬餘石矣於
是有服侯之成算者先是鄰商有齷私越境邏獲之得鹽三萬斤售銀
千兩有奇侯曰此非天濟我迤北災黎耶遂請大府併樂字倉谷先賑
三滙等十場災院批來而民困已一蘇矣是時也邑災漸弭鄰饑實甚
郡城粥賑旣與災民麇集不而殍者尸相枕籍又南江賣糶賤衫變幾
不測渠乏食游民值歲暮因肆訛言侯憐且慮戊寅正月邑人以公象
侯於是有倡資勸賑之議無應者越日侯乃集富紳以大義告之曰邑
邑有旱荒貧民之災非富民之幸也鄰有不戒他邑之變非吾邑之福
也內顧者外患不乘諸君未之前聞乎夫災象已成旣困若此豈諸君
貲能溥救哉然善氣洋溢自可以回天也宰官如傳舍而渠者諸君之

渠也宰倡之而渠無知之可乎以五百金署冊首由是富紳毅然即日集二千五百金是夕上書制府請三事一緩徵比二免津捐三發帑助賑僅允緩徵餘不報且奉司檄令以寶塔捐法集民資救秦晉災時閭邑貧戶冊已投鄰縣蓋不下三萬戶矣侯益焦灼因請仿塔捐法先濟本邑而後鄰省又不報侯蹙曰求牧芻而不得則反諸其人然又不忍視其將死而去也吾其憊乎於是僅請以濟倉加賑社穀全出貸而侯亦病甚邑矜耆聞者皆感歎曰侯爲渠如此渠人何敢自安咸請由民間自勸令有餘濟不足侯霍然曰諸君謂我慮上司責耶吾亦憂民力不逮耳果爾願公無私寬勿刻則賴甚矣衆乃相率禮於關壯繆祠瀝誓而往各就其鄉輾轉勸募禁抑勒慎頒發絕浮費皆上其簿於侯蓋四月之久而賑務秩然就理焉惟時制府亦廉知渠災允發棠之請且

頒五百金來助而商船沂江而上者已銜尾不絕米價大平民困遂一再蘇議者謂渠災越十月侯之心相終始無法不籌要皆恃倉穀爲大宗然後知侯之斤斤於庾藏者蓋早爲今日之計也是舉也官紳捐賑銀五千兩有奇各鄉捐錢七千緡有奇侯令以院發帑金易爲穀併濟倉穀作初次賑每丁獲谷一斗一升以官紳捐銀作二次賑每丁獲銀一錢小丁二爲一丁以各鄉捐錢由各鄉自散作三次賑每丁獲錢數百及一二百不等視其鄉之捐數爲差領者有符捐者賑者有榜事至周也通賑閭邑極貧一萬七千餘戶大小四萬餘丁口補遺又萬餘丁口而迤北之民蓋四邀賑貺矣餘銀一千七百兩有奇盡輸以濟秦晉公之至也襄是役者孝廉文君駿拔萃李君澤培金君傳培廣文王君步唐李君儒林茂才石君映奎糜君星文王君炳焜楊君德深職員

王君澤澍國學楊君亨衢沈君以慎蕭君典坤戴君章美范君國琛捐
貲尤鉅者楊君際春王君興庸熊君生成劉君希聖陳君芝豔陳君鳳
揚符君剛鈴張君承瑞是時大府又有募粟濟陝之令經侯請免之論
曰比歲以來荒旱迭興冀州太原陝右之墟著矣以曾(國荃)譚(閣)敬
銘(李)之籌濟川楚皖淮之輸粟曾不小補之數公者當亦思得幹濟
之吏如侯以紓宵旰憂也侯嘗言昔治秀山有矯令發粟事余未之見
茲之政余皆目親之誠哉其難也渠旱十閱月賑議興而雨賑畢大雨
時乃有秋禾產雙穗然則天人之際蓋可忽乎哉

頌贊類

宋

吳薦黎鎬贊一首

渠縣志

卷十二

文徵志十二

一一九

渠縣平民教養工廠鉛印部承印

三傳融心六一攸契經術揚廷結知英帝學仕兼優借留斯致牋簡遺
言百世爭媚

箴銘類

清

楊蔚起忍字銘一首

按此銘用韻與古韻部目
及平水諸今韻均有出入

忍之爲字心上加刃凡氣初動一發難禁欲禁之時利刃錐心熬耐不
過依舊肆行禁之如何氣要收斂如川遏防如虎閉圈方其初禁撞擾
難堪事在強制所以爲難禁之既久道心明靜禁之既多氣質和順忍
無後悔忍無近憂由勉幾安寬裕溫柔

辭賦類

古體一五言

唐

李青蓮南陽寺一首

惜彼落日暮愛此寒潭清西暉逐流水宕漾遊子情空歌望明月曲盡長松聲

清

督學吳冲之靜邊寺一首

暮徑盤龍山宿宿翠微寺門左屹一碑駁落魚魯字上言天上麟姓出偃王裔嘗刺靜邊軍舍宅後唐季下言萑苻盜闌夜胙筮笥縛僧強劫金頭斷金不畀要使七寶粧永證三摩地是為佛堂院佛火罔失墜自餘七八通修造付摹記雜以有韻篇百吻驚騰沸而我攻其瑕知人必論世佛院宋始名軍州宋始置明宗入繼初豈預改官制年時登小康

渠縣志

卷十二

文徵志十二

一二十

渠縣平民教養工廠鉛印部承印
渠縣平民教養工廠鉛印部承印

焚香格天意閩王紛度僧爾宅諒可棄真人掃竈紫母乃啓放廢投老寄沙門覽古發疑義攝山蹟自垂輞川賞難繼世間佞佛處亦復分顯晦跌坐憺忘言柏堂響寒吹

邑廣文丁升雙忠祠一首

青青嶺上松歲寒方顯翠灼灼爐中金烈火終無忌臨難不捐生豈成千古志明季賊猖狂城守渾無備李公歸養親未幾居喪次獻逆禮相招百誘終不二編素興義師傾家治戰具奮激桑梓心半載靖狐魅餘黨未盡除淪合仍作崇血戰篆水濱殺身成大義公兄復弟仇不度暗行刺昆季雙盡忠慘霧迷天地河山失舊容草木皆含淚伊人既云亡邦國亦殄瘁明德萬年馨祀典千秋暨

李鶴汀古意二首

桂生泰山阿朝露挹其英馨香遍林莽高潔可人情自憐山下池形影
與之迎深秋沐素月蕩漾滌塵氛願爲女蘿花托根附爾身常使松柏
風爲我颼颼鳴

峨峨趙城門直接邯鄲里里有少年意氣爲人死衆人徒嗷嗷甯解
丈夫志丈夫常苦悲感慨日以至何當騎大鵬飛過滄溟水俯謝鸞鳩
羣蠅聲徒細細

李鶴汀發彭湖一首

水際無端倪孤舟日夜發湖平九派寒日沒萬頃闊怒石落秋濤蒼茫
捲春雪汗漫戒客心一葉任飄忽緬想鼎沸初此地鳴金鐵親提百萬
師勢若無吳越樓船方震蕩一炬隨煙滅冰結連環鎖波冷胭脂血至
今三百載夜夜愁題鳩感往撫壯懷擊楫浩歌烈鑒子固無成王氣亦

渠縣志

卷十二

文徵志十二

一二一

渠縣平民教養工廠鉛印部承印
渠縣平民教養工廠鉛印部承印

銷歇天道有廢興人事隨轉轍過眼等逝波代謝無時輟惟有湖上峯
依舊明孤月

李兼三秋夜讀書吟一首次夕又題一首

書不厭人讀况當秋夜清讀書尋吾樂無端感慨生明月入我懷秋風
披我襟力學在千古相希惟一津津筆與舌不惜秋光竭聲挾海雲
飛氣共幽蘭咽三復精神見處處開生面欣然賞所得聽者皆忘倦憶
昔海上來飄零鬱未開良朋啓書閣爲我滌塵埃今夕復何夕清興更
悠哉遲暮天心見幡然喜讀書書聲連蟋蟀涼月浸秋梧何人閒玩月
且擊湘筠節停手忽歛歔多應歎老拙

李藝圃瀝情吟四首

白雲斷雁圖

我年十八時慈母棄兒逝五弟襁褓中日夜啼不止一聲一腸斷旁聽
涕瀟瀟老父重悲淒摩撫嗟何恃兄嫂兒女牽顧此復失彼我時尙未
婚眠食責諸己包裹布與巾中夜再三起鄰家哺乳盡軟嚼糜粥飼得
其熳爛睡背燈究經史放聲口苦箝回顧淚漬紙如是者六年通籍成
進士拜命官農曹我父聞之喜遠攜兩弟來觀我出而仕自冬越殘春
日厭緇塵眯柳風三月和劍閣一鞭指李弟遣隨行五弟留京邸牽衣
蘆溝橋離別從茲始別行片言勗節報天子吾老力強健母心繫甘
旨翻身上馬去淚落渾河水誰料一月程風露疾難理可憐逆旅中竟
作捐館地生無以爲養死無以爲禮嗚呼天蒼蒼此憾無涯矣幸賴邑
宰賢高義脫驂比當我未至時觸事自經紀及撫柩呼號婉慰節哀毀
至今款曲情緘封在骨髓是時九月交秋風吹菊蕊扶病輓靈輶雲棧

渠縣志

卷十二

文徵志十一

一二二

渠縣平民教養工廠鉛印部承印
渠縣平民教養工廠鉛印部承印

經迤邐猿聲天上鳴慘切入我耳峽勢日邊迴磔折我趾我前咆猛
虎我後叫蒼兕行路飽艱難安厝事始已庚寅季弟亡乙未兄又死相
距數載間零落已如此遺七八孤雛嗷嗷竟誰倚雖有小弟存生事拙
如蠟哀我骨肉懷生死隔千里我欲踏寒郊陟岡陟岵白雲生遠天
鴻雁度隴坻雲盡雁行斷極目空指似因將酸楚心寫入畫圖裏寄語
後來人此意莫輕視

蘭省晚歸圖

我之高祖公寸心具千古讀書見大義筮仕飭篋篋三年守孟城春風
動淮浦去時截鞭鐙攔道走兒女北遷儀曹郎再轉主客部是時妖燄
張鬼車啼夜雨請假奉慈闈賊已陷夔府延緣山谷間取道向南楚牛
載歸故園膏血塗村墅弟兄舉義旗殺賊猛如虎馬蹶遭繫維奮舌就

斤斧江翻血淚紅月照丹心苦大吏闡幽光採掇陳當之重荷國恩褒
賜諡列祠宇至今肅典禮兩地薦邊俎我生際太和微才一篋筮備員
首丁丑歷十九寒暑初從戶吏曹叨陪鵷鷺序十年擢御史法官簪鐵
柱羣鳥看往還古柏空摩撫旋復拜瑣闥是年歲甲午秩慚次第加事
乏絲毫補如何職守乖殃咎實自取惟帝曲矜全鑄級赦愚魯續命移
春司感激涕涓涓自憐蚊翼輕未克鋒鋌拒再拜天地慈摩頂心自撫
容臺高峨峨禮樂中備舉惇典三綱正吹籥百神敍不道百餘年小子
此接武事業感年華家學溯規矩進思與退思夙夜縈心緒問我歸來
時夕照餘幾許職盡心始安身在力強努近以報吾皇遠以慰吾祖
載書過峽圖

巫峽七百里突兀天下壯連峰走長蛇對面勢相抗中湫大江流鬱怒

渠縣志

卷十一

文徵志十一

一二三

渠縣平民教養工廠鉛印部承印
渠縣平民教養工廠鉛印部承印

蛟龍讓逆舟鬪水勢牽挽巉崖傍若無萬卷書何以壓巨浪天子盛文
藻學海波瀾漾宏開獻書途讎校天祿上多藏錫賚加次亦拜縑纈煥
乎文明治士氣一時旺我學久荒廢沙溪縮寒漲心希祕閣奇延頸屢
忻悵有如嗜飲徒饒涎落酒盞吾家棄產人好古志高亢嗟我無田園
購蓄安所仗約躬節清俸庶幾免嘲謗一年營一帙漸積成岩嶂譬彼
窮措大斗掘珠玉藏客過笑書淫一一資醞釀吾蜀古多才絕學揚馬
倡歷唐宋元明淵源大流暢爾來復誰繼文獻感凋喪經籍半殘闕後
生失宗仰買舟裝載歸高擁談經帳老宿擴見聞多士啓昭曠兼以謝
父老即此知宦况豈惟父老知江神或相諒狼頭鹿角灘孤帆烟中颺
劃破青琉璃坐聽舟人唱

節簷望闕圖

春風銅魚洲雨散一江綠滄滄溼雲起薄蓋溪南竹田家力東作御此
老穀舂東塍分秧苗西崦理溝瀆裹飯走婦子催耕啼有穀日暮行荷
犂土盎酒初漉啣盃息勞筋還課兒童讀一別十餘年此景常在目國
恩未粗報焉敢問茅屋游魚思淵潭老馬戀豆菽二者交縈懷擬向季
主卜他日乞身歸誅茅背幽谷縛帚掃先塋刈草培宰木然後樹桑麻
次第蒔苜蓿鄰翁醉杯酒子弟聚家塾竹簟暑風涼茆簷冬日曝相與
談金鑾補註歸田錄要使識深恩爲使後人勗人生無百年富貴一風
燭忠愛苟不虧安用展遐矚分遠或相忘隨事可根觸西來劍閣雄東
去巫峯矗何處望觚棱兀坐自往復

燕宅安題李給諫白雲斷雁圖詩後一首

十載役江南風塵慚鹿鹿癸卯歸舊園今年七十六兄弟折雁行兒孫

渠縣志

卷十二

文徵志十二

一二四

渠縣平民教養工廠鉛印部承印

寡存畜老病撫殘軀風簷展書讀欣聞我公回素車容有蹙投鞭謁祖
塋淚灑墓旁竹哀餘訪故人貽我錦繡軸連月未啓緘因多感骨肉雲
棧杜鵑啼血淚千萬斛手足戀同胞罔極懷顧復移孝報君恩憂居南
山麓遙知使君名九重金甌覆

閻檢瓦合關阻雨一首

雲氣濃於墨長風吹不開雄關吊炎漢瀑布失驕雷倦鳥歸山疾勞人
振策來牢愁方待寫那更雨相催

賈蓀谷王節婦行一首

男兒重猷爲女子貴守身苟無智相濟舉步皆遭迤咄咄朱氏女子歸
王居倫傳聞嘉慶初教匪方縱橫堅壁令未下瑣尾極苦辛猝然與賊
遇徧地成荆榛勸夫遠逃避急智出逡巡取彼釜底墨塗面雜埃塵藍

縷衣破絮垢穢彌衫襟賊徒不敢近竟終作完人青年失比翼子幼姑
六旬仰事並俯育子然奉朝昏七十有三載大節高松筠女宗百世師
來者知所遵

賈蓀谷葉氏貞烈吟一首

白璧有眞堅蒼松失故緣如何女兒花化作湘江竹媚媚閨房秀生長
好龍族三五二八時亭亭玉在璞相攸獲清門羊求三徑速已看芹在
沼遐想鴻漸陸無何困二豎膏肓不可逐世無返魂香即命何由贖拮
据視含斂珍重具湯沐附身與附棺一一竭粧簾朔風冷繡帷清晝不
敢哭夜靜人語稀曲房自結束繫我嫁時裳著我來時服組練三尺餘
香魂竟不復傳聞驚里閭嗟異動流俗同穴志卒伸唱隨心不耻天道
豈茫昧人事多局促遙知墓草青定生連理木

渠縣志

卷十二 文徵志十二 一二五

渠縣平民教養工廠鉛印部承印
渠縣平民教養工廠鉛印部承印

賈蓀谷題水城圖一首

峇嶢倚城隈崔嵬俯江瀨萬山環匝匝一水縈襟帶粉堞如列屏危樓
若張蓋俯仰景全收游眺勢無外奎壁爛光芒元冥供藻繪名以得月
奇人覺臨風快緬懷辛壬交時警荏苒輩城圍重啓閉杯水若沆瀣涓
滴苦憤爭市井殊狼狽歲月駛遷移垣墉聳夾寨綆汲免負扉符調易
拾芥我來重登臨指屈增感慨往事已云遙新庸固攸賴隔岸聞疎鐘
遙庵起梵唄

楊立之望廬山一首

岷峨日對門隱几意不厭尙嫌眼界小名山要歷遍赤縣崐崙圖臥遊
終汗漫五嶽未曾歸難言山不看我從九江來匡廬插天半青冥一搔
首指點層空見烟雲生虛渺俯仰極萬變天風忽盪開現出眞日面飛

泉掛雲表奔流雪一線五老與香爐奇特歷歷獻坤輿實鍾靈秀爲寰區冠松陰隱約間金碧暉佛殿到此始知奇涉想等夢幻唐賢曾結廬宋儒每開院幽棲見道心今古爲良伴我思騎白鹿來往茲山慣虎溪揖頑仙長嘯過南澗遺榮學無生何有簪紱羨

楊虞裳峽中雜詩六首

解纜出夔州白日忽然匿地險鳥路長山逼江勢仄怪石撐哈呀峭壁立另崩舟從複道行一綫漏天色鳥影掠空過舉頭失飛翼巖窟何巉巖遠視深黛黑上有千丈籐蟠拘縛榛棘奇花各璀璨欲採不可得終古自生春恐是僊人植

三峽本頑石歷劫經鴻濛中古始開鑿茫茫欽禹功丁甲用重律鬼斧磨青銅一劈忽兩分義畫開當中百代驗鑿痕猶若新鑄礪憫此太古

渠縣志

卷十二

文徵志十二

一一六

渠縣平民教養工廠鉛印部承印

璞斷喪心忡忡

西川有門戶劍閣天下雄雙扉鎖巫峽乃嶂金蜀東所以三載後割據興兵戎拊背而扼吭形勢踞高崇樓船下吳會不泊乘長風胡爲五季後弗拒偏師攻逆流以順取縛之如樊籠王業不偏安此語將毋同在德豈在險逸居儔克終

二十青芙蓉崢嶸勢絕倒中有一峯秀宛若女子好萬古月爲鏡眉黛恆不掃咄哉宋大夫作賦抒懷抱雲雨事荒唐千秋誤文藻西方有美人懷思令人老

奇石強象形馬肺牛肝胃陰巖橫鐵棺萬古吹屍氣或云藏兵書仙籙傳猶未慨彼三代還載籍遭秦燼殘破陰符經沫胙求所謂浩劫歷紅羊天地干弋沸此册竟無恙取之不可既不使英雄讀無用安足貴我

懷黃石公仰視發長懷

朔風吹古木落葉下荆門一棹巉崖際空山啼暮猿江色千丈碧波濤
驚我魂明月不下然星斗鳥可捫舟中四五人酌酒倒金樽雖此身逼
仄氣若雲夢吞曉起向東流舉目殊乾坤茫茫大江上萬派明朝嗽
竹陽舉人王懷曾碇硎場觀音岩春秋樓題壁一首

關門當天開松驚石裂骨危岩截山勢萬丈落嶢岬岩間有飛樓闌千
迤以修停輿一眺覽天荒元氣游紅日起突兀照耀萬古愁晨煙倏已
散歷歷見原疇西指李渡河巴江天際流蓬南接玉壘余屐亦已稠今
當遠行役右顧益悠悠燕秦照何處關塞滿神州乾坤鬱浩浩一去幾
時休曠覽不可極翻然還下樓樓前一石佛屹屹當人頭佛佛爾何苦
露立道旁土看盡往來人千秋悶無語

渠縣志

卷十二

文徵志十二

一二七

渠縣平民教養工廠鉛印部承印
渠縣平民教養工廠鉛印部承印

邑侯何慶恩老龍洞禱雨詞一首

維同治三年季夏初生魄宰官再薰沐爲民祈雨澤寅僚志偕殷父老
惻同積册里叩龍潭渾忘炎日赫伊余猶有詞默訴神其格辛酉苦烽
烟閭巷少人迹壬戌泊癸亥妖氛迫咫尺吁嗟此元元元氣幾銷竭况
復兩年來西成皆薄瘠供億關君親轉徙營窟宅急公亦顧私坐是舉
蹙額自從下車來觀此心兀兀惻隱人所同猥云如保赤痛癢繫蒼黎
幽獨秉潔白凡以殫靖共求於民有益深維持守疎薄德每留隙寡過
慙遽瑗旬宣愧公爽因之遭神怒旱乾示懲責前年祀田祖祈穀先祈
麥去年效桑林跪禱膝洞骨今年撓槍掃饑饉迺相迫大官軫民依賑
糶檄絡繹偏值古方州風鶴傳警劇差幸一鼓擒餘孽慮飄忽昊天胡
不弔屯膏逢五月老圃泣豆枯老農愁耕石自省還自咎蘇因果何策

惟神庇梓鄉英靈衆口藉猶龍溯祖風仙根派奕奕相傳神爲邑人姓李名昂靈源

富終古漑潤周阡陌洞外二十餘里稻田錯置皆恃源流數千百年未苦旱廟貌新巍峨時方倡修廟庭

匍匐陳幣帛乞與萬家春長繩汲千尺所期觸石雲膚寸合旦夕所禁

箕好風毋泥雨師輒庶幾民有賴庚癸呼頓歇况當帝祚昌助順靈惟

百聰明而正直職甯負龍伯俗吏誠何心戴鰲矢肝膈天高聽自卑待

命滋踈踏請看環跪者都望苗興淖

古體二七言

宋

彭公儀遊西岩乳泉一首

西巖風景天下絕幽竇洩出山之脉滴瀝無間古與今常陰洞內層冰

冽風清夜寂夢初回忽聽天籟聲相協渺哉大塊深難搜雞子之中聞

渠縣志

卷十二 文徵志十一 一二八

渠縣平民教養工廠鉛印部承印

巧說其間清濁氣分行清者不長無少洩至今間世生靈哲感君神靈
瀝成血明仍利物濟時心湛若靈源常潔白君侯志尙源泉潔重物惠
民揚祖烈公餘行樂此登臨一賞目愜心神悅歸來吟興殊掀揭金玉
象珩刊美碣大都景物有時興况逢公是詩中傑我聞世有泉石心或
由矯激成狂吟惟公寓意遠且深直期後嗣流清音

明

李青藜湖雁篇一首

北風吹水寒波咽哀鳴夜度平湖雪雪重湖長不可度聲意迴翔備淒
切黃蘆汀畔去紛紛紅葉林邊斷續聞飛飛片影暗相索驚心吾正在
離羣孤帆渺渺深烟裏迢遞旅愁中夜起淮海淹留凡幾年蜀江西望
八千里千里江流自蜀來潺湲先遶我池臺應見池邊霜後草應知池

上月徘徊徘徊素影生寒樹此時水落鴛鴦渡渡口蒼山一萬重銷魂
東西南北路不堪回首重憶君知君夜夜望高雲雲邊瞭嘸多悲嚮訴
向霜空各有云

林明輔李儀部殉國詩一首

前志按林君
為儀部弟子

人生大節不數傳間氣天鍾詎偶然緬憶吾師李儀部千秋如昨動流
連吾師尚在冲齡日器宇磊落人無匹六歲能解詩書語十五已造大
成質發軔一鳴便驚人掇第庸於拾家珍彤廷對策據夙志條條直切
摩蒼旻鳥飛甫試在三阿治蹟編垂史册多翕然稱頌神明守四達廣
揚召杜歌已擢春官更組綬孺慕猶慙念太母省親間關馳鳥道辛苦
那堪再回首比至太母疾已危侍俸湯藥悉躬炊晨昏定省衣不解鬱
咨憂懼色深薰逾月太母稱永訣哀毀骨立水漿絕躄躄徬徨弔彼蒼

渠縣志

卷十二

文徵志十二

一二九

渠縣平民救養工廠鉛印部承印
渠縣平民救養工廠鉛印部承印

痛念生我腸百折我師哀戚正無已適值前明氣數否顛沛不貽終天
憾太母靈安九京裏中原鼎沸不可當羣逆搶攘勢披猖逆首聞公名
藉甚百番招致獨翱翔時有勇義數百千從公勦逆共爭先矢心王室
傾戮力貫日精忠氣震川鼎鑊如飴全蓋節俠骨霜寒六月天幾度追
維幾度傷兩全忠孝豈尋常風雷不變心懸日浩氣於今尙未央應是
聖王稼隱節崇追旌謚闡幽光

清

邑廣文艾向亭輓李天培一首

李生天培繫何人獨立七尺昂藏身雙眸炯炯若有神手披口吟編簡
陳發爲文章鄰大醕三代而還窺無垠珠光劍氣久埋塵初來見我江
之濱同舟三日談津津間出一語或超羣乃翁固已先析薪有子如此

家不貧桂林何公來牧民手持玉尺量雄文暗中得生驚絕倫拔置第一加陶甄得一知己士氣伸况復善誘稱循循益自刻勵求真奏技已比老斲輪文宗按部羅席珍龍門魚尾咸莘莘詎知二豎來無因臥病旅邸聞哀呻力疾強起含酸辛名揚雖死能顯親果然吉報來紛紛賀者入室吊在門恩予俯舞列成均許以儒服冠儒巾嗟哉李生何不辰有才無命古所云飛花有時飄錦茵忽然墮溷甘沉淪人生如露晞陽春疇能長與造化鄰但有姓字留青筠其骨雖朽名則新我爲作詩壽貞珉搔首踟躕呼鴻鈞

邑廣文艾存陽同邑侯何慶恩詣老龍洞請雨途中即成一首

火雲推日初出山我行正踏田塍間向來露草溼芒屨今日望澤何其慳赤霞萬丈燭霄漢勢如野燒正燎原豆隴塵揚葉已萎稻畦土裂苗

渠縣志

卷十二

文徵志十一

一三十

渠縣平民教養工廠鉛印部承印
渠縣平民教養工廠鉛印部承印

將乾大地如焚欲焦死十日不雨生意艱村旁孺婦立道左鳩形鵠面不忍目嗟我日盜太倉穀未免對此心爲酸月來城市百貨踴斗米將及二千錢設粥賑饑雜粟米補苴尙慙恩施偏爲民父母豈易事救死不瞻責在官竊思龍亦守土者心忍坐視漠不關洞前流水日浩浩西江一滴非真難我隨賢宰虔禱祀跋履敢求一息安願乞龍湫瀑布水灑爲霖雨速且寬毋使小民饑餓死鏘語反咎神素餐神兮神兮鑒此意隨車應載甘雨還

邑廣文艾存陽禱老龍洞得雨一首

東坡昔作責龍詩意有所觸詩發之龍本聰明正直者民間疾苦豈不知人自不與天相應以此咎龍龍何辭流江歷歲嘗苦旱轉移皆賴良有司去年步禱跪且拜當膠膚裂親胼胝果然甘澍應念得嘉禾四野

流膏脂今年米價忽騰湧道殣相望聞嗟咨皇天彌月久不雨高田下
田成漏卮眼前渴鮒渴欲死西江一滴誰注茲齋祓共禱老龍洞要使
白雨翻天地精成既至天可格隨車汎洒真及時雨不貴暴貴霑足甘
霖三日雲猶癡簷前餘溜響浙浙膝畔活水流浙浙老農戴笠喜相報
已見百穀生意滋乃知神力原可致旱甚非真天不慈宰官視民先膈
膜焉能妄冀天澤施請看今日虔禱意隨感立應夫豈遲此邦炎熇亦
常事安得守土長若斯吁嗟乎安得守土長若斯

余遂生恭賀邑侯何詣禱老龍洞得雨一首

我公愷澤字曰棠霖雨宏才庖是邦三年吏治稱循良軍役不擾勤保
障鄰境謀報銷纜槍無奈旱魃復爲殃往歲乞雨如乞漿拜跪不惜膚
剝傷今茲夏季旱莫當百里無雲苦驕陽彌月不雨民心惶苗而不秀

渠縣志

卷十二

文徵志十一

一三一

渠縣平民教養工廠鉛印部承印
渠縣平民教養工廠鉛印部承印

米昂餓者在道頻相望舉國洶洶勢若狂平糶賑饑傾困倉爲食於路
豐饌糧宰官憂心食不逞百計圖維祈金穰蜥蝥無靈術空張魯侯豈
眞焚巫尪桑林六事責成湯席薪掩骼右有方侯亦返躬齋戒將薰沐
步雲恭行香龍湫古洞老龍藏潛心默祝神降康果然精意通窮蒼歸
途倏見舞商羊膚寸雲合遮曦光天心仁愛徵德洋甘霖三日遍井疆
苗興淖然農夫慶屈指西成歌滿箱新詩喜雨誌無忘咳唾珠玉多琳
瑯我亦鼓吹索枯腸下里續貂當和章

葉光宗頌知宣城于飛段老前輩一首

君家世代鐘奇秀霖雨蒼生推世胄眞才入穀稱得人丰采迴出時人
右牛刀小試豈大伸一腔生意顯諸仁訟庭只見閑花落那有桀驁志
不馴苛政剔除擒猛虎一日風波起平土越石不現太守廉羣情共戴

天尺五官海浮沈落江東歸來兩袖舞清風我援董筆寫小影史館編入擬吳公

荆溪湯原振儀部李公昆仲靖節詩一首

歎息男兒似巾幗華國文章竟何益慷慨當年思致身乃於末路令人惜郊生戎馬不欲聞河山如故今非昔誰是睢陽張許倫捐軀赴敵甘鋒鏑宕渠惟有李先生白面書生心獨赤家敦孝友重鄉評昆弟相師凌健翮年少成名筮仕初秦郵刺史聲嘖嘖三阿治績奏明廷特拜儀部歷主客孺慕慈幃乞假歸流氛突熾人從逆先生徒跌入西陲北堂疾篤嗟無策哀號未已神器移仰天椎心欲斷隘誓將一死答君恩縲絰沈淵觸沙磧賊衆知名以禮迎迴瀾宛轉羣爭獲不避刀鋸又何言厲聲慢罵怒欲磔義旗共戴脫繫維孤忠感激一當百提戈灑涕躍重

渠縣志

卷十二

文徵志十一

一三二

渠縣平民教養工廠鉛印部承印
渠縣平民教養工廠鉛印部承印

圍力盡何妨屍裹革爰知馬蹶不由人千古英雄血皆碧男兒矢志在成仁前軀猶有執父伯一門忠孝並流芳累代賢良應奕奕扶植乾坤賴有人留遺天壤光書冊

邑侯李良齋李公昆仲盡節詩一首

宕渠山水足盤桓水帶山環秀可餐正氣鬱結已千古效靈篤生鍾二難至性純孝雙承歡非關立異薄爲官天奪慈親正號泣那堪獻逆食人肝破家起義期奠安攻城連捷賊膽寒無何陷身不屈死空餘碩果回狂瀾進討未幾亦被殘令人思之心悲酸幸際聖明崇祀典芳流百世並清湍我來拜題誌景仰敢云濡墨擅詞壇

李鶴汀天涯路一首

天涯路年去年來無着處冉冉斜陽浸綠波朦朦細雨迷春樹不知底

事繫心頭撥盡鴟絃留不住一曲離歌唱未終鳴鞭亂踏紅塵去去馬
匆匆不少留花邊亭館柳邊樓水遠山長望不到十二珠簾嬾上鈎唯
有垂楊知別苦婆婆亂拂去人頭

李鶴汀東垣道中一首

君不見遊子心易悲天寒歲暮霜風吹滹沱凍合冰如鐵僵殺侵晨馬
上兒年年臘月魚陽道十里九里無青草枯桑海水亦有知明鏡秋霜
那不老竭來浮食京華春空教塵土撲烏巾誰憐盡日高樓上手捲珠
簾望遠人

李兼三聽蟲吟一首

同本舊題李鶴汀
孝廉此依嘉本

天何高乎氣何清寒蛩夜雨響秋聲聲連月色滿山城到耳無端百感
生如怨如慕復如訴願達穹蒼知其故穹蒼居高不聽卑况爾微渺兼

渠縣志

卷十一 文徵志十一 一三三

渠縣平民教養工廠鉛印部承印

無路苦無路兮可奈何秋風秋雨此日多徘徊不欲聞悽切獨向長空

明月歌

李廷英登雲霧山感賦一首

人人只說靈山好白雲深處無人曉我撥雲霧向極登回頭一顧羣山
小環拱宛如五老峯傑閣高出九華表石碣翻成無字跡王孫鐵畫獨
矯矯昔聞護法虎牧牛今見閒鷗狎羣鳥我臨此地獨徘徊那得摩空
任縹緲

李廷英雲合里祝邑侯繆公壽歌一首

君不見甘霖下降祥雲作雨滿渠城花滿郭春酒遙知柏酒香南山有
臺歌假樂我侯自昔宰名都王事勤勞得分符此日巴江歌一曲兒童
父老盡歡呼

賈蓀谷挂榜山歌爲介屏王大尹賦一首

太原大尹雙鬢皤家世鼎貴稱鳴珂渠江再莅好風雅遺文賸跡勤蒐羅是時歲豐年穀賤夏有瑞麥秋嘉禾迎人遲遲春日暖拂面習習融風和攬勝尋幽約儔侶清江路古石盤陀文峯魚洲供指點湧月臺高鬱嵯峨舊聞此山名掛榜穹碑曾豎山之阿今我來游遺跡盡俯仰今昔呼奈何國家右文登俊乂搜訪遺逸穹烟蘿學臣三歲一校士春秋二榜無殊科流江自昔號文藪芹藻中泚育菁莪况今文治覃敷日武城絃誦紛吟哦邇來風流少圓寂攀桂希折蟾宮柯豈伊人文有衰盛將母此碑湮則那培風自屬有司職歸來中夜手頻搓廣咨博訪諸故老芻蕘下逮漁樵蓑神物隱見果有數申明停畔碑無佗亟令胥徒拭塵垢捆載何須數馬馱歲久文漫略可辨偏旁點畫分磔戈上書隆慶

渠縣志

卷十二

文徵志十一

一三四

渠縣平民教養工廠鉛印部承印
渠縣平民教養工廠鉛印部承印

己巳春仲吉掛榜山字無偏頗誰歟建者繫銜具主簿劉坤名未磨典史馮雲登次列訓導王鼎肩相摩鼎上一字不可識以指畫肚嗟文訛奚爲不見縣公字徒令上佐相委蛇屈指二百七十有七載感慨令我三摩拙明祖開國戊申歲四先生首朝紳挖二百二年逮己巳穆宗四載茲碑蟠虬蚪明運終於甲申歲三月二百七十七年何蹉跎傳聞獻賊屠川蜀北極漢沔南牂牁城郭毀夷陵谷變割剝不舍雞豚鵝是時此碑在何許無乃鬼神煩守呵拂拭竟日爲三嘆豈異晉室諸銅駝大清膺圖歲在甲於今乙巳紀初過適際二百有二載天遣賢侯來滹沱政寬民樂歲屢熟號令期會簡不苛農夫隴上勤耒耜機女閨中無停梭游刃所及謹庠序退食不愧羔羊絃念茲遺碑關掌故摹勒山側書擘窠大書深刻無令風雨蝕絕勝度尙碑曹娥廣徵吟咏紀歲月採掇

不棄槃澗邁渠人觀此咸自勵振聳何殊辟雍鼉位看人文盛蕊榜風
雲直上金鑾坡掛榜山亦筌蹄耳龍則有媒雉則囹羊公遺愛峙峴首
末與瓦礫沈江河通濟門前春水波今我爲侯作此歌萬事一往何其
多歌成願侯泐山鐫千秋多士相切劘相切劘勿令志士長坎壈勿令
後世空婆娑

賈蒨浦掛榜山歌爲介屏王大尹賦一首

皇帝二十五年冬邑侯來宰城芙蓉政肅民安百廢舉更謹庠序敦蠶
農乃得奇觀所未見文光佳兆牛斗衝平地殷作鞶韠響有似足音空
谷遼短碑三尺見一角宛如螿蟻蟠虬龍爰假人力拽之出鋤鑿齏齏
長斧登鼉鳳之狀何嶷嶷古字剝落蒼苔封邑人來觀聚者衆亦有老
人扶藤筇洒灑忽見掛榜字奇姿古態昌而手上鐫隆慶己巳歲春仲

渠縣志

卷十二 文徵志十一 一三五

渠縣平民教養工廠鉛印部承印
渠縣平民教養工廠鉛印部承印

吉日歸陶鎔劉馮王公不可見細數官階名重重但憾未詳載本末令

我摩挲徒捫胸

碑上列主簿劉坤典史馮雲登訓導王鼎銜名鼎上剝
去一字又不載縣公名主碑之本末亦闕不知何故

在昔明祖戊申歲北定中原銷邊鋒更歷三載設科舉二八定制慶遭
逢中歷一十有二帝得人最盛南北靡世宗末年惑方術仲文已死王
金庸裕王即位誰作輔徐階定策眞從容下詔優恤議禮獄復籍復官
恩何釀自來蜀國號多士新都父子人文宗爾時亦得蒙昭雪錫以嘉
名昭管彤我渠之邑雖褊小將母文采堪追蹤蒸然日上列廊廟或有
風節高蒼松諸公睹此誠心喜大書深刻當文峯不幸從來離兵燹志
乘沈霾山橫縱欲求彷彿不可得荒烟蔓草悲秋蛩迄今二百七十載
孰與披尋來崇墉我公山右名家子先世忠烈銘鼎鐘

大父璞園先生
以道員死木果

木之難贈太僕卿
著有嵐溪詩鈔

作宰此邦亦何幸催科不擾民時雍千里農桑歌子

產治術不數黃與龔石室教授夫何異餘事詩人江山供此碑乃爲我
公出斑駁陸離祛塵壅於容切不見前人碑陰考何似石經書蔡邕江邊
石壁列千尺爰俾剗劂雕琤鏦遠接虹巖乳滴滴近隣魚洲波溶溶風
日清和景物麗草色如烟青葱龍我公來燕集羣士間以詩篇鳴笙鏞
今年正值大比歲伏而不出慚吳儂邑人久已沐陶淑觀光報貺慎無
慊對策何必讓坡頴獻賦自可追臨邛媿之如椽大不律敬誌不朽同
璧琮

賈蕤浦涂貞女詩一首

名花艷艷色敷映好鳥枝頭歌且呼鳥亦驚心花濺淚問言何事多欷
歔有女名阿九生長渠江隅父母矜愛甚視若掌上珠少長髮覆額口
授大家書俛仰若有得幽閒貞靜如爲言擇夫堦光風霽月徒奠雁何

渠縣志

卷十二

文徵志十一

一三六

渠縣平民教養工廠鉛印部承印
渠縣平民教養工廠鉛印部承印

時許三五二八餘忽然凶問來門閭有才不祿如揚烏女也聞知慘欲
絕恨不山頭化石成望夫堂上慰言母自苦未親結禱別良圖女曰此
語何至吾之死靡他古則有以尸還陰今豈無解我明月璫脫我繡羅
襦服麤疏過杞廬撫頭顱淚盈裾展攣綸倩婢扶小妹代兄雙雙拜拜
識姑嫜入庖廚從此一十有四載髻無蟬翼唇無朱春花秋月等閒度
鏡臺鈿盒封塵蛛青燈獨坐猿腸斷角枕長流鵲血枯衆中不見怨尤
色夜績晨炊甘如荼噫嘻吁人生大節分當盡常變雖異理不殊在人
多不肯爲耳女獨能葆千金軀翹然異衆誠足尙好自排解過隙駒久
聞百年一日暮夢幻泡影眞須臾使彼熱中識此理眼前何者非坦塗
涂乎涂乎薑桂之性老彌辣松柏有心霜不渝終始惟一古有訓慎勿
飾智驚凡愚獨不見含笑九原成乙姑

楊立之瑞筠堂歌一首

瑞筠堂前竹一竿森然拔地影團圓但同松柏誇高節不畏風霜說歲
寒此竹孤生無倚附寸寸堅如并鐵鑄慈烏夜半忽飛來直是當年女
貞樹有虞門裔住湖波苦竹蕭蕭繞徑多才傳三鳳求凰曲忍聽孤鸞
別鵠歌堂北萱花淚相續孫枝六尺將誰屬斑斑斜日照啼痕不信湘
娥成鼎足爾却鉛華我毀粧爾却循蘋我攜筐青箱捧去教兒讀春筍
鋤來奉母嘗閨中姊妹真兄弟風枝兩葉重門閉問誰翠袖倚天寒蕙
死蘭枯堪墮涕孝婦由來海上稱碧梧翠竹長孫曾便埋熱血同門共
若擬干霄本事能世間奇節神明眷帝遣星妃下庭院報爾琅玕竹一
枝為表盤根經百鍊我知靈壽荷天鍾不改年年霜雪容請看彤管千
秋煥傳與蘭閨作女宗

渠縣志

卷十二

文徵志十一

一三七

渠縣平民教養工廠鉛印部承印
渠縣平民教養工廠鉛印部承印

楊虞裳博望城懷古一首

丈夫封侯常事耳壯遊六合真無比八月乘槎天漢秋十年使節龍沙
紫歸來獨上和戎策大開玉門朝萬國烏孫三十六酋王遠隨天馬來
西極太液波通滇海岸樓船方習昆明戰六詔南臨奉使行絕勝郭昌
兵十萬中朝湯流近南陽一代豐功陵海甸吁嗟乎武皇三葉窮征伐
開邊封禪無休歇藥府新聲太乙歌岱嶽雲封白玉牒無復長孺一紙
書猶誇衛霍功無敵萬里沙場血未乾君王夜夜乞金丹可憐織女支
機石不似仙人承露盤

胡慧根縣署內小昆明池長歌一首

池為熊裕三
旅長所鑿

髣髴洞庭之君山兮似不必占有迢遞八百里之水程依稀南海之普
陀兮又不必擅有參差十二道之化城妙哉碧翁巧作劇個裏若然開

一局半爲瀟澤半爲山借茲妙手安排出長房縮地術何奇愚公移山願亦遂待閱十二萬年輪安知此間山川靈氣不發洩上焉放大爲剛陵或多翩翩之鳳凰之靈翼下焉推廣爲淵潭豈無螭螭蛟龍之深穴理想所到生面開良坎變化會無極他時進關新鴻濛應識此爲新試技君不見蠻觸之爭起蝸國又不見蟪蛄之巢寄蚊睫小中忽大實忽虛半是諷世寓深意

今體一五言

唐

鄭谷渠江旅思一首

流落復蹉跎交親半逝波謀身非不切言命欲如何故楚青田廢窮巴瘴雨多引人鄉淚盡夜夜竹枝歌

渠縣志

卷十二

文徵志十二

一三八

渠縣平民教養工廠鉛印部承印

明

王來賓靜邊寺一首

偶過山邊寺居然靜者心大唐還有碣古殿欲生陰風雨千巖墮烟蘿一徑深牽帷春色好無處不登臨

李青藜送王鐵山補官一首

如君能數輩胡致廟堂憂勉爲蒼生出無忘靜裏求牢騷幾載意慷慨一鞭秋努力從茲始輿情觀所酬

清

邑侯侯承塢郡太守白公召賞池蓮二首

傳道嘉湖好紅蓮香滿庭猿嘯驚宿鳥魚躍亂浮萍雨過花餘潤烟迷葉更青君侯乘雅興漫擬醉翁亭

池邊秋氣爽夜靜聽蛩鳴竹裏狂風影林間曲水聲香飄天際遠花照
月光清才短爲佳句依依敢伴行

邑侯侯承塿鑿平螺尾灘險一首

三江匯水曲乘興慣停車浪急浮龍馬風清照石魚神功人莫駭民力
我須儲螺尾灘聲轉欣看客意舒

郡守益春舫渠縣同章秋濤刺史晚登水心樓望江一首

城臨江上近眺望共登樓樹色斜陽暗嵐光水氣收漁人歸罩網楊柳
繫孤舟坐對忘機處浮家有白鷗

郡守益春舫由渠縣至廣安州水程二百餘里一首

船放江中好無勞百丈牽水流雙棹過風動一帆懸灘借長年間程由
驛吏傳忽聞聲款乃吾欲扣歌舷

渠縣志

卷十二

文徵志十二
文徵志十二

一三九

渠縣平民教養工廠鉛印部承印
渠縣平民教養工廠鉛印部承印

邑侯席世綯祈晴一首

霧捲雲開日風清月朗時田疇食舊德官閣誦新詩動念存三畏持躬
凜四知課晴非我力感召在羣黎

邑侯李良齋贈明烈婦金蓮一首

天地鍾閨秀流江更擅奇孤兒遭喪亂弱婢獨扶持代办心無憾守貞
志不移芳名垂奕世憑弔薄鬚眉

邑侯何愷棠早秋彈壓潰勇出境途中口占一首

飽挹新秋爽揚舲賦曉征雨拋雙岸闊雲壓亂山平農事趨場圃天心
洗甲兵風塵還自笑戎馬舊書生

邑侯何愷棠雨霽大竹道中二首

銀漢薄雲斂遙天霽色開夜涼人自爽坡峻馬難催村犬吠如豹山泉

吼似雷多情謝明月弄送徘徊夜行

僕僕何為者肩輿駕曉風出林喧鳥雀趁市闌兒童草比春尤綵花於

秋更紅如聞田叟樂種秫又青葱曉行

邑侯何愷棠癸亥孟冬簡閱鄉團五律六首

策馬出城闈書生顧盼新郊垌迎小隊父老歎勞人令與霜同肅民于

官更親綢繆乘未雨敢自憚風塵

慷慨同袍澤詩人用意周補牢懲往事

辛酉冬朱曹等逆竄擾吾民大遭蹂躪

固圍定

先籌膽鍊耨鋤外心聯主伯儔題楹感推戴

土民以予有蒲苞山之役書流江保障額豎堂皇予

不敢當移置水城得月樓上 決策倚夷猶

敵愾據忠義由來率土同勤能式鄉望

紳董中大有不負委任者

慳恡笑村翁食足

兵方足心雄氣自雄停車語父老人力勝天功

渠縣志

卷十二 文徵志十二

一四〇

渠縣平民教養工廠鉛印部承印

農桑稱上瑞禮義即豐年下馬偶詢訪撫衷滋流連

民向好訟予不憚苦口近少改觀然

餘風未泯祇撫衷滋慙耳

澤鴻嗷未已風鶴警偏傳

近聞漢南之信

單父鳴琴理今時恐未

然

選勝畱餘興憂民敢謝任運籌資借箸

謂同僚及總局諸君

上策在同心涼雨遲

更析荒村響暮碁壺漿愧迎勞

予先傳免民間供給而觴酒豆肉魂夢之獻必不可卻予愧飲水之風矣

尚沈吟

矢石親前度

謂壬戌秋蒲苞山之役

斯遊意頗強蔗糖新出火橋袖飽經霜迤邐

山程緩將迎竹馬忙兒童似相告共我樂羲皇

督學吳樹萱宿靜邊寺贈僧一首

地接龍湫近名傳象教尊清風藏寺古白鴿破雲翻旅夢波千里禪心

月一痕茶甌足清味好與俗塵薰

邑侯何士鈺雙忠祠一首

報國起雄師酬勳入聖祠方虞城郭圯反悼夷齋危三箭奪城勇雙忠
載史奇更經國士品聲價倍當時

邑侯蕭聲遠雙忠祠一首

兄弟蕭王師雙雙列聖祠文章傳並美忠孝復爭奇正切終天恨旋悲
蜀地危從戎成大義千載動謳思

邑貳尹李璋題雙忠祠一首

氣稟乾坤正心同日月明一門殉大節萬古紀高名孝友鍾昆仲忠貞
寄死生至今光俎豆雙祀表丹誠

茂名李明府宜隨送蘆溪閣明府入都一首有序

東風習習噓碧草以蕃蕪南浦依依溯綵波於絲渺城栽香樹偏

渠縣志

卷十二 文徵志十二 一四一

渠縣平民教養工廠鉛印部承印
渠縣平民教養工廠鉛印部承印

賦閒居野庇清陰將言夙駕邵陵侯之收棄子添滿鄉丁新息宰
之善養民都成耕耦環郵乘有千行秧馬隨天隅惟一片參旗纒
綵去思蚤銘碑石綢繆餘戀再纂吟章紅藥翻時持婪尾以流連
殘春纔送垂楊攀處企隴頭之消息舊尹仍來我蘆溪老父臺流
江峻閩姬伯巨宗隴右崔盧侔其族姓城南韋杜擬厥家聲七葉
雙貂傳歷朝之高爵一門三鳳值盛世而齊鳴琮琤翰墨之場誇
從綺歲煥爛科名之榜美未冠年需作楫以濟川亟資經術被蒼
生以霖雨遠藉才猷鸞臺奉詔而涖官象郡分疆而領邑方其惠
遍下車來先發軔及附珠崖之郭登瓊海之臺保障汐潮勞波臣
於萬里巡行島卉訖聲教於百蠻既迺擢調越堂倅臨梅菜解慍
奚殊單父靖康兼似海沂政驗魯恭桑陌多中牟之雉治褭卓茂

禾田無密境之蝗讓畔讓耕同指甘棠勿伐引恬引養每懷舊井
堪嘗日昃不遑親民尤篤年豐仍儉化俗惟醇喜善人之爲邦相
期可久嘆賢侯之去國留澤無窮冰壺懸心跡以常清月鏡望照
臨而重朗隨等車輪未擁圖幃爭臚旣形影之依隨復心聲之傾
寫楚歌重疊跋庾嶺以長征驪唱低徊睠珠江以遠涉豈音譜乎
律傲旗亭三曲陽關亦情見乎辭類羌管一聲折柳兼有屬和之
難如郢雪同茲賦別之竊比巴人斯時鑑水仙山並題咏繫駒而
奉贈他歲海州嶺郡載賡歌攜鶴以來遊

亦自膺民社慙公布政優對廷誇長者沾澤戀賢侯望重三公選才知
百里酬寇君如復藉相慶滿番州
邱沂送蘆溪閣明府入都一首

渠縣志

卷十二

文徵志十一

一四二

渠縣平民教養工廠鉛印部承印
渠縣平民教養工廠鉛印部承印

六載鳴琴治循聲播嶺南廉知囊凜四仁慕網開三竹閣清風遠莎庭
化雨甘番城留善政卓與筆峯參

吳明經文楷送蘆溪閣明府入都一首

炎徼山城地陽回沐至仁鴻庥天眷重宸座紀名新麥秀雙莖雨花開
滿縣春儒生巖宇下喜看日邊綸

茂名黃進士如械送蘆溪閣明府入都一首

巖邑易凋疲公來俗尙移春臺濡雨脚秋水沁冰絲十畝雲生隴一簾
花滿枝政聲聞北闕簡命下南陲循史宜恩眷台垣望委蛇馬嘶王路
遠車擁筆山遲召父歌難已陶君信有之詩成還載酒聊以續謳思
李鶴汀聞官軍平蜀三首

天險終難踞先聲已不支傳聞收宋建遂已殪姜維王者師無戰流人

喜可知翻愁雲棧路雨雪擔簦遲

已分歸無計朝來涕淚新誰傳今日信吾是再生身月冷瘡痍色花殷
鼓角春安危爭撫虐跣坐轉傷神

十年遷客眼萬里夕陽低婚宦人同此遭逢憾不齊門戶悲諸弟饗殮
負老妻異時成慰藉那惜一行啼

李鶴汀沙縣雜詩二首

屈指河東發應過函谷關百年寒食節萬里越江邊老眼昏殘水征途
指亂山青春期汝至相對破愁顏

風雨沙村路心悲此滯留怕驚垂老眼不上最高樓客久唯親劍書來
數買舟方言雖飽聽觸緒但牽愁

李楚材送友人郭大從戎一首

渠縣志

卷十二

文徵志十一

一四三

渠縣平民教養工廠鉛印部承印
渠縣平民教養工廠鉛印部承印

海微日徵兵迴艫自請纓星隨柔櫓動月傍戍樓生鸚鵡塵前醉芙蓉
匣內明知君單騎去看築受降城

李楚材送友人還蜀一首

握手憐今夕崎嶇指故都青山開倦眼疲馬戀平蕪石棧盤雲細暝猿
向客孤衰親應計日豈爲慕菰蘆

李楚材聞官軍平蜀敬步大人韵三首

烽烟清劍閣遊子樂難支幾日翠屏去孤檣赤甲維吾廬斥埃逼歸興
杜鵑知客夢縈巴徼黃雲晝色遲

十載河山異今看風景新難歸途窮日猶剩夢餘身月冷元黃野燕巢
林木春幾家聞夜哭風雨助愴神

慈親思愛子淚眼倚門低書到驚兒在歸時白髮齊夢中憔悴弟望裏

辟纁妻應念緇塵泥挑燈爲客曉

劉臨來口諸寨苗民俱受招撫一首

殊俗豈同風出門先問蒙邊彝忘帝力心曲倩人通指日盟忠款瞻雲

謝幘幪頻將符節授踴躍復歡烘

李藝圃秋雁

聞大兄在籍病故感賦

一首

爾去傳書札平安報季昆虛糜五斗祿重荷聖人恩接翅征湘浦衝雲

入劍門不堪悲折翼愁絕鶴鴿原

閻檢題祥符寺一首

中原正多故逸客此留題水落沙添闊山高塔壓低短橋歸老衲涼夜

聽荒雞布鼓嗤餘子詩名孰可躋

竹陽舉人王以曜遊雲霧山五律十首

渠縣志

卷十二

文徵志十二

一四四

渠縣平民教養工廠鉛印部承印

出郭二三里烟花鋪錦道山含古木尊路仗驚蛇暴初日掛銅鉦晴雲

披絮帽斷橋渴馬嘶得得行何懊

溪邊游女行煮水餉春耕畏見搜林斧欣窺出谷鶯亂峯巉似塑小徑

窄於桁枯口尋泉汲甘清累十觥

驚驂立怪石歸鳥哺新雛風葉裏征轡花鬚雜短襦隔溪襟午焙傍居

筍晨舖依依話林叟招呼醉濁醅

行行二十里已至山之麓根老百株松泉飛千仞瀑識韓衡有路棲柳

愚無谷穩步渡前溪莫愁暗虎伏

策筇須併力十里到山腰漸去邨莊遠不聞雞犬囂才經赤嶺滑又渡

青嶢嶢峻瘦春耕少叢茶幾回喬

峰轉疑無路山連忽似龕縈紆九磴折曠渺一心淡冷翠攀岩竹孤標

坐石楠黃精叢玉錄未見有彭聃

折阪途經九登峰始達巔好呼修月手來展捧天拳老衲排雲起高人
抱日眠干霄近尺五霞舉欲翩翩

紺象莊嚴在心香不費錢一聲清磬發幾度小乘禪祕殿扃重鑰高僧
透八環本來無一物覺處十分圓

聯雲梯百級騰達步空虛呼吸通天近烟霞隔世疏衆山螺髻出萬壑
龍泉瀦舉手謝時輩好隣甿率居

一勺曹溪水淪茗味正濃斫松炊野蔬煨芋供晨饗盈幌高窺日殷牀
晚聽鍾催歸杜宇急暫假壺公龍

閣檢碓硎場遇雨一首
雲氣濃於墨長風吹不開雄關弔炎漢瀑布失驚雷倦鳥歸山疾勞人

渠縣志

卷十二

文徵志十二

一四五

渠縣平民教養工廠鉛印部承印
渠縣平民教養工廠鉛印部承印

振策來牢愁方得寫那更雨相催

陳蔗常廷慶寇公濟川七十百韵壽詩一首

朱鳳丹山穴銅魚綠水洲自東森劍閣直北敞津樓石室嬈嬛富金城
鬢鬣浮仙眞棲葛令經術僊譙侯在昔神靈宅於茲耆碩留彥卿垂駿
烈平仲式鴻猷遺愛農桑殖清芬竹柏稠纓簪駢奕襍閭第萃名流公
也三峨望仙乎四皓儔齟齬儲偉器鄉黨肇純修了了胸先覺鬢鬢譽
獨優鯉庭守詩禮馬鬣表松楸兩酉編遺篋零丁服舊疇板輿遊侍岳
荻畫訓承歐解辨徐陵稻忘漂高鳳舞午籤疲枕蓆宵漏伴燈篝螢照
三庚案鶉披百結裘孝孚鄰社罷計拙市門求壁立長岑寂囊空儘澁
羞平原文乍賦類水藻新抽膳潔晶滌田資鐵硯穩爰憑琴劍跡聊
賺斗升謀幾輩登堂堂何心薄脯脩春風會桃李化雨浥薪樵戴席霏

譚塵曹倉架汗牛茂醇漢賈董著述宋程仇闡燼松枝夜巖香桂樹秋
路搏羊角奮雅肆鹿鳴呦林白攜康籍壇仍設魯鄒顏金容獨鑄翟籠
更同收鯤喜爭揚蠶鷹看競脫講門中羅杞梓階下騁驂騶子舍符坤
象親闡演海壽一經頻整姪羣季縱旁搜蘭臈攢枝秀槐庭幕蔭庠宛
虹雕趨躍於菟繡斑彪瑞應崔堂曜溫逾姜被綢後先標敎錦出入佩
聯璆長嗣雲霄度羣傾風格迺憑船安退鷁虔馬等鳴騶列解吹簾並
膠庠鼓篋游珍皆儕玘瓊器不異薰蕕第五清門望無雙國士侔植梨
昌厥後茅茹拔其尤矯若冲霄鶴飄然戲海鷗筆助摩壁壘文戰淬丸
矛蕊榜推先手珠宮躡上頭杏韉馳策駛柳汁染衣揉珥管常趨掖陳
詩仁載輜木天都勝地蓬島是神州庾鮑才爭擅楊盧契各投班真遴
玉筍名合筮金甌芳穎書林脫璇源學海鈞毫端垂露湛腕底挾風颺

渠縣志

卷十二

文徵志十一

一四六

渠縣平民教養工廠鉛印部承印
渠縣平民教養工廠鉛印部承印

汗漬蟬魚簡膏煎翡翠幃紛綸絲唾繭檢校几磨髹扛鼎神能助連城
價必售鳧羣翔彩藻鶯侶叶珠喉臥簟閒華省嬉冰傍御溝碧雞新第
鬯元鶴故園幽夢草燕關滯看雲蜀棧悠一家內外史兩地往來郵松
壽苓滋矣椿祺竹報不甘芳從植杞馨蔓正扳樛未乞烏私展甯教駿
足休箕弓傳矩矱棟宇仗綢繆有子題橋彥而翁涉剡叟祇緣窮皓首
爲悵翳明眸論藝耽張籍研經癖左邱金篋虛膜刮錦贖付心紉侍築
窩安樂何容帚掃愁羣編憑口授爾室輯顏柔芭酒還同載萊衣每共
樞等身書絡繹繞郝義諮諏星井扮榆聚鑿坡箇箭菟洵能如服襦遂
兆滿甌窶又似乘江漢先資作柁舟國恩申永錫家慶甲逾週孟案眉
重舉桓車指詎僂榻儀襄漑錡饋職泯愆餽北薊蘭陔眷西川蔗境由
筴文重司馬瓢詠富唐球賓布衣時浣郵筒醞正篤壘山明似玉渠水

碧於油賓從陪蓮艇生徒昇竹篔孫曾詒翼燕哽噎祝筇鳩英及餐酈
菊杯應泛石榴檀林烟改燧梅嶺萼蟠蚪貞嶽巍千仞琅弧耀四鍬畫
屏圍綺繡鈞奏洗箏篴甜雪均沾被流霞互勸酬鸞銜青玉版鹿馭碧
瓊軒桃實金門朔藜輝祿閣劉九重書下鵠尺素訊傳儵賤子司參計
郎君事校讐鄭公鄉緬邈張掾思夷猶蕙性欣寒帶萍蹤愧泛漚祕思
縑乙乙誠悃矢悽悽筵脯需麟擗堂觥晉兕觥脩齡遙寄祝黽勉托渝
謳

楊立之送曉山二兄南遊還蜀四首

不道青門別洪都復見過十年前與曉山別于西安驚看鬚鬢改憶隔歲年多書硯

謀方憩風塵志未磨詰朝干越餞行矣又關河

半載虛前席玉亭時共君頗知匡事切每有讜言聞越水蒲帆掛吳天

渠縣志

卷十一 文徵志十一 一四七

渠縣平民教養工廠鉛印部承印
渠縣平民教養工廠鉛印部承印

鴈影分對床期後約徒倚望停雲

少小依鄉里中年各遠行歷官猶下考抱器且孤征世路艱難備功名

老大成兒曹如立竹相慰息勞生

松菊霜階繞誰爲歸去辭微名蝸闔角幻夢繭縑絲更欲投簪往相將

卜宅隨薄田能代買同住浣花溪

楊虞裳哭書一首

吾家無別業薄宦有遺書已是經戎馬還兼飽蠹魚思鄉萬里路掩卷

五更餘骨肉同離散何人守敝廬

劉士林題塾庵和尚行狀序一首

廿四卻紅塵龍林春復春回頭真是岸入夢并無因世界蓮花淨生涯

貝葉新從茲煩惱盡明月悟前身

今體二七言上

唐

元真南陽寺一首

渠江明鏡峽逶迤船到明灘百丈遲
櫓窾動搖妨作夢巴童指點笑吟
詩畚餘宿麥黃山腹日背殘花白
水湄物色可憐心莫憾此行都是
獨行時

鄭谷汧江寺一首

宋大中祥符三年勅名祥符寺

退居瀟洒寄禪關高掛朝簪靜室間
孤島暫留雙鶴歇五雲爭放二龍
閒輕舟共泛花邊水野屐同登竹外山
仙署金閨虛位久夜清應雲近
天顏
崔塗冲相寺一首

渠縣志

卷十二

文徵志十二

一四八

渠縣平民教養工廠鉛印部承印
渠縣平民教養工廠鉛印部承印

水流花謝兩無情送盡東風過楚城
蝴蝶夢中家萬里子規枝上月三更
故園書動經年絕華髮春惟滿鏡生
自是不歸歸便得五湖烟景有誰爭

宋

陳運挹翠閣一首

在起文峯下今廢

依倚高巒作郡城人家樓閣一層層
霜晴東觀初收橘水冷南陽尚採
菱可愛遠山兼遠水更逢高道與
高僧曾揚俱是超然客應許天門第
一登

徐仲章紫極宮一首

治北一里宋咸淳中建今廢

不須騎鳳跨鯨鼇來訪蓬宮是我曹
玉笈普書金簡重碧碑題字紫垣
高因思大道閒閒意頓覺浮生事事
勞一榻清風曾化蝶略無塵夢及

三刀

蘇子瞻寄黎眉州一首

膠西高處望西川應在孤雲落照邊瓦屋寒堆春後雪峨眉翠掃雨餘天治經方笑春秋學好士今無六一賢且待淵明歸去賦共將詩酒趁流年

明

胡濬祥符寺訪張三丰一首

交情久已念離羣獨向山中禮白雲龍送雨來留客住鹿啣花至與僧分疎星出竹昏時見流水鳴渠靜夜聞却憶故人如此隱題詩誰似鮑參軍

胡際亨白兔寺一首

渠縣志

卷十二

文徵志十一

一四九

渠縣平民教養工廠鉛印部承印

古徑荒涼烟草深白雲隨我過長林已完宗國十年事只剩先塋一片心莫道功名多是夢須知姓字貴於今西風日暮高如許歷落殘陽照碧岑

渠邑主人筠川易之燕塋焚黃過南陽寺一首 有跋

前有江流後有峯峯林深處梵王宮衲成裁破雲千片經了敲殘鼓數聲勝地高臨盤曲屈當天紅日殿玲瓏公餘乘興題斯句莫用丹紗壁上籠

同本前志按碑言渠邑主人又云公餘乘興其為邑侯無疑第所謂燕塋疑即今所稱燕王墳在今城壩南陽寺乃必由之道爾時猶有焚黃其為遣官致祭可知惟筠川易之字不可解或易之其字而筠川其地歟或易其姓而之為往歟然以此益知燕塋之為

古名臣也已卯爲神宗七年至今同治癸亥歷年二百八十有五
碑尙完好如故

邑侯高則騰南陽寺一首

南陽灘上前朝寺李白微之已賦詩搥鼓進舟明月夜逢僧話舊晚風
時半空音調松巢鶴滿地文章草臥碑訪遍村居人去遠一聲清笛到
江涯

川東副使黃元白少岷遊冲相寺二首

年來慣涉此江河那識僧家隱薛蘿翠壁乾坤開淨土黃金色相鑄彌
陀六根功德終何用三藐菩提曉得麼索筆題詩忽長嘯彤彤春意滿
婆婆

峻岫高閣碧山頭手扯長眉覽十洲沙界衆生何擾擾禪門老衲竟悠

渠縣志

卷十二 文徵志十二

一五〇

渠縣平民教養工廠鉛印部承印

悠莫教堤柳窺青眼自有金輪轉白牛展罷如來催落日袈裟笙鼓起
江鷗

廣安王給諫德完遊冲相寺和黃少岷韵二首

巍巍鷲嶺帶長河老檜蒼松掛女蘿駕鶴危樓開淨室凌虛古洞見彌
陀縱觀勝概知無際解悟真空識有麼畢竟萬緣都色相天邊月影照
婆婆

偶到靈山山上頭烟光如畫映沙洲千峯雨潤叢林靜夾岸風含野樹
悠絕壁蒼苔龕石象懸巖丹篆集蝸牛遊來已覺浮生夢未許禪機負
海鷗

郡守管雲鶴憩靜邊寺一首

五馬逍遙過虎溪桑麻問罷憩招提野花不語棋誰對荒院無人鳥自

啼鶴老松關延客入林深石室引雲迷高僧榻上臥明月一卷黃庭伴杖藜

邑侯晏杞靜邊寺和韵寓意一首

有為明覺真天性些子容心便不平長笑狂風驅尺霧爭如時雨潤無聲晚樵尚抱披簑憾老衲焉知不朽情頰首萬鍾如萬頃莫將一寸讓人耕

王來賓靜邊寺一首

何年古寺一江灣臘盡春回駐此間風雨半牕醒客夢松蘿滿徑迴人寰禪關寂寂傳心訣征旆悠悠遶蜀山欲問遠公同結社紅塵猶自點衣斑

陳于陞白水寺一首

渠縣志

卷十二

文徵志十二

一五一

渠縣平民教養工廠鉛印部承印

香臺高倚碧雲層晏坐秋中暑氣澄下界陰晴原自隔半空樓閣共誰憑流沙道布青牛老葱嶺經來白馬僧何事紅塵無淨履不如此處問

宗乘

曾孝廉鎰報恩寺一首

怪石嶙峋虎豹蹲亂雲堆裏見山門峰巒突兀乾坤靜竹樹陰森日月昏淺水團沙留浪跡危梯曲磴鏤苔痕濃花細草傷春處風雨河橋暗斷魂

曾孝廉鎰題廣安州夢雨亭一首

正德祈雨己卯州牧汪城有應建亭志喜

閉閣凝香午漏沈憂農憫早早關情甘霖夜報幽窗夢霹靂朝傳動地聲禾黍潤回知德澤天人交感識精誠秀屏千尺應如紙記取循良太守名

傅天乙冲相寺避兵一首

棄舟入龍門山早登石馬堙過望溪

一水潑洞萬仞山羊腸曲徑繞清烟舉頭不見長安日振袖疑粘尺五天鳥語松間忘避客人家竹裏半隣仙我來欲洗黃埃耳靜聽糕歌拂石眠

李青藜聞獻逆偪成都感賦一首

須觀全局計安危莫道西川僅一陲裘領挈來荆並隴犬牙制去漢兼夷闔專何事堪兒戲朝議連年亦路歧自古得人稱勝算方隅化盡有熊羆

清

邑侯毛鳴歧銅魚一首

共指銅魚兩石鯨長酣風雨臥江城年豐好兆牧人夢歲比預占才子

渠縣志

卷十一

文徵志十一

一五二

渠縣平民教養工廠鉛印部承印渠縣平民教養工廠鉛印部承印

名知有任公原不餌即無范令也長生羨君自是神奇物瞬息飛騰赴北瀛

邑侯侯承塿大悲閣一首

刻石

宕渠花滿色逾新好鳥枝頭語意親嶺峻亭前幽徑遠江清幕外碧光勻萬家食足風猶古十載身忙學未純乘興尋遊誰處可還憑詩酒趁良辰

邑侯侯承塿題靜邊寺一首

靜邊寺影傍西天松柏亭亭枝倍妍唐宋流芳碑更古元明遺蹟鉢還堅嶺高翠色迴廊後水曲清光繞殿前檢點工人修葺早從今七寶快長年

邑少尹李璋看江樓一首

何年興起看江樓江上晴光一覽收望裏雲山供笑傲就中風月任綢繆公餘儘可舒勞眼政暇還能當臥遊羨煞北平仙令尹

樓爲房山無徐公建

邊烟景一人留

邑少尹李璋題雙宗祠二首
少年黃甲冠時名爲政風流著惠聲歸養葬親終孝志監軍勦賊殫忠誠臣心未死身先歿天意難回事不成明末諸君多盡節褒忠雙祀死猶生

百載疆場氣縱橫欲殲羣醜造承平孤臣有志扶危業天意無心起故明報國一門同殉難捐軀兄弟兩成名由來忠孝傳家久配享千秋廟祀榮

邑侯李良齋謁馮公祠一首

渠縣志

卷十二

文徵志十一

一五三

渠縣平民教養工廠鉛印部承印渠縣平民教養工廠鉛印部承印

莫羨雲臺畫偉人馮公後起繼忠純親冤訟破奸雄膽君聖疏寬正直臣功建隴西從古頌祚縣渠北迄今新更叨捍禦無窮福應爲吾民慶澤臻

邑侯蕭聲遠題雙忠祠一首

滿腔豪氣振綱常昆季雙宗百世芳名播當年欽孝友功高此日美賢良弟當敵愾身淪落兄爲勤王運蹇傷報國捐軀傳信史至今俎豆有餘香

稽山任光政輓儀部李公殉國難二首

順治二年

正氣天開一代人時方多難見孤臣雁門未出頭先捨縣竹當衝身獨淪氣壯山河昭白日羞隨風雨現青燐挑燈細續秦郵草

公手著

窗前泣鬼神

憂時狼藉期終養天性難銷血滿腔司馬懷然伐賊舉將軍笑煞帶頭
降心慙六出收全壁運遘中衰折錦杠從此先生長作厲錦裘時擁碧
油幢

祁陽鄧奇逢市橋官柳一首

八景一

春到南關萬縷垂濃陰如幕映橋陂含風低愛臨官道迎日橫看出酒
旗嬈嬈流鶯囀始覺依依繫馬蔭堪思深情搖曳輕腰舞鳴綠溪邊翠
影滋

祁陽鄧奇逢玉蟾新月一首

八景二

翠巒屏立出層巔如繪新磨寶鏡研初魄平分青黛聳半輪斜挂碧蘿
牽形模曲肖神工削奇幻天然鬼斧鑄自是巨靈留此跡纖纖常對玉
鈎懸

渠縣志

卷十二

文徵志十一

一五四

渠縣平民教養工廠鉛印部承印
渠縣平民教養工廠鉛印部承印

宣城劉給諫芳藹送段明府歸里一首

朱旗曲蓋舊家聲文治今開畫裏城疊嶂人煙兩水闊敬亭風月一簾
清團雲自獻循良瑞衆鳥能歌保惠情桑梓願同諸父老琴堂高處頌
功成

宣城劉孝廉其琳送段明府歸里一首

雪霽寒梅點玉葩行旌高捲敬亭霞聽琴簾外清風遠問字樽前碧月
矚彭澤賦歸園有菊河陽春去縣無花江城無限攀轅意願假晴暉駐
歲華

宣城李茂才本直送段明府歸里一首

泣滿鄉村淚滿城問君何以愜民情征徭弗擾無追吠水火垂憐有再
生學道幾來千譽誚啣恩敢作不平鳴從今識得循良訣莫動蚩蚩愛

戴聲

邑侯干運恆題段宣城歸田詩後一首

二十年前嘖有聲文章意氣軼羣英新添襦袴歌來暮試宰牛刀喜化
成偏是才人多坎塲不妨拙宦少逢迎幸邀聖代褒賢佐惠露霑吳互
古清

茂名招副貢昌韶送蘆溪閣明府解組入覲一首

邑侯甲第舊家聲六載甘棠徧茂名光映玉壺冰更潔風飄蘭紉佩尤
瑋月明鑑水琴心古露浥觀山鶴淚清行矣攀轅瞻馬首那堪此日去
時情

鄧明經茂英送蘆溪閣明府解組入覲一首

學道愛人撫字勞割雞不惜用牛刀六年政績傳清簡百里花封遍碧

渠縣志

卷十二 文徵志十二 一五五

渠縣平民教養工廠鉛印部承印
渠縣平民教養工廠鉛印部承印

桃懷國昔從湖海遠憂民今向廟堂高宜其赤子瞻依切萬姓書名在
錦袍

茂名梁明經育和閣明府留別原韻一首

循良政績軼前賢衆口如碑載頌堅霖雨六年來此地清風兩袖去朝
天阜民琴韻流薰吹保障車聲過瘴烟指日褒封膺顯擢遙看一路福
星懸

陳山長啓珠孟夏送蘆溪閣大尹赴都一首

黃河遠上繞旗亭楊柳依依路慣經郵騎薰風征影捷農村篝火曉光
熒分流餘澤川多濟迴望重遊山亦靈投我木桃兼木李報君培植漸
盈庭

高明謝孝廉鳴皋贈竹溪雷明府榮旋一首

自古滄溪愛吏良憶君良正宰琴堂下車未久清聲遠臨政惟勤介節
彰明邑山川應改色玉城風月倍生光誰堪別袂言旋去祇咏甘棠德
澤長

邑侯席世綉留別四首

馬蹏到處踏巘峽歲經營力已殫散賑荒原鴻羽肅從戎邊塞角聲
寒澄清似水談何易負重如山去亦難正是麥秋時節好黃雲一望路
漫漫

歷碌軍籌轉運頻名場何事太勞薪此來但飲流江水歸去還尋錦里
春未解劍牛難紀績並無琴鶴始稱貧羽書莫便催裝急多少攢眉待
濟人

二三舊雨自知名飲射閒時亦送迎藉以文章規雅正每於詩律究縱

渠縣志

卷十一 文徵志十一 一五六

渠縣平民教養工廠鉛印部承印
渠縣平民教養工廠鉛印部承印

橫雲移遠浦開新境花擁征鞍載別情湧月臺前今夜月祇應相對有
餘清

漫勞遠近挈壺觴老幼分攜載路旁山色低徊猶可戀民情繾綣那能
忘江頭日落三杯酒渡口人行九曲腸佃爾田還宅爾宅閭閻生計只
耕桑

邑侯席世綉祈晴一首

時和歲稔兆豐收百室盈甯慶有秋陰雨幾番埋日馭大田何處豁星
眸自慙政治無奇異競說神靈顯應求感得天庥三日霽漫勞絃管播
新謳

邑侯席世綉賑撫載雨一首

極目蒼黎信可傷况兼風雨滿城鄉板橋寂靜虛朝日高寺凌空少夕

陽烟火萬家烽火警民書百計羽書忙還憐葑屋無甯宇那得倉箱有
積糧三錫皇仁回菜色一樽濁酒解愁腸牧童牛背猶橫笛吹徹堯天
化日長

關中袁進士希謨贈洵陽翠軒毛二兄奔喪歸里一首

捧檄殷殷意獨深一生勤謹守官箴不辭險阻勞王事

賊匪擾南山先生從戎數載備

嘗甘苦得有軍功

惟秉忠誠慰母心

先生以太夫人年高欲告終養太夫人竹不許惟歸以移孝作忠誠心保赤云云

馬歡迎馨載道泉魚痛哭淚沾襟

先生銅差甫竣太夫人訃音至哀毀異常百姓皆為流涕各上憲齋禮儀

致祭 清風兩袖歸珂里人在河陽期再臨

昆陽學正田養正頌文根李侯德政并壽二首 有序

公名映奎蜀渠名孝廉歷牧路南昆陽等州清慎明允所至頌德
者是口成碑撫憲初獎以匾曰儒生吏治雲南府太守史贈以聯

渠縣志

卷十二 文徵志十二 一五七

渠縣平民教養工廠鉛印部承印

日水渠清見底山月照無私適值大衍士民稱觥正不揣無文恭
賦二章為紀德政以祝嘏云

海內奇才屬隴西文光璀璨艷雲霓宮袍帶月移宮扇紫氣冲霄荷紫
泥草木知威勳業著屏風紀姓大名題慈祥愷悌推仁政願祝岡陵拜
舞齊

題饒令節是芳辰誕降英賢信席珍囊錦裁成千室繡筆花散作滿城
春六鄉化治平如水五袴歌聲斷若神秋望長庚輝皎潔年年一度一
回新

昆陽徐孝廉洲壽文根李郡侯一首

天生嶽降負才鴻保障渠陽立德功增戶編氓今召父傳經士類古文
翁羣瞻鷺嶺千年鶴共仰龍門百尺桐晉酌瑤卮仙掌露西庚煥彩更

昭融

王載壽文根李明府一首

品望久與列仙同册授即官月嶺東學到知非遊霽景政歸雅化扇和風鳴琴座下霓裳舞畫錦堂中紫氣融晉獻瑤觴光灼爍怡顏又見酒生紅

邑侯鄧獻璋祥符寺一首 用鄭谷汧江寺韻

僧扉陰色啓仍關聲枕幽溪轉折間龍象何年相對寂風光出世此偷閒來逢奇石苔中徑坐數蒼松酒後山萬古詩人空筆跡導師無處歎塵顏

秦安李從範遊祥符寺一首

遠望分明古寺存至門翻又不知門新秧一帶迷荒徑修竹千竿護短

渠縣志

卷十二 文徵志十一 一五八

渠縣平民教養工廠鉛印部承印

垣傳授番經僧有課寒暄遊客鳥能言曾聞鄭谷詩碑在幾度摩挲子細論

邑廣文吳照謁馮公祠一首

峻嶺騰驤勢若龍將軍廟峙白雲峯生前已建千秋業歿後猶崇累代封珍重廢園留斷碣莊嚴古殿仰清容祇今邑乘誇靈異漢史先成范蔚宗

邑侯王蘭三東陽寺一首

層層梵宇峙崇岡福地悠然掬水香山靜偶隨青嶂動僧閒都逐白雲忙畫屏聳翠迎朝旭古樹凝煙背夕陽轟轟舟梯仙路近一天花雨滿禪房

邑侯王蘭三南陽寺一首

灘湧銀濤望渺茫江邊古寺鬱蒼蒼紅塵境隔峰千疊紺宇籠煙水一方
太白有詩題翠壁微之乘興到僧房緬懷往事頻回首斷碣殘碑臥夕陽

邑侯王蘭三西陽寺一首

萬山東去翠屏張菁密林深界上方幾朵閒雲環淨土數聲清磬落疎篁
幽窗靜挹千峯秀老衲濃薰一瓣香好向禪關參慧果西天圖畫在西陽

閣檢過南陽灘一首

兩岸沙明一席風貪供倦眼且推蓬船隨淺水危磯外寺認空山夕照
中心坦渾忘歷境險數奇不信爲詩窮一行白鷺飄然去倚定牙檣看釣翁

渠縣志

卷十一 文徵志十一 一五九

渠縣平民教養工廠鉛印部承印
渠縣平民教養工廠鉛印部承印

李鶴汀登奎樓一首

樓在高郵城南堞上
先大夫牧郵重建

城郭參差暮靄收重來此地不勝愁王孫前路誰青眼父執於今半白頭
葉葉棠梨霜後赤家家楊柳雨中秋遺碑讀過腸隨斷蔓草寒烟迸淚流

李鶴汀送王孝先入秦幕一首

江上相逢春草滿橋邊送別暮禽鳴黃雲隴樹千峯隔落日邊山一劍
行漢疇幾年猶置驛秦關百里未休兵大夫還有蒼生志草檄陳琳久待卿

李鶴汀丁未下第後同潘游擊新吾話舊感賦一首

帝里黃塵輒斂裘霜華暗逼鬢毛颯也知侯印憎猿臂可耐儒冠誤虎頭
抱璞幾年差楚別據鞍三歲哭吳鈞何當挽起滄溟水澆盡男兒萬

古愁

李鶴汀三山雜感二首

珠簾繡柱城西路父老猶誇未戰前他日尉佗專璽綬幾年楊僕擁樓
船春城晝閉飛飛燕野水晴看點點鳶只有無諸臺畔草東風依舊綠
綿芊

青絲珠落散平蕪二月春郊草尚枯宛馬自來甘苜蓿魯人今復峙芟
芻空村夜釀庸身值廣陌晨飛趣市符蒿日遺民成痛哭五年剜肉給
征輸

李鶴汀寄周嘉受一首

渺渺予懷隔水涯憶曾玉樹倚蒹葭荀君坐處香三日潘令行來果一
車屈指秋風摧蕙草斷腸春信隔梅花練裙憶得羊欣在無語挑燈對

渠縣志

卷十二

文徵志十一

一六〇

渠縣平民教養工廠鉛印部承印
渠縣平民教養工廠鉛印部承印

綠紗

李鶴汀九日同恕庵寓西登高二首

客中時序只堪驚此日欣逢九日晴
皇帽青鞵何處酒紫萸黃菊故山
情江湖滿地歸難定哀樂中年感易生
盡醉不須嗟世路暮雲無盡是
神京

紅樹青山繞郭斜連天秋水浸蒹葭
自拚却掃歸馮衍誰為敲冠嘲孟
嘉萬里有風遲白雁一樽無恙就黃
花登臨且鬪身粗健矯首江天息
鼓笳

李梅岑秋興集唐十首

城上高樓接大荒

柳宗元

汀洲雲樹共茫茫

李益

天空絕塞聞邊雁

劉滄

葉盡疎林見夕陽

戴叔倫

舉世盡從愁處老

杜荀鶴

暮年初信夢中忙

許渾

休將世路悲塵事張泌且放懽情入醉鄉

自知無復解趨奔黃滔生事蕭條空掩門韋應

試將生計問蓬根羅隱尊中美酒常須滿朱慶

食蘖苦心甘處困李紳應須騎馬到沙村楊巨

滿庭松桂雨餘天韋莊燈澀秋光靜不眠薛能

影籠殘月到窗前曹唐門閒多有投交客朱慶

張邴宦情何太薄溫庭不勞詩句詠貪泉陸龜

搖落深知宋玉悲杜甫夕陽樓上笛聲時胡曾

孤雲任所之陸龜最愛葛洪尋藥處曹唐却嫌陶令去官遲王維

愁望情多少趙嘏故國無家淚欲垂

滿崖霜樹曉斑斑戴叔倫清淺縈紆一水間唐彥

長對碧波臨古渡李紳

渠縣志

卷十二 文徵志十一

一六一

渠縣平民教養工廠鉛印部承印

不堪紅葉映衰顏鄭谷誰言有策堪經世溫庭

只此引人離俗境朝看飛鳥暮飛還李頎

綠蘿陰下到山莊劉禹為報秋來雁幾行柳宗

碧樓紅樹倚斜陽趙嘏偶因麋鹿隨豐草皇甫

若使巢由知此意張說濯纓何必在滄浪白居易

亂離無處不傷情盧綸泪滿殘陽問楚荆鄭谷

故園田土憶春耕李郢殊方日落元猿哭杜甫

聖代止戈資廟略楊巨諸君何以答昇平杜甫

休將文字占時名柳宗買賦何須問馬卿戴叔

青袍今已誤儒生劉長風生寒渚白蘋動劉滄

自歎猶為折腰吏張籍不將蘿薛易簪纓張說

何用將金別買山朱慶

赤葉黃花隨野岸李端

莫指雲山認故鄉張泌

南國羽書催部曲陸龜

遠客愁多白髮生劉滄

彩筆昔曾千氣象杜甫

鷺立蘆花秋水明陶岷

分明記得還家夢

來鵬

一路寒山萬木中

雍陶

野水亂流臨古驛

劉滄

夕陽和樹入簾櫳

韋莊

風塵荏苒音書絕

杜甫

人物蕭條市井空

張泌

目斷故園人不至

李商

楚雲滄海思無窮

韋應

霜嶺自添紅葉憾

羅隱

高樣獨上思依依

皇甫

棣萼分張音信稀

高駢

萬里雲羅一雁飛

李商

白雲空長故山薇

許渾

數蘂沙草羣鷗散

溫庭

弟妹蕭條各何在

杜甫

滄江欲暮淚沾衣

劉長

蜀山閩海思悠悠

暮角

邊笳滿戍樓

泉石

近知何處穩風烟

遙接

故園愁投身

可得

如張儉洗耳還應似許由

誰念飄零荒瘴地南冠千里獨

羈囚

李梅岑聞笛一首

渠縣志

卷十二

文徵志十二

一六二

渠縣平民教養工廠鉛印部承印

晚霽江城夜氣清
寂寥孤月對愁明
誰攜羌塞三更笛
吹作吳山十月聲
豈有梅花開更落
自驚楊柳折還生
天邊舊業歸何日
為爾今宵夢不成

李梅岑春日旅懷一首

春風吹思繞郵亭
厭見千門草色青
黃盼眉間空歲歲
白窺鏡裏幾星星
漢庭近詔寬三甲
蜀道何年鑿五丁
但說醉鄉饒樂事
羈心聊欲託沈溟

李梅岑榕城雜咏一首

民力東南久驛騷
尙聞飛艦欲凌濤
將軍自許標銅柱
長吏誰曾過石壕
芻草夜呼朝市閉
海田春隔繚垣高
何當借箸籌方略
願罷乘風破浪艘

李梅岑別孫無燂一首

巽社棠陰晚未殘相逢誰復問南冠令君座上香三接公子門子缺幾
彈久客未聞生馬角累人何止愧猪肝擬將千尺珠湖水深比挑花一
樣看

李梅岑過沔縣謁武侯廟一首

宗臣遺像千秋在入廟愀然睹瘁躬沔水長流心血碧蜀山高鎖陣雲
紅呂伊伯仲真河忝管樂才名漫許同莫訝漢圖終割據九原餘憾哭
秋風

李楚材送孫靖之還蜀一首

歲暮擔簦何所適獨彈長鋏賦歸來故山但是歌招隱聖主何曾不愛
才長路風煙愁劍閣滿天雨雪妒金臺滄江賸有漁樵侶君去柴門恰

渠縣志

卷十一 文徵志十一 一六二

渠縣平民教養工廠鉛印部承印
渠縣平民教養工廠鉛印部承印

怡開

李楚材章江門游滕王閣時已被焚一首

君王臺榭餘灰燼傑構何年浩劫還盛日文章碑版在秋風薛荔石鯨
閒五更江湧初生日十里潮青未了山異代豪華俱寂寞莫論高閣化
雲間

李楚材孤燕一首

年來倦羽滯天涯前路單飛夕照斜共道烏衣長作侶誰知紫領竟無
家簾鈎月冷侵孤夢柳絮風清趁落花莫謂幽棲樵悴甚焚籠何事鬪
諠譁

李庭英登奎星閣興懷邑景集二律

奎閣臨江水接天登樓一望景悠然高懸文塔開金榜夜吼銅魚掛玉

蟾瀑布龍湫珠湛湛市橋官柳月娟娟濛山曉處豐年兆虹飲西巖跨
澗泉

流江直下水無情江鎖迴龍天造成白鶴翔飛毛羽潔寶珠獻瑞夜光
明祥符客寓詩千古魁斗石高柱一擎添得今朝多少興漫言得句作
金聲

李庭英韓太守按渠觀風賦誌德政一首

鍾山偉望鬱嵯峨果郡句宣撫字多霖雨已從千里沛福星還向十城
過車前麥熟眠馴雉隴上農歌表穎禾聖世於今崇吏治竚看青瑣待
鳴珂

李紹蓮輓謝凌雲一首

愚夫臨難尙輕生仁孝漸摩久道成金買驂騮天地鑒路逢鴉獍鬼神

渠縣志

卷十二

文徵志十一

一六四

渠縣平民教養工廠鉛印部承印
渠縣平民教養工廠鉛印部承印

驚千年不碧忠心血百代猶青史册名若使宸聰聞軼事豈惟斯邑樹
風聲

閣檢祥符寺一首用鄭谷泝江寺韻

寂寞禪扉夜不關龍鱗回首五雲間碑陰細認詩人蹟天下無如佛地
閒釣舍成村皆傍水僧寮無壁怕遮山往來多少簪纓客恐對先生一
汗顏

李德芳頌段宣城一首

萬里迢迢劾一官早年書債及今完王尊叱馭聲情壯趙抃焚香夢寐
安前哲風規真不忝後人圖畫擬頻看歸來得遂衡茅志出處無乖道
箇難

余敬贈段宣城一首

非關舉國若顛狂直道人心寸寸長挽袂莫留留轉急沈淵欲死死誰

揚太守蔣出宣民持轎欲擠之河闕門豈盡刁頑習指使除非神鬼倡聽說金陵新劇

本鼓歌喚作鬧陵陽

閣右惇贈段宣城一首

使君清白舊人知南國飛鳧路倭遲吏滑任憑上蠱惑儒真祇自守迷
癡柏臺摺奏公還直簡使犀分神亦奇從此流江尋故我長留松菊寄襟期

劉臨隨撫憲衛公安撫笛民一首

古州八萬昔稱雄幸仗天威政教通蠻貊不堪軍旅試聖朝原重輯柔
功格苗大略期誠信宣化宏猷在敬忠既得福星邊末照何辭策蹇過千峯

渠縣志

卷十二 文徵志十二 一六五

渠縣平民教養工廠鉛印部承印

程雲衢和席明府祈晴原韵一首

一念精誠恤未收陰蜺祛得見晴秋雲開萬井消殘濕日麗千山快遠
眸歸燕不須陽石扣滿車知慰老農求試聽四野絃歌處德政欣將播頌謳

程雲衢送寄廬席明府一首

官貧不減范萊燕循吏聲名遠邇孚愛土厚培莪械圃勤民那覺貌顏
癯一天膏雨流江潤兩袖清風錦里趨白叟黃童空臥轍泣瞻雲路送飛鳧

湯聘雷開登輓詩一首

擾攘干戈數十秋誰憐白骨戰場收一生事業悲麟鳳半畝荒城牧馬
牛猝破家賞倡大策長將國事壘高坵泉臺自古無消息血淚縣縣應

未休

何之潤雷開登輓詩一首

先生忠譽重蠻烟十載從軍路不還獅子灘頭雲黯黯岡下有獅子灘紅花岡

上草芊芊家園自昔離還在國事於今缺未圓萬里孤骸應有主宕山

邱首慰黃泉

閻自新雷開登輓詩一首

血化啼鵑氣化虹遊魂到處泣悲風無辜殞迹千山外有憾捐軀百戰

中故國荒烟人寂寂老臣心事月濛濛傷心不願扶歸櫬三尺常留古

道封

閻自新訪南陽李白碑一首

本是當年放逐臣醉中落筆耀星辰龍飛鳳舞顛狂字宕水巴山世代

渠縣志

卷十二

文徵志十一

一六六

渠縣平民教養工廠鉛印部承印
渠縣平民教養工廠鉛印部承印

春好鳥曾分仙子慧閑花原自品題新到來騷客多如許讀遍謳思少
入神

賈屏山觀音寺一首有引

丙申五月二十二日遊觀音禪院避暑此子癸亥甲子間設館授

徒地也其地崇巖拔起四圍石壁陡絕上面平曠可三十畝餘向

為鄉人避亂古寨大樹數十株沿巖蟠屈石罅虬枝若龍綠陰如

蓋清風灑至不筵自涼掃地布席盤桓竟日感念舊遊慨然有作

聊以紀一時之事云爾

二十年前擁絳紗曾依蘭若梵王家流光如駛難回首濃樹成帷好息

車往事春風餘硯席重來舊雨話桑麻僧寮半在未全老笑我斑斑鬢

已華

雷搗謙訪南陽李白碑一首

大雅銷沈幾度秋重捫殘碣慰心愁詩尊唐室雄無敵吟到謫仙迥不
猶古閣應添新氣象荒臺仍續舊風流堪悲此日南陽水一片文光萬
古留

艾存陽涂貞女詩二首

羅帶同心挽未成鼇維崩陷忽天傾驚風淚蠟連花墮冒雨唳烏繞樹
鳴斷髮有懷拚一死齊眉無命待重生獨憐親迎人何在茹苦含辛是
此行

孤鸞莫笑女郎癡獨爾能彈寡婦絲生面不逢和夢斷死心惟望有天
知情憐毀服辭親日淚滴調羹勸母時我比輜軒來問俗兩章遙繼柏
舟詩

渠縣志

卷十二

文徵志十二

一六七

渠縣平民教養工廠鉛印部承印
渠縣平民教養工廠鉛印部承印

楊立之山花四首

國香國色豈差池邱壑偏遺絕世姿偃蹇瓊琚愁露浥單寒翠袖怯風
吹美人棄置終妨暮公子忘歸有所思願折芳馨紉作佩險難蹊路獨
來遲

亂雲堆裏又來過細綠團紅啼笑多汝自遐心依谷口人誰清夢到崖
阿烟霞尚憶生前事泉石空饒世外歌遮莫芳華搖落盡春風回首怨
蹉跎

入林邃密入山深豈慣疏慵臥碧岑小草笑他輕出世閒雲和我靜無
心真成爛爛還相暎畢竟荒蕪不自禁見說淹留傷歲晚桂叢隱處好
招尋

桃李爭芳浪得名蓀爛棄穢好同生峰迴似避尹邢面地僻能牽綺李

情人世繁華勞想像仙家歲月任紛更春風繞遍蓬壺路記取霞開四
照明

金遂生蔣葉氏殉夫詩二首

在御瑟琴正及時芹香忽賦斷腸詩蓋棺有淚悲亡者綿祚無人悵餒
而視死如歸真血性舍生取義薄鬚眉不甘同夢甘同穴木拱應成連
理枝

齊眉舉案恨無緣弱質何堪失所天烈性自能輕一死苦心方不負重
泉坤維正氣昭寰宇兌女餘徽壯墓田畢竟幽光邀闡發香閨大節至
今傳

楊虞裳中州雜感八首

金風萬里捲蜚狐偃息梁園日易晡中岳天高雲氣迥大河秋老客星

渠縣志

卷十二

文徵志十一

一六八

渠縣平民教養工廠鉛印部承印
渠縣平民教養工廠鉛印部承印

孤沙沉故國迷宮樹笛吹鄉心落井梧醜酒登樓重懷古東京曾是帝

王都

驚濤海上一帆開又向中原策馬來指掌河山攬形勢放懷今古幾人
材虎符夜走聞朱亥駿骨秋寒想郭隗千載藩籬仗奇傑鮮卑遺禍究
誰胎

鞞鼓西南羽檄馳近傳消息震邊陲十年漢使還身毒六鼙降番走月
氏雜處五湖終蔑濟強梁八貴已無遺行人莫問隋堤水天塹黃河日
夜澌

紅旗赤日奏幽燕霖雨黃流決巨川災被蒼黎開寶日勳論將帥永平
年漢文有道憂仍在賈讓陳書計獨賢盼絕河南汲都尉爲紆民隱慰
艱鮮

神霄殿闕影嵯峨紫蓋飛龍事若何江上旌旂疑石虎道旁榛棘臥銅駝行宮暮雨苔空綠梁苑秋風水不波片瓦宣和兩行字霜華難得重摩挲

芙蓉覆水冷芳洲白帝鸞旂建九遊四極星躔羣影動中天月魄半輪秋蓬仙劍珮盈仙侶滄海漁樵獨散遊惆悵南朝大司馬尙登平樓望神州

墮馬粧成舞細腰垂楊猶認影蕭蕭佳人翠貼宮襦小帝子龍遊畫楫遙燕壘南徐依木末鷓鴣鳴北候憶津橋晚來孟博澄清志大地烟塵復未消

銅盤僊露接金莖斗極層層瞰鳳城彩筆曾干春殿語天書遙傍日華明匡劉遇蹇初陳策楊史功高數舉觥滿地江湖懸魏闕幾回風雨答

渠縣志

卷十二

文徵志十一

一六九

渠縣平民教養工廠鉛印部承印
渠縣平民教養工廠鉛印部承印

龍鳴

楊虞裳嘉隆八詠八首

嘉隆江

嘉隆江水照鞭絲石骨盤渦渡馬遲往蹟已遙唐代柱殊方還記漢官儀家登黃繭春成市地接烏雷雨易施萬古南荒歸化始好栽花鳥入清時

黃峯

黃峯山勢鬱嵯峨天外青蒼入望多雲起三都連墨抹江流一綫別紅河危橋自古迷人迹絕磴盤空礙鳥過淮海黃山知是否欲辭簪組訪煙蘿

仗儀嶺

飛泉十里走奔雷直上危岑曠宇開孤筇影承紅日下萬松濤捲黑山
來南碑風雨無完字北越河山感霸才東去朝宗西作浪嶺頭誰剖水
如盃

峒中墟

三十茆檐兩市攢平寮西去入先安馬流來戢愁鴟久狃語無音譯鳥
官村避虎狼編柵箔屋棲牛豕架琅玕荒墟落月還高枕新是逃亡劫
火殘

雞籠隘

白雞飛去有雞籠夜夜天雞叫碧空終古神仙攜眷宅幾人王霸得雌
雄山連金馬新愁外關渡青牛未唱中連此不棲仍設險荒唐得失歎
爭虫

渠縣志

卷十二 文徵志十二

一七〇

渠縣平民教養工廠鉛印部承印
渠縣平民教養工廠鉛印部承印

北崙山

羣山十萬赴滄瀛天柱尊嚴傍斗衡三不要留千古隙四無憑藉一峰
撐雙江雨合蛟龍氣絕嘯春騰虎豹聲今夜踏波乘月去應同星宿海
中行

銅鼓嶺

傳聞遺古色漏爛神物銷沈片嶺閑刻石蚤藏周廟寢奏公猶識漢河
山亡人翠羽無消息上將靈鱗自往還刁斗聲中頭白盡不須金革話
征蠻

大勉山

邨良闢徑訪靈源大勉山高不可論上界三千朝帝子羣峰四百拜兒
孫西通桂管扶龍隘東盡蓬溟陸虎村二十五堆嶺頂望手回青翠向

中原

趙攀林題堊庵和尚行狀序一首

中年脫俗入龍林不受塵氛半點侵若行修持尚節儉清身守戒去奢淫六根功德誰參透三藐菩提獨悟深了盡因緣空色相月明鶴嶺見禪心

藍峻生代友人送幕賓梁一元贈別二首

從容善諫本家風卓越才羈幕府中無計同羣驅害馬冥遊何處覓飛鴻秦關路遠鄉心繞渝水車停望眼空一曲驪歌留不得那堪別淚溼衣紅

塵教頻叨忽又分無端聚散等浮雲折將柳裊縈離思知諫棠甘壅上聞小技雕蟲原愧我高棲學鳳且誇君何時樽酒重相遇共賞人間最

渠縣志

卷十一 文徵志十一 一七一

渠縣平民教養工廠鉛印部承印 渠縣平民教養工廠鉛印部承印

異文

邑侯何慶恩老龍場龍王廟告成題辭三首

甘霖幾度荷神功那更如雲我稼同饑饉竟紓師旅後懽忱都入雨聲中三年足食慙言志一念通微自撫衷如聽兒童相告語從今不苦飯籬空

斬新庭殿俯山岑果否憑依惟德歆助順從徵昭代福為霖同此濟時心記成喜雨關憂樂祠傍靈源鎮古今薰沐陳詞虔酌酒年年時若祝深深

百尺珠宮數仞牆雞豚濟濟薦馨香題楹恩誌蒼生感別薛書留紫墨

光第九洞崖間珂里傳聞甯誕幻並詳邑輿忱孚合為豐穰一番營繕

拈毫記例有葩經附魏唐謂董事監

有前代御書生唐春澤

李雲程觀雲霧山聖燈一首

月輪未發山川暗平路如星點點來閃爍無人持寶炬飛騰有意供蓮臺心燈不滅千燈映妙象重輝萬象該自古禪門多幻事光明令觀夫何猜

今體三七言下

明

楊按察瞻靜邊寺四首

佳勝叢林擁紫霞山前山後遍開花村翁愛聽僧說法移住山門四五家叢林寂靜自生涼洗足長流不褰裳月夜楞嚴初讀罷老僧拄杖入雲房

渠縣志

卷十二

文徵志十一

一七二

渠縣平民教養工廠鉛印部承印

上山老衲下山呼聲徹林邱乍有無真是菩提無景象要求景象是愚

夫

如畫深山寺占幽寺前流水况悠悠老僧入定塵凡隔誰是春光誰是

秋

吳廷舉宿玉蟾寺一首

川北湖南一水通一生半寄祝融峰此身尚逐雲來往又挂玉蟾山上松

李青藜送元樞大兄奉母西還三首

夾岸榴花照眼明歸心飽趁去帆輕故園松菊應相問五斗慚予拋未成

板輿處處可遊春紅樹青山日幾巡贏得萊衣歸正好須知菽水未全

貧

銅魚洲畔水如羅玉女峯前月映波載酒芳時攜好友應憐不共卯君

過

清

邑侯蕭聲遠文峰夕照一首

文峯嶢嶢宕城東落照晶瑩翠幾重錦繡層層呈瑞晚光搖清白太虛

中

邑侯蕭聲遠沙磧豐年一首

流江七曲水滢滢春泛淤成燕尾形願得年年沙磧現農家比戶樂豐

甯

邑侯蕭聲遠西岩晴虹一首

渠縣志

卷十二

文徵志十二

一七三

渠縣平民教養工廠鉛印部承印
渠縣平民教養工廠鉛印部承印

朝朝南郭看晴虹恍飲西巖小澗中碧水盡從幽竇出聲聲滴碎玉玲瓏

邑侯李良齋贈黃母雷氏一首

霜露侵簷五十年和丸畫荻慰黃泉冰心祇自期無愧那計而今邑誌

傳

邑侯何士鈺濛山曉霧一首

曉來濛霧浥嵯峨環繞諸峯隱碧波迷漫不知仙子面前人猜作紫雲

阿

邑侯何士鈺龍湫瀑布一首

源高疑是白天來光閃晴空響似雷一自八園分潤去洛陽早見萬花

開

邑侯何士鈺銅魚佳讖一首

石鯨突兀臥江邊未及春雷且自眠致意文人須側耳吼聲直入九重天

知大竹縣鄒明府圖雲宿靜邊寺一首

江邨雲映古浮圖舟子凍眠隔岸呼暮鼓敲殘燈影動老僧茶社作行廚

史曾期贈段宣城歸里二首

潁川太守無高致彭澤先生少政聲誰似北碕湖畔語秋風一葉萬民情

愛飲瀕行水一杯貪泉滋味素嘗來鬱林不比含山介猶載湘濱片石回

渠縣志

卷十二

文徵志十二

一七四

渠縣平民教養工廠鉛印部承印

柯瑾題李給諫蘭省晚歸圖詩後一首

愛說洪鑪百鍊鋼風棱寒冽柏臺霜堯堦草色神羊影譜入清和樂大章

柯瑾題李給諫載書過峽圖詩後一首

鄴侯架上米家船牙玉差排數萬千水國風雲知擁護瞿塘峽口錦江邊

邵自悅題李給諫茅簷望闕圖詩後一首

牽蘿補屋對桑田負曝當簷意灑然回首葵心傾向處帝城只在五雲邊

高明莫孝廉若之奉和竹溪雷明府留別原韵二首

慶林風暖歷三秋化洽滄溪遍陌頭清泰人歌清泰曲甘棠長此植東

洲

陽和澤沛幾多年花滿玉山豈偶然三十六都沾德化風清兩岸送歸船

譚孝廉維烈奉和竹溪雷明府留別原韵二首

聲名一日可千秋遍野謳歌滿陌頭御李識韓曾副願龍門登處賽瀛

洲德澤涵濡實有年春風藹藹尚依然柳條枉受甘棠庇難遣柔絲繫歸船

劉臨寨麻疑畏一首

聞說官家計較多又興師旅又清禾君恩不敢輕為受只可沿邊借路過

劉臨歸興二首

萬里劉巴襜被回星星霜雪上于思傍人盡怪蛙蛇氣知是新從海上

渠縣志

卷十二

文徵志十二

一七五

渠縣平民教養工廠鉛印部承印

來

赤甲白鹽高刺天三牢詰曲少人烟夢中記得還家路白首重來二十年

劉臨題扇頭桃花一首

元都舊業未全空幾樹依然綠間紅恰是五陵溪口望數聲啼鳥夕陽中

劉臨題館壁哀前宮人之被俘者二首

景陽烽火竟天紅馬上琵琶怯曉風從此盧龍河上月獨將淚眼盼征鴻

臺城花柳望中迷夢到陳宮事已非今日笳吹明日淚何人為贖蔡姬

歸

雷際泰過洞庭口占一首

解纜從今悟昨非
三陽車馬任輕肥
清風送盡波濤險
饒得白沙滿載歸

賈蓀谷梯雲關一首

層巒步步上天梯
雲霧蒼茫咫尺迷
多少健兒齊拍手
賊兵追過大荒西

賈蓀谷紀凱關一首

三關聳峙鬱崔嵬
一片鐃歌震地來
怪道紅旗遍山谷
縣公新破賊兵回

賈蓀谷永清關一首

肇錫嘉名著永清
萑苻從此息橫行
與君試上關頭望
無限河山錦繡

渠縣志

卷十二 文徵志十二

一七六

渠縣平民教養工廠鉛印部承印

成

賈蓀谷雷火關一首

威克如聞震地雷
循良火烈不須猜
名關似寓臨民法
燭照原從果決來

賈蓀浦銅魚佳讖一首

魁斗石前春水生
文峯塔畔秋月明
銅魚本是無情物
儘有文人側耳聽

楊立之東湖閒吟四首

喚人嬌鳥雨收初
四面波光罨畫如
小艇盪湖行欲遍
樓臺多處柳烟疎

瀛洲宛在射朝暉
山色湖光入翠微
鎮日閒亭人不到
水鳥多傍畫欄

飛

閒憑畫閣愛新晴落盡殘紅衆綠生烟樹幾重遮不盡繩金一塔出江城

十年前已別春明花掃天壇憶舊盟偶爾閉門充市隱麟麟戶外尙車聲

楊虞裳偶憶一首

吳淞春水落花時江上銀箏碧玉卮記泊商船徵羽調鷓鴣聲急雨絲絲

周紹南華嚴寺八景詩八首

翩翩靈石 雄雌泥作寒巢露作窠哺得新雛豐羽後換毫何祇一義之 一天鵝抱蛋

渠縣志

卷十二

文徵志十二

一七七

渠縣平民教養工廠鉛印部承印

南天高落一虹長橋壓清溪瘦不妨雲閉禪關無覓處留得汝輩作津梁 二石橋通幽

玄關撞破見天真引几高臥不染塵一自安乘黃鶴去空山虛位待何人 三仙人打坐

石上青苔一片氈舖來若爲美人傳等閒不識安禪法呆看履痕步步蓮 四美人舖毡

橫河車馬隊難收偏有神仙作快遊一局殘棋剛罷去人間已是幾千秋 五二仙下棋

石梁天造若仙槎泛向斗牛一望際可惜浮生千萬衆塵緣歷盡未思家 六鐵船過江

玉堂金馬出玄都平明遙看近却無慰向天空借一轡人寰踏遍不需

芻 七天馬無痕

出洛何時遭坎坷玲瓏八面任消磨名韉咫尺抽難盡笑殺旁人引領
過 八練鎖神龜

今體四詩餘

小令

清

邑侯王蘭三望仙門一闕 咏濛山 曉霧

八峯縹緲插雲間翠屏環空濛曉霧滿山巔隱羣仙 豈是公超術居

然氣象萬千迢迢雲樹杳難攀杳難攀好手召荆關

邑侯王蘭三西江月一闕 咏玉蟾 新月

渠水明如金鑑渠山秀似玉蟾一彎新月挂峯巔畫出蛾眉初展 萬

渠縣志

卷十二 文徵志十二 一七八

渠縣平民教養工廠鉛印部承印

縷烟凝靄靄兩頭弓勢纖纖瓊樓玉宇不勝寒漫道瀛洲路遠

邑侯王蘭三月宮春一闕 咏銅魚 佳讖

渠江東下水潺潺蒼茫雪浪連銅魚百尺臥波間風霜幾萬年 吼挾

雷聲鱗甲動奪來藝苑錦標鮮寄語流江士子登龍看影聯

邑侯王蘭三太平年一闕 咏沙磧 豐年

波流一鏡烟光媚露出江沙磧恍疑雪作花飛地豐年真有瑞 鳥眠

雁宿看無際好把幽繪競道太平事比戶歡醉

邑侯王蘭三珠簾捲一闕 咏龍湫 瀑布

碧崖聳玉洞深時聞山水清音指點龍湫如畫珠簾照眼明 髣髴屏

風九疊依稀匹練千尋是否銀河倒挂雲靄靄烟凝凝

楊立之憶王孫二闕

春光漏洩柳條青陌上花開緩緩行燕子歸來暮靄沉語娉婷舊曲新
翻不忍聽春恨

夕陽猶掛短長亭江上楓林霜又經宋玉悲秋淚欲零不關心白鷺斜
飛過蓼汀望秋

楊立之調笑令一闋暮春

紅袖紅袖綺閣風生香透捲簾又惜芳辰寂寞坐銷晚春春晚落
盡閒花不管

楊立之如夢令一闋夢梅

縞袂誰逢仙眷月地雲階夜半紙帳透春寒風裊鳴爐烟篆香散
夢與梅花同澹

楊立之長相思一闋苗塞

渠縣志

卷十二 文徵志十二

一七九

渠縣平民教養工廠鉛印部承印
渠縣平民教養工廠鉛印部承印

山一家水一家水水山山唱採茶苗娘艷似花風也雨斜也斜雨雨風
風點亂鴉邊聲起暮笳

楊立之浣溪沙一闋無題次章
小涪韻

墜枕金釵寶髻鬆繡帷香暖起偏慵無端心緒有千重別院歌聲和鳥
碎前庭花氣較春濃關情翠黛蹙遙峰

楊立之虞美人一闋和春槎
即事

訂期幾個能如願却悔初相見倚欄且莫訴春風怕惹鸚哥竊聽畫樓
東風情老去何曾減豔冶經過眼碧鷄坊裏笑聲喧走馬西來喚作海
常顛

中調

明

甘州歌四闋 正德間鄆藍賊平渠人始得復業忻闔作歌舊刻馮公祠碑陰

士

詩書高閣因紅巾 鄆藍賊皆紅巾勒首 滿地士子奔波斯文至幸喜今日渠魁就

縛青燈黃卷從頭整古史今文用意磨閑散處咏賦歌青衿濟濟好巍

峨稽首拜祝鸞坡皇皇共翊樂雍和

農

禾蕪畝漏因豕蛇肆毒農父憂愁老天憫下喜今日元兇授首築場舉

趾隨時理香稻嘉梁次第收刀買犢劍買牛閑來拍掌共歌謳偃仰際

鼓腹遊太平齊享樂悠悠

工

器皆苦窳因禽隼害久造作多時蒼冥有眼喜今日奸宄被執雕弓載

渠縣志

卷十二 文徵志十一 一八〇

渠縣平民教養工廠鉛印部承印 渠縣平民教養工廠鉛印部承印

橐無勞攘石矢藏筥不射馳疲得息憂解頤吾儕咏唱性情怡稽首拜
祝帝畿皇明永保樂雍熙

商

貨財久塞因蝟蝗螯手來往屯遮皇天好轉喜今日盡除奸賊舟通江
水艫相續陸順途間不絕車無易有陋復奢腰纏十萬不憂嗟齊頓首

祝帝軒 叶 太平永享更無賒

清

邑侯王蘭三柳初新一闋 咏市橋 官柳

城南市口長虹架看九陌春來也潏潏波綠濛濛烟碧一片柳陰橋下
好是春光淡冶是誰家層臺芳榭 却笑丹青無價囂塵中粧成圖畫
柳舒翠眼橋橫 雁齒競喜鶯遷魚化有多少寶鞍驕馬暗魂銷攀條恨

惹

邑侯王蘭三拂霓裳一闋

咏西巖
晴虹

日初升城南山色曉烟凝聲滴瀝清泉一罇玉壺明練飛穿谷口磴瀉
拂雲根耀雙睛縹緲間紅碧影層層 橋拖百尺橫丹嶺依絳雲晨光
裏瞳瞳渴飲澗之濱西巖看翠聳東嶼倩霞蒸畫圖呈是阿誰一紙付

丹青

楊立之臨江仙一闋

和白香公韻
即以寄懷

落葉空堦人未掃疎林幾點寒鴉秋容瘦健寫誰家菊殘香晚節蕉老
茁新芽古屋荒江閒歲月頻年寤想猶差屏笙細奏夜煎茶維摩愁試
病天女笑拈花

長調

渠縣志

卷十二

文徵志十二

一八一

渠縣平民教養工廠鉛印部承印
渠縣平民教養工廠鉛印部承印

清

邑侯王蘭三期夜月一闋

咏文峯
夕照

層巒疊嶂去天咫四圍臨江水霞燦爛山邈迤憑欄極目最愛峯頭文
起無已蒼茫一片烟凝紫夕暉散成綺林鴉噪沙鷺影紅泉碧澗圖畫
天然一紙 即看雲護古碣光射斗牛仙踪堪擬寶塔森森湧出影入
波心底觀止歸帆東下斜陽去世事都如此珠簾捲玉琴伫如盤月上
隔岸江城畫裏

賈屏山念奴嬌一闋

遊三
教寺

小庭花放等閒間過了重陽佳節極目長江秋色迴隔岸好山叢列古
木參天危峰矗地雅是真仙宅相將臨眺洒然心曠神悅 寺後謾謾
松聲青苔鋪徑幾畝盤陀石俯瞰澄江明似鏡時有漁舟一葉聞說當

年高僧化去跌坐飛雙鳥及今誰見祇留三尺殘碣

自註寺後有捨身岩相傳松雪和尚

飛身坐化處
碑碣猶存

哀祭類

清

邑侯王衍慶祭昭忠祠文一首

伏念義勇等踐土食毛久沾教化宣忠効力名勵節操當醜類之縱橫
奮敵愾之壯志或允壯勇或集鄉團爲士爲農皆曉同仇之義若商若
賈咸殷報國之心既有勇於生前遂成名於死後慷慨赴敵偏教命掩
重泉勇往直前竟爾魂歸長夜節婦不甘受辱甯化青燐烈女各守其
貞甘蹈白刃骸骨暴於荒野見者傷心芳魂滯於幽冥聞者隕涕雖有
子有孫遭亂離而棲神無所况無家無室經焚燬而設主何方我皇上

渠縣志

卷十二

文徵志十二

一八二

渠縣平民教養工廠鉛印部承印
渠縣平民教養工廠鉛印部承印

特沛鴻恩令立祠以昭忠義各紳耆共勸盛舉設齋醮以妥幽魂爰涓
吉辰敬安木主嗚呼祠旣告成擬流芳於百世神有所依應無憾於九
泉饗血食於春秋毋爲妖厲彰孤忠於竹帛永受明禋
賈蕤浦葉氏殉夫哀辭一首

江楓丹兮山松蒼草木搖落兮露爲霜有美一人兮蘭摧蕙折問何爲
兮感同心而悽愴悽愴爲懷兮知不可久何如與子兮相從北邙溯厥
先世兮邢茅共武企元公之苗裔兮長發其祥竊幸得所倚托兮絲蘿
掩冉擬德曜之齊眉兮木連理而鳥鸞凰英才嶽嶽兮試輒異等顧盼
自雄兮待金馬而躋玉堂何干鑠之頓折兮年纔弱冠遺熒熒之孤嫠
兮神闔然而心傷羌蓁蕢之初叶兮冀皓首之相莊午夜績以相和兮
伴書聲之琅琅念弱質之善病熱兮每露坐而代承涼惟恩義之綢繆

而不可已兮薰奉倩之心香彼昊天之不弔兮摧百結之中腸悲九原之不可作兮解翠鈿與明璫痛附身與附棺兮必誠信而勿悔誓相從於泉臺兮笑握手而相羊顧人生之不滿百兮曾不盛年而歸黃梁歸來歸來知不可得兮聞者莫不鼻酸而涕浪浪撫遺事其已遠兮山蒼蒼而水茫茫惜採訪之無人兮故語焉而不能詳君靈爽自足千古兮聊墟潛德之幽光

按鍾稚珪總纂文徵原稿僅存目錄一卷嗣經設所審訂通告徵集如贈序類之清邑貳尹白子立戴母余孺人七句晉一壽序一首蕭承恩黃太恭人七秩晉八壽序一首彭慶元符世家先生壽序一首書說類之清無名氏爲廣安知州顏公建侯罌誤在獄勸人義助啓一首碑誌類上之清邑廣文陳偉元澗渡場魁星閣碑

渠縣志

卷十二 文徵志十一

一八三

渠縣平民教養工廠鉛印部承印
渠縣平民教養工廠鉛印部承印

記一首邑侯王介屏沈君神道碑記一首賈屏山香爐山碑文一首劉國黻湧興場重建育才書院牌序一首熊煥堂射洪廟碑序一首碑誌類下之彭山周紫廷主政朝議大夫楊公墓誌銘一首頌贊類之清邑侯吳以詩陳節婦贊一首辭賦類古體二之清李棟材靜邊寺一首賈蓀谷題讀畫小舫詩集一首戴書玉七十自壽歌一首眉壽歌一首今體一之清祁陽鄧奇逢玉蟾新月一首戴禦庭秋興百首今體二之清邑侯承塿無題一首今體三之清賈蓀谷果州馬上 一首場前病歸輿中自嘲一首詩文數十篇尚付散佚茲特錄出以待異時之補誌



證誤啓事

縣乘以民初審修二十一年鑄印中因款鉅屢見稽延自陳君銘勳長教養工廠事始集議付梓以完勝志預計全縣一千部工料之需日時所費擬定六千五百元竣事每部六元五角由各場預購若干先行付納以便將事然預售之數止共收五千餘元紙本工價復較舊增加尙不計格外之虛糜無可報消以此校對一費雖有其額實無其款博學碩望之士既未便於虛勞多能濟用之才更難挽其屈就時不再緩責無旁屬不得已謹由時育等勉輸義務之忱藉解困難之舉綿薄自效竟克奏功惟學識謏劣保無乖謬或因檢字失真魯魚載誤或因嵌版無意倒逆兼施一字之差萬目所繫捫心自咎誠所難辭爰將全書次第檢閱印附證誤

渠縣志

證誤表

渠縣平民教養工廠鉛印部承印
渠縣平民教養工廠鉛印部承印

表一份於後以贖厥罪尙希讀者諒之

渠縣平民教養工廠

庶務 禹時育
經理 陳偉生
謹啓

渠縣縣志證誤表

志別	正誤	第頁前後	行數	備攷	志別	正誤	第頁前後	行數	備攷
地理志	卒業	一後	一	顛倒	食貨志	徵空	十二後	四	前下之空白係落 [徵]字
	觀	二後	十一			住往	廿三後	九	
	志事	三前	十	顛倒		貯	廿四後	四	收聽之間落[貯] 字
	京今	八前	十			鹽淪	廿七前	二	
	寫	八後	八			有本	廿八後	四	
	觀	十二前	一			融	卅六後	八	
	百	卅八前	八		教育志	令今	六後	十	
	有鎮	四十三前				屈	七前	六	
	修	四十七後	二			屈	九前	四	歲生間落[頁]字
	卽印	五十八前	七			侍	十後	八	
	岩里	五十九後	四			恩	十一後	二	
	溪橋	六十四前	四	流溪場誤		目	十七前	九	
食貨志	局契	十後	二			未	卅七後	六	

渠縣縣志證誤表

志別	正誤	第頁前後	行數	備攷	志別	正誤	第頁前後	行數	備攷
教育志	余	四十四前	二	余鵬衢	兵備志	防	一前	七	防常之間多一 [防]字
實業志	藕藉	七前	一			備	一前	七	稱供之間落 [備]字
禮俗志	西四	七後	八			僮	一前	九	
	蕪蔗	九前	四			稼	四後	六	顛倒
	衍	十後	十一			終	九前	三	
	舊	十三後	四		官師表	陰	十五後	十一	
	乖	十七前	八		人物表	哀	一後	四	
	范	二十前	十一			哀	廿一後	四	
	成	廿一前	九			書	廿前	二	成名之間多一 [年]字
	饌	廿二前	八	顛倒		七	廿二後	十	中書間多一[書] 字中銜間落[書]字
	祝	廿五後	八	顛倒	列傳志	傳	一後	三	十年間落[七] 字
	孔	廿七後	九			字	一後	十	辨說之間落一 [傳]字
藝文志	昭	九十六前	二			字	一後	十	
樂	蹈	九十六前	二		遠	間	十六前	二	
樂	三	後	四		遠	欄	十六前	二	

渠縣平民教養工廠鉛印部承印
渠縣平民教養工廠鉛印部承印

志別正誤 第頁前後 行數 備攷

列傳志 續讀 十八前 一

鄉相 廿九前 十

直宜 五十二前 三

程稅 七十七前 五

忘志 八十前 八

雅雅 一後 六

碑碎 一後 十

清注 五後 十一

鞦韆 七前 九

存 八後 五

上下 十七前 八

余余 十八後 二

返返 廿四前 五

鳥鳥 三前 十一

文徵志 侍侍 六前 九

藉田 六後 五

署暑 六後 七

顧願 十四前 四

鳥鳥 十七前 十

煥緝 廿二前 四

爪瓜 廿三前 一

碑目 廿三前 四

不有 卅三後 十一

願願 四十三前 三

樓樓 五十二前 七

而 五十五前 一

侯渠 五十九前 十

冰永 六十一後 八

備攷

顛倒

顛倒

顛倒

顛倒

顛倒

久業上多一[而]字

渠縣志 證誤表

渠縣平民教養工廠鉛印部承印 渠縣平民教養工廠鉛印部承印

志別正誤 第頁前後 行數 備攷

文徵志 邑? 七十一後 二

焉馬 七十四前 九

歉歉 七十四後 十

託記 七十四後 十一

百自 七十八前 一

廉兼 八十二後 十

爲無 八十三後 十

袍抱 九十前 十一

響蠻 一一五前 一

能而 一一五後 三

邑 一一八後 八

十 一二六後 六

拖拋 一三九後 八

影 一百四十前 一

文徵志 冰水 一百四十八前 五

讀續 一百五十三後 十

丹舟 一百五十八後 九

斜雨 一七百十九後 一

原句風也斜 雨也斜

大義告之曰下 多一[邑]字 顛倒

